

# ضل حيطت

"قصص قصيرة"

جميع حقوق النشر الورقي و الإلكتروني محفوظة للناشر.

قصص قصيرة: ضل حيلة.

الكاتبة: رانية البشيشي.

الطبعة الأولى: مايو 2018

رقم الإيداع: 28553 / 2018



الناشر:

"دار أدباء 2000 للنشر والتوزيع"

Mobile: +2 01099654718

المدير العام: منة عامر

E.mail: [Odabaa2000@gmail.com](mailto:Odabaa2000@gmail.com)

Website: <http://entashaaer.wix.com/odabaa2000>

Facebook: <https://www.facebook.com/Odabaa2000>

تصميم الغلاف: محمد علي.

تصحيح لغوي: أحمد عبد المنعم.

جميع الحقوق @ 2018 محفوظة للناشر



"دار أدباء 2000 للنشر والتوزيع"

يمنع منعاً باتاً بدون إذن خطي معتمد من الناشر:-

نسخ أو إستعمال أي جزء من هذا الكتاب بأي وسيلة تصويرية أو إلكترونية أو ميكانيكية هما فيها التسجيل الفوتوجرافي و التسجيل على أي أشرطة أو أقراص صلبة أو مرنة مقروءة أو النشر عبر الإنترنت أو أي برنامج إلكتروني أو أي وسيلة نشر أخرى مما فيها أدوات حفظ المعلومات و إسترجاعها.

إن الآراء الواردة في هذا الكتاب لا تعبر بالضرورة عن رأي "دار أدباء 2000 للنشر و التوزيع".

# ضل حيطت

قصص قصيرة

رانية البشبيشي





## مقدمة

إلى ينبوع الحياة

إلى كل امرأة وفتاة مفعمة بالعطاء والحنان، وقوية بالصبر والجلد،  
وضعيفة بالأنوثة الطاغية.

إلى كل أم رؤوم ..

وزوجة حنون ..

وأخت عطوف ..

وابنة حانية.

إلى كل امرأة بدونها ما عُمِّرَتْ بلادٌ ولا قامت أممٌ ، ولا تدفأت بيوت، ولا تألق أزواج، ولا  
كبر أبناء ، ولا شبَّ رجالٌ، ولا قويت سواعدٌ، ولا بُنيت جيوشٌ ، ولا استمرت حياة.  
فأنت أيتها المرأة أرضٌ يُبنى عليها كل شئ.....

مع خالص تحياتي

رانية البشبيشي



الدنيا ريشته في هوا

**إستيقظت** ندى مبكراً رغم انها كانت في اجازة. كانت الساعة السابعة صباحاً. هى لم تتم طول الليل. كانت فى قمة القلق. تملكها شعور غريب. هو فى الحقيقة مزيج من القلق، و التوتر، و السعادة فى نفس الوقت. فى الواقع امامها يوم طويل و شاق، و لكنه لذيذ و مثير فى نفس الوقت. إنه يوم طالما انتظرتة، و حلمت به ، و أعدت له. إنه يوم انتقالها هى و زوجها و ولديها الي بيتهم الجديد. فى الواقع هو بيتهم الأول كعائلة صغيرة و مستقلة. إنه البيت أو المملكة الصغيرة التى طالما تمننتها و حلمت بها منذ أول يوم زواج. لأول مرة ستستقل ندى و تصبح سيدة المنزل.

مشكلة زواج ندى أنها قبلت الزواج فى شقة حماتها. كانت تحب حسن زميل أخيها فى الجامعة . تمت أن يكونا معا أسرة صغيرة، و بيتاً دافئاً يعيشا فيه معا. لكن الواقع لم يكن بهذه الرومانسية. فلم يتمكن حسن من تأسيس شقة مستقلة. و قبلت ندى الزواج و الحياة معه فى شقة والدته. إعترضت ام ندى و اعترض أبوها فندى فتاة جميلة لطالما حلمت امها بيوم زفافها. و تخيلت شعرها الأسود الطويل لامعاً، كسواد الليل من تحت الطرحة البيضاء، و بريق عينيها الزرقاوان يضىء وجهها كنجوم السماء. فلما تقبل ندى التى طالما طرق بابها الخُطاب بمثل هذا العريس؟ لكن ندى أصرت و افنعتهم، فهى تحب حسن، و لا تستطيع الحياة بدونه ، ثم أنها تثق فيه ثقة شديدة، و تعلم إنه الوحيد القادر على إسعادها. و قد وعدتها أنه سيعمل جاهداً حتى يوفر لها حقها فى أن يكون لها بيت خاص بها، ترتبه كيفما تشاء، تنظفه ، تزينه ، تفرشه و تسعد به و فيه.

لكن الواقع كان مختلفاً و الحياة صعبة و حسن لم يف بوعوده. ندى لا تعلم إن كانت المشكلة فى حسن ، ام فى الظروف، ام فيها هي شخصياً. هل أخطأت الاختيار؟ هل كان يجب أن تستمع لنصيحة والديها؟ ام هل الظروف قد ظلمت حسن؟

لقد تحول حسن الي شخص آخر. إنه ليس زميل أخيها الخلق و زوجها الحبيب. إنه شخص محبط ، فاشل و كسول . لا يستمر فى أى عمل أكثر من بضعة أشهر. دائم التأخير عن مواعيده، غير ملتزم ، و غير شاعر بأى مسؤولية. لقد أكتشفت ندى إنه شخص مدلل و غير مسئول. لقد أفسده تدليل امه له . فهو و لدها الوحيد و ثبت أنها لا تريد أن تبعد عنه. فهى لم تشجعه على الزواج. و لم تحته على بناء بيت، بل على العكس. فإنها كانت دائماً تحبب أى محاولة لشراء شقة زوجية لندى و حسن. و كانت تصر أنه ليس هناك ما يضطرهم لذلك فهم يعيشون معززون مكرمون فى منزل العائلة، و فى الواقع فانهم كانوا فعلاً يعيشون حياة تكاد تكون سهلة. فهم لا يتحملون الأعباء المادية

وحدهم و والدة حسن تتحمل جزء كبير من المصاريف. لكن المشكلة إنهم لم يكونوا يعيشون في منزل العائلة و إنما في منزل والدة حسن فهي الامر الناهي, و هي تدير المنزل . و كل شئ يتم وفقاً لرأيها و ذوقها. فهي ترتب الأثاث, و تعد الطعام, و تنظف المنزل مع الخادمة, و تعمل كل شئ و كأن ندى ليست سوى ضيفة, لم تشعر ندى يوماً أنه بيتها, لم تشعر بالإستقلال , لم تشعر بالدفء , لم تشعر بكيانها كزوجة و ام . إن حمايتها لا تسئ معاملتها أبداً لكنها فقط تعتبرها جزء من أثاث المنزل, فلا رأى لها, و لا دور لها, و حسن ليس له أى دور هو الآخر, و والدته تكاد تشجعه على ترك كل عمل يلتحق به . فهذا عمل لا يليق بك , و ذاك لا يتناسب مع مؤهلاتك , و هذا المدير يكرهك , و ذاك الزميل يشعر بالغيرة تجاهك و هكذا و هكذا . و هي تمسك زمام الامور, حتى تحول حسن الي إنسان شبه عاطل ,لا يجيد شئ و, لا ينجح في شئ بل و يشعر بالغيرة من نجاح زوجته. إن ندى ناجحة , فهي مدرسة ناجحة في إحدى المدارس الدولية الشهيرة . ثم أنها لاعبة كرة سلة محترفة و تنتمي الي المنتخب . بل هي كابتن المنتخب و هي في نفس الوقت رسامة موهوبة جداً . يشهد لها الجميع بذلك. و قد بدأت في بيع لوحاتها الزيتية الأنيقة و التي طالما سهرت الليالي تستمتع برسمها, و تضع كل كيانها و مشاعرها في كل خط تخطه فيها, و كل لمسة تضعها, و كل لون تختاره .

اما حسن فتشدد غيرته من زوجته, و من نجاحها , و بدلاً من أن يفتخر بها أو يشجعها فإنه دائم الإنتقاد و التأنيب لها و التقليل من شأنها. بل أنه بدأ أيضاً يستمتع بكل لحظة من هذه اللحظات. إنه يبدو و كأنه يتلذذ بالتقليل مما عمله أو باللعب على أوتارها الحساسة, و هي كثيرة , فندى فنانة مرهفة الحس, و إنسانة رقيقة.

إنها لن تنسى عندما دعت له لأول مرة بعد الزواج ليشاهد مباراة المنتخب النهائية. لقد كانت ندى بحق هي نجمة المباراة , فقد وفقها الله في تسديد الكرة , و في الحصول على نقاط كثيرة لفريقها حتى تكفل تعبها بالنجاح , و إنتهت المباراة بفوز ساحق لفريقها. كانت ندى في أروع حالاتها. كانت روحها المعنوية مرتفعة جداً. كانت تشعر بقيمة السعادة لأن حسن يشاهد المباراة ضمن المشجعين و قد نجحت في أن تجد له مكان في المقصورة. فهي كابتن المنتخب, و هي بالفعل أحسن لاعبة. لكنها تستمد قوتها في هذه المباراة من وجوده, فهي تسمع صوته يعلو على أصوات المشجعين جميعاً و تشعر, بنظراته تتابعها, و تشجعها, و تفتخر بها, و هو يكاد يقول للجميع هذه زوجتي و حبيبتي.

و إنتهت المباراة و الصفير و التشجيع و التكريم، لكن الإثارة و السعادة لم ينتهيا ،و توجهت ندى بعد المباراة مسرعة الي حسن و نظرت في عينيه بسعادة و فخر و انتظرت...

- مبروك

قال حسن بإقتضاب.

- مبروك بس.

ردت ندى .

- ممكن تسلم عليا و تبوسني ، متتخرجش.

- بس أنا مش محرج على فكرة.

- أو مال في إيه.

- و لا حاجة. أنا بس مستغرب.

- من إيه ؟

سألت ندى بتعجب.

- مستغرب من نتيجة الماتش.

- قصدك إيه ، مش فاهمة.

تعجبت ندى مرة أخرى.

- قصدي إن فرقتكم أدت أداء ضعيف و غريب و من عجائب القدر إن الماتش خلص بفوزكم رغم فرق الأداء الملحوظ جدا بين الفرقتين.

كانت صدمة ندى شديدة، و كأن أحداً أسكب عليها ماءً مثلجاً، لم تدري ماذا تقول.

- بس إزاي ؟

سألت مصدومة.

- معرفش بس هي دي الحقيقة.

- بس أنا لعبت ماتش متميز، و الناس كلها اجمعت على كده، و كمان فرقنا كانت في قمتها و أحسن حالتها و كل الجمهور كان يشجعنا.

إعترضت ندى و هي تغالب شعورها بالإحباط و الضيق.

- شكلك مش متعودة إن حد يقولك الحقيقة. هما بس بيجاملوكم علشان الفرقة كسبت الماتش. الماتش بتاع النهاردة ده ملهوش أي علاقة بالرياضة. و بعدين أنا محستش إن أدائك كان متميز بأى شكل. عامة مبروك. حُاستناكي في العربية.

هكذا تركها حائرة ، محبطة و مصدومة. ما هذا الذى حدث و لما يصر حسن على التقليل من شأنها. هل هذه هي الحقيقة ؟ هل يجاملها الجميع ؟

هكذا سرق حسن فرحتها، و حرّمها من الإستمتاع بلحظة الإنتصار و الفخر. و كانت هذه هي البداية، فرويدا بدأت تفهم أن حسن لا يفتخر بها ، بل و يشعر بالغيرة من نجاحها، و لذا فهو يميل دائما الي التقليل منه، خاصة إنه ثبت مع الوقت أنه لا ينجح في شئ .

قررت ندى ألا تكرر ما حدث. فإن كان نجاحها الرياضي يؤرقه فلا داعي لأن يشارك فيه أو يشاهده، و لتحترم شعوره، و لا تدعوه لمشاهدتها مرة أخرى و هي تلعب كرة السلة، فالحياة أبسط من ذلك. و في ميعاد المباراة التالية لم تدعوه ندى ، لكنها فقط أخبرته أنه يوم المباراة النهائية مرة أخرى. و لم يبد حسن أى إهتمام أو أى رغبة في الحضور. لكن الغريب أنه فتح التلفاز، و بحث عن قناة الرياضة ،و اختار أن يشاهد مباراة نسائية أخرى في كرة السلة.

- مهم الماتش ده ؟

همست ندى.

- طبعا و الأهم منه هو طريقة اللعب. هو ده الفن الحقيقي و هي دي الرياضة.

- طبعاً.

- بصي كده على أجسامهم الرياضية و اللياقة البدنية الشديدة و إزاي بيجروا زي الغزلان و يشوطوا الكرة بقوة . هو ده اللعب اللي على حق و هي دي كرة السلة الحقيقية.

- طبعاً مستواهم عالي جداً.

حاولت ندى أن تتجاهل نبرة السخرية و الإستفزاز الواضحة في صوته.

- لو متعرفوش تلعبوا بهذا المستوى يبقى بلاش اللعب أحسن.

جاءها التعليق واضح و غير قابل للتجاهل.

- إحنا بنعمل اللي نقدر عليه و إن شاء الله ربنا معنا.

قالت محاولة أن تنهي هذا الحديث المستفز.

- "إن الله لا يضيع أجر من أحسن عملاً."

ذكر حسن الآيّة بقوة.

- بس إنتوا مش بتحسنا عملكم. و مافيش مقارنة بينكم و بين الفرقة دي.

- إحنا بنعمل بجد و اجتهاد وبنتمرن ليل و نهار و وصلنا فعلاً للنهائي. عايزنا نعمل أكثر من كده إيه؟

- و لا حاجة ، و لا حاجة، مش هتفهمي. و يكون في علمك إن إنتوا مش هتكسبوا ماتش النهاردة علشان كده أنا مش ناوي اتفرج عليه.

- حرام عليك

صاحت ندى ....

ده بدل ما تشجعني.

-أشجعك على إيه؟ أنا عايزك تشوفي الامور بوضوح و تستعدي نفسياً. إنتوا بتلعبوا فرقة من أقوى فرق أفريقيا و الفرق بينكوا واضح فمتضيعيش وقتك و تقبلي اللي هيحصل .

- أرجوك كفاية . أنا مؤمنة بربنا و عارفة إنه مش حيخذلنا. كفاية. حرام عليك. أنا نازلة. فعلا الكابتن معاه حق أنا غلطانة إني بأخذ إذن من المعسكر و آجي بس كان لازم علشان العزاء بتاع امبارح.

أنهت ندى الحديث و قد أصيبت بكم من الإحباط و الغضب لا تستطع التخلص منهما. و تتذكر ندى أنها نزلت الملعب و الخوف يسيطر عليها. و لكن ما أن امسكت بالكرة حتى إستعادت روحها العالية و ثققتها و لعبت مباراة جميلة انتهت بفوز فريقها . و عندما عادت الي المنزل لم تجد حسن، و عندما تقابلا في اليوم التالي، بعد مواعيد عملهما، لم يتطرقا الي هذا الموضوع.

و تمر الأيام، و يرزقا بأحمد، طفلهما الأول، و تتمنى ندى لو أن ذلك يصلح من حال حسن و يهدئه. لكن شيئاً لا يتغير، و يستمر حسن في محاولات احباطها المستمرة، و التقليل من شأنها، بل و يزيد الامر سوءاً بعد أن يرزقا بطفلهما الثاني زياد. فمستولية ندى تزيد، فهي بين العمل و التمرين و الأولاد، و حسن لا يشعر بأي مسئولية تجاه أحد، غير نفسه، و امه تدلله، و تساعد على إفساده، و على عدم تحمل المسئولية. و ندى أصبحت كثيرة التوتر. تنوء بحملها و لا تتمتع بأي خصوصية. و حسن لا يحترم مشاعرها المرهفة و حساسيتها المفرطة. بل انه مستمر في اللعب على أوتارها الضعيفة و كأنه يستمتع بالضغط عليها و باللعب على أعصابها في كل مناسبة كي تفقد ثققتها بنفسها .

و عندما مرض أحمد إبنها الكبير، و إستيقظ في منتصف الليل باكياً، و سمعت ندى صوت حشجة في صدره، جرت الي حسن توقظه.

- فيه إيه؟

- أحمد تبعان

- قالت متماسكة

- أسمع صوت حشجة و أعتقد إننا لازم نوديه المستشفى.

- بس بس. هو إنتي دكتورة ولا ايه؟

رد ساخراً

- خليني اشوف معاكي.

و يستمر أحمد في البكاء و يستمر نفسه في الحشجة.

- إديله الدواء اللي كتبهوله الدكتور.

امر حسن بحزم.

- أخذه و مش شايقة إن الحالة بتتحسن.

- نستنى شوية.

- إستنيت و الله العظيم. و مش هقدر أستنى أكثر من كده.

- إنتي دائماً متسرعة و مش بتستحملي أي حاجة كده. أنا مش فاهم إزاي تكون كابتن

المنتخب إنسانة ضعيفة كده. لك الله يا مصر.

- ده مش وقت المنتخب

صاحت ندى

- الولد تعبان جداً و أنا مش قادرة استحمل كده.

و يتركها حسن، و يذهب الي غرفته، و تستمر حشجة أحمد، و يزيد قلق ندى و تحترق

أعصابها، و تزيد الحشجة و يقوى التوتر، و يتفاقم القلق، و حسن في هدوء شديد، و

كأنه يستلذ بقلقها.

- حسن أرجوك كفاية. لازم نروح للدكتور.

- مصرة على كده يعني؟

- أرجوك.

رجته ندى

- حاضر حاضر. سيبني أغير هدومي ولا عوزاني أنزل بالبيجاما؟

تنفست ندى الصعداء، و غيرت ملابسها في ثواني، و ذهبت لتخبر ام حسن إن زياد نائمًا في فراشه، و إنهم ذاهبون الي المستشفى، و تعاطفت معهما حمايتها. و طمأنتها أنها لن تنام حتى يرجعا. و جهزت ندى احمد و ذهبت لتنادي حسن وجدته مازال بالبيجاما.

- ملبستش هدومك كل ده؟

إحنا جاهزين.

قالت محاولة التحلي بالهدوء.

- يعني أعمل ايه؟ إستني شوية لازم أحلق ذقني.

- إيه؟

صرخت ندى.

- أحلق ذقني. مسمعتيش؟ و لا أنا باتكلم لغة تانية؟

- و هو ده وقت ذقن؟

- آسف أنا لا يمكن انزل بالمنظر ده.

- الولد تعبان .

صاحت ندى.

- مفيش وقت احنا في نص الليل و محدش حيشوفك.

- بس أنا شايف نفسي.إسكتي شوية.

و سكتت ندى و أخذت تتابعه، و هو يذهب الي الحمام ،و يضع جل الحلاقة ،قليلاً، قليلاً، ثم يقلب في امواس الحلاقة، فهذا قديم ،و ذاك لا يصلح، ثم أين الموس الجديد؟ إنه احسن واحد. و الدقائق تمر، و ندى لا تصدق، و أعصابها تحترق.

و أخيراً إنتهت الحلاقة، و بدأت رحلة البحث عن الملابس المناسبة. و الوقت يمر ببطء، و الحشرة مستمرة، و ندى تحترق، و حسن يستمتع بكل لحظة و كأنه يستنشق عبير إحتراقها، فيستمد منه قوة و راحة.

و أخيراً، و بعد عناء المستشفى، و الطبيب، و العلاج، تحمد ندى ربها على تحسن حالة أحمد، و تسهر بجانبه طوال الليل في المستشفى، و حسن يتابعها بمنتهى الهدوء حتى يعودا الي المنزل في الصباح الباكر، و قد تحولت ندى الي كتلة من الأعصاب المحترقة.

و تمر الأيام على هذا المنوال و ندى لا تدري ماذا تفعل. لقد أصبحت شديدة العصبية و فقدت الكثير من رومانيتها و هدوؤها . و حسن يدرك أن أعصابها لم تعد تحتل، و يستمتع بذلك، و كأنه يستعذبه.

و تفكر ندى في الحل. و تقرر عمل شئ، و تصل الي أن أحد الحلول هو إنتقالهم الي بيت مستقل كما وعدھا حسن في بداية علاقتهما.

فرما إذا ابتعد عن امه تعلم تحمل المسؤولية، ربما إستمر في وظيفة ، إذا لم يجد من يهون عليه الامر، و يسليه كل صباح، ربما إذا وجد نفسه وحيداً في الصباح عرف قيمة النزول و العمل. ربما يزيد شعوره بالمسؤولية الملقاه على عاتقه بدون مساندة صريحة من امه، و ربما شعرت هي أيضا بالخصوصية و الإستقلال. إن هذا الحل بالتأكيد سيحسن الامور. و كما توقعت، فلم يكن الامر سهلاً ، فالجميع يقاومون ، ام حسن لا تريد أن تعيش وحدها، و تتخلى عن إبنها. و حسن لا يرى داعي لذلك، فهي مصاريف و تعب و وجع دماغ بلا داعي. لكن ندى تصر، و تحارب، و تجاهد مع النجار و السباك و الكهربائي و باقي العمال، و تتحمل إحتراق أعصابها كل يوم بل كل دقيقة، ما بين العمل و التمرين و الأولاد و الشقة و العمال، و هدوء بل برود أعصاب حسن و إستمتاعه بمشاهدتها و هي تحترق، لكن كل شئ يهون في سبيل هدفها، و كل التعب يهون عندما تجهز الشقة . و يأتي اليوم الموعد، و تستيقظ ندى باكراً متفائلة و مبتسمة و شاعرة بالامل. إنها تعلم أن الشقة الجديدة ليست أحسن شئ، فهي بعيدة قليلاً، في أطراف الشيخ زايد، و ليست في كومباوند كما كانت تحلم، لكنها في عمارة جديدة، و تطل على شارع واسع. عيها هو أن العمارة لم تسكن بعد . فكل الشقق خالية. فصاحب العمارة بناها لاولاده، و لم يبع سوى شقة واحدة فقط. لكن هذا عيب مؤقت. فسرعان ما سيبيع الشقق الأخرى، و ستسكن و ستمتلى العمارة بالسكان. فلتستمتع الآن بالهدوء و السكون و النظافة، و لا تتعجل الامور، و لتحمد الله أنها تمتلك سيارة خاصة أهداها إليها والدها بعد ان رزقت بطفلها الاول. و المدرسة التي تشتغل بها و يذهب اليها الاولاد ليست بعيدة على الإطلاق. و سوف يجد حسن عملاً جديداً مثل كل مرة. فيجب

أن تعترف أن مظهره و وسامته و ذكائه الواضح يساعدونه على ذلك. و ستتحسن الحياة.  
فلتبدأ يومها بالإبتسام.

\*\*\*\*\*

حان وقت الرحيل. و كل شئ جاهز, و ندى و الأولاد في قمة الشعور بالإثارة و السعادة,  
و حسن متأخر كالمعتاد ,و لكن ندى لن تسمح لشئ بأن يعكر صفو يومها ,ثم أنها  
اعتادت على ذلك.

ذهبت لتودع حماتها و تشكرها على إستضافتهما الطويلة لهم, فهي و للحق لم تقصر في  
أي شئ.

-أشوف وشك بخير

بادرتها ندى و هى تحاول تقييلها.

أشاحت المرأة بوجهها الحزين و لم تستطع أن تداري امتعاضها و هى تقول:

- مع السلامة و إن كنت مازلت لا أرى داعي لكل ذلك. تعب و مصاريف و قلة راحة  
على الفاضي.

- معلش هو شئ لايد منه.

- و ليه لايد منه. ماكنا عايشين و مبسوطين و أنا عمري ما قصرت معاكم.

- طبعا و الله أعلم ذلك.

ردت ندى بصدق.

- و لكن الأولاد كبروا و إحنا تعبناكي كثير و بجد كفاية كدة.

- أنا عمري ما إشتكيت

قالت الام بحسرة.

- طبعا يا طنط. إنتي ست الكل و خيرك علينا, أحمد عمره 10 سنوات و زياد 8 و لازم  
يحقوا إن ليهم بيت و أوضة خاصة بيهم زي باقي صحابهم.

- طيب، على كل حال الكلام مش هينفع. يلا توكلوا على الله.

سلمت ندى و الأولاد على حماتها، التي لا تستطيع مغالبة شعورها بالحزن و الإحباط، و نزل الجميع الي السيارة، في انتظار حسن، و كالعادة ،مضت الدقائق بطيئة، مملة و الأولاد يحثون ندى على عدم انتظار والدهم المتأخر دائما. لكنها كانت قد قررت ان تبدأ صفحة جديدة، فلتنظر حسن، و بعد حوالي نصف ساعة ظهر حسن و أخرج مفتاحه و ذهب متباطئا في اتجاه سيارته، أخذ في تلميع الزجاج و ضبط المرايات، و أخيرا فتح الباب، ثم أخذ ينظف تابلوه السيارة، و يرتب و يلمع، و أخيرا حانت ساعة الصفر، و انطلق بسيارته، و انطلقت ندى وراءه في إتجاه بيتها الجديد، و حياتها المقبلة.

كان البيت الجديد متعه لندى، لم تكن تتصور أنها ستعشقه الي هذه الدرجة، كان كل ركن فيه على مزاجها، اختارت كل شئ و رتبته كما تريد تماما فحسن لم يعترض ، كانت تشعر أنه حقا مملكتها الخاصة، و يبدو أنه أثر على حسن ايضا. فلأول مرة لم يعترض على ذوقها و لم يقلل من شأنها و لم يتعمد حرق أعصابها. بل بالعكس يبدو أنه كان مستمتعا مثلها، و امضيا اول ليلة في حالة سعادة و حب ذكرتها بأول أيامها معه حيث كانت تظن أن زواجها سيستمر في حالة من العشق. تمكنت من إستعادة هذه الحالة مرة أخرى، و امضيا معا ليلة من العشق التي كادت ندى أن تنساه.

و في الصباح، بدأت ندى حياتها الجديدة، فلم يبقى سوى أسبوع، و تنتهي الأجازة ، و تعود ندى الي عملها، ثم أن والدها و والدتها يريدون زيارتهما، و مباركة بيتها الجديد، و هى تريد أن يكون في أحسن حال، كما أن اخوها سيف سوف يعود أخيراً من دبي في خلال شهر، و هى تحب سيف، بل تعشقه، و تريد أن تفاجئه ببيتها الجديد التي طالما حكى له عنه في مكالمتهما الطويلة. البيت جميل، و مرتب و نظيف و الشمس و النور يملآنه. قد تكون المشكلة الوحيدة هى الشعور بأن العمارة غير مسكونة، و لكن هناك حارس، صحيح أنه يقوم على شئون أكثر من عمارة، و لكن ندى اتفقت معه على أن يقفلوا باب العمارة باستمرار، الي ان تركب "انتركم" يمكنها من فتح باب العمارة بنفسها، فهذا يجعلها تشعر بالامان .

و إستمتعت ندى بكل لحظة، و خاصة و هى ترتب لزيارة والديها، ووقفت في الصباح، تجهز كيكة القرفة التي يحبها والدها، و البيتزا التي تفضلها والدتها، و رتبت المنزل على أكمل وجه، و طلبت من حسن أن يشتري بعض المشروبات، و هو في طريقه من عند والدته، و فعلا أتى بها كلها على أكمل وجه.

كان ميعاد الزيارة في السابعة، و والد ندى يحافظ على مواعيده، و هو مريض قلب، و لن يتأخر، حتى لا يؤخر نومه، لذا بدأت ندى في الإستعداد من السادسة، و بدأ حسن في الإستعداد هو الآخر.

و في الساعة السابعة إلا خمس دقائق ناداها حسن.

- ندى.

- نعم، أنا باجهز صينية الشاي.

- تمام ، بس أنا نسيت أقولك حاجة.

- خير؟

- الأسانسير عطلان.

- إيه؟

صرخت ندى، و قد نزل عليها الخبر كالصاعقة.

- يعني إيه و ليه مقولتش؟ و بابا إزاي هيطلع؟ دي كارثة. ده زمانهم بيركنوا العربية و ماما سايقة من المهندسين لهننا.

- سوري

- طب و إيه العمل؟

- و لا يهملك ممكن اشغله. أصل أنا أكتشفت إن سكينه الكهرباء بتقلب إذا إتقطع النور و لازم نعدلها.

- طب و ليه معدلتهاش؟

- نسيت.

أدركت ندى إن حسن رجع ثاني لإثارة أعصابها و اللعب عليها. تماسكت فليس هناك وقت.

- طب لو سمحت تعدلها.

- طيب بس أنا في الحمام يعني إنتي مش حاسة.

- طب بسرعة من فضلك.

- ثواني

جاءها الرد.

و لم تصدق ندي, وهي تسمع صوت باب الحمام, ثم صوت المياة وهي تنساب من الدوش. لقد قرر حسن أن يستحم. اذاً فامامه نصف ساعة علي الأقل حتي يظهر.

- يا حسن حرام عليك. بابا علي وصول.

- طبعاً طبعاً حالاً.

و في نفس اللحظة رن الموبايل كما هو متوقع, وجاءها صوت والدها متسائلاً

- هو الأسانسير عطلان ولا إيه.

- أبداً أبداً هي بس سكينه الكهرباء. حسن هيصالحها حالا.

- طيب يا بنتي يالا أحسن الجو حر.

- حاضر يا بابا.

جرت ندي تدق علي باب الحمام.

- يا حسن أرجوك بابا تحت و الدنيا حر.

و تمر الدقائق ثقيلة , و صوت المياة الرتيب يدل علي عدم الإستعجال أو تغيير النمط.

و تبدأ ندي في التوتر المعتاد.

و يرن الموبايل مرة أخرى. و في هذه المرة يأتي صوت والدتها مؤنباً.

- يا ندي بقي لنا اكثر من خمس دقائق و الدنيا حر و بابا تعبان.

- آسفة جدا و الله هستعجل حسن.

- لسه هتستعجلية.

أنبتها أمها.

قولي لنا فين السكنينة دي و بابا يصلحها.

- أصل مش عارفة مكانها بالظبط .

دقيقة أسأل حسن.

و تجري إلي الحمام مرة ثانية و في هذه المرة تصيح في توتر.

- بابا تعبان يا حسن حرام عليك فين مكان سكنينة الكهرباء.

- أصلها في الجراج , و بابا مش هيعرف يوصل لها. انتظري دقيقة.

و يجيئها صوت ابنها أحمد ملهوفاً. أنا ممكن انزل أساعد جدو لحسن يمشي من غير ما أشوفه.

- حاضر يا حبيبي ماتخافش بابا هينزل حالاً.إ ستنى كده.

و تأخذ ندي الموبايل, و تتصل بوالديها.

- حسن جاي حالاً.

ياريت بس تقعدوا في العربية لحد ما يصلحه.

أصل السكنينة في الجراج و صعب الوصول لها.

و تقفل امها الخط.

و أخيراً يخرج حسن, و جسمه ملفوف بالبشكير الجديد.

- يالا يا بابا جدو تحت.

- حاضر, بس يعني ممكن أنشف نفسي و ألبس هدمومي.

وبدأ حسن في تنشيف جسمه بالروتين المعتاد و كأن شيئاً لا يؤرقه. و سكتت ندي فهي تعلم أن الكلام لن يجدي.

- علي فكرة

قال "حسن".

- أنا نسيت أطلع التي شيرت الصفراء ممكن حد يجيبها من الدولار.

وجري أحمد نحو الدولار و جاء بالتي شيرت.

- من فضلك تكويها لحسن مش قادر ألبسها كده.

- إلبس واحدة ثانية.

بدأت نبرات صوت ندي تعلقو رغم محاولتها السيطرة عليه.

- لأ لأ أنا عامل حسابي علي الصفراء.

رد حسن بالبرود المعتاد.

جرت ندي صاغرة الي المكواة و جهزت التي شيرت في دقيقتين.

- أي طلبات ثانية.

- لأ شكرا.

رد حسن وهو يرتدي التي شيرت ثم يسرح شعره ثم يلبس الشراب و الحذاء ثم يبحث عن مفتاحه و أخيرا يتجه إلي الباب.

و يرن الموبايل و يأتي صوت والد ندي.

- طيب يا حبيبتي أنا مضطر امشي علي كل حال ألف مبروك و سلمني لي علي الاولاد.

- لأ لأ حسن خلاص نزل.

علشان خاطري يا بابا أنتم وحشتونا جدا.

و يرضخ والدها و ينتظر حسن الذي ظهر و سلم عليهم بمنتهي البرود و كأن شيئا لم يكن.

- ثواني سأنزل الجراج لأصلح السكينة.

و نزل حسن و اشتغل المصعد أخيرا و إستقبلت ندي والديها بالدموع والابتسام. دموع الخوف عليهما وعلي سوء إستقبالهم لهما وفرحة لقائهما في منزلهما لأول مرة.

و نسي الجميع كل شئ في متعة اللقاء , و اللعب مع الأحفاد, و إستمتعت ندي بالكيك و البيتزا, والكلام, والتسامر., وتفرج والديها علي المنزل باعجاب وابتهاج, و حاول الجميع تجاهل ما حدث, و لم تنقل لهما ندي تدمرها من حسن, و شعورها بأنه كان مستمتعا بمعاناتهما في الدقائق السابقة للزيارة.

و في نهاية الزيارة سألتهما ندي مؤكدة.

- أليس هناك تغير في ميعاد رجوع سيف من دبي؟

- لأ بعد بكره انشاء الله.

ردت الام.

. سأكون في انتظاره أنا و حسن ان شاء الله.

قالت "ندي"

أوي .

- و الله كان نفسي أروح بنفسي

رد والدها

- واحشني بجد. لكن المشوار صعب عليا جدا.

- ولا يهملك

رد حسن

- هروح مع ندي أصل سيف واحشني أنا كمان.

- عموما ربنا يسهل بس أوعوا تتأخروا عليه أحسن معاه عزال و شنت و مافيش حد غيركم.

- طبعا يا طنط طبعا

رد حسن و هو يقفل الباب وراءهما

- إطمئناوا.

- و هو أنت فعلا هتيجي معايا؟

سألت "ندي".

- طبعا يا حبيبيتي طبعا. ده سيف ده صاحبي أصلا و بعدين واحشني. بس المشكلة إننا هنضطر نروح بعربيتك لأن عربيتي هتكون عند الكهربائي.

-مش مشكلة. بس أرجوك راعي إن ده ميعاد مهم و سيف حيزعل لو ملقناش مستنينه. و بعدين أنا فعلاً عاوزة أشوفه. واحشني قوي. مش مصدقة إنه أخيرا هيرجع و يقعد معنا و نخرج و نسهر سوا.

- إطمني.

- بس نفسي أسألك سؤال. ليه ما صلحتش الأسانسير؟ ليه بتعمل كدة؟

- كدة ايه؟

سأل في إستغراب.

- ليه بتحب تعذبني و تلعب بأعصابي؟ هوأنا عملتك إيه؟

- أنا !!

- صاح منزعجا إ

أنا شايف إنك تعبانة.

تصبحي على خير.

و إنتهى الحديث , و في اليوم التالي أمضت ندى الوقت كله و هى تشعر بالسعادة لعودة أخيها, و تأام روحها, فلطالما أمضيا الوقت معا يلعبان كطفلين, ثم يتسامرا كمرهقين, ثم يتجادبا أطراف الحديث كشابين, و لطالما حملا همومهما الصغيرة سوياً, و احتفظا بأسرارهما البريئة معا, و حلا المشاكل البسيطة, و هكذا و هكذا. لقد افتقدته

ندى كثيرا، و لكن يتبقى شئ، فهل تحمله ندى الآن همومها التي لم تعد صغيرة؟ و هل تفضي له بأسرارها و أنها لم تعد تتحمل و بأن المشاكل لم تعد بسيطة؟ و هل يمكننا الآن من حلها سويا كما كانا يفعلان ؟ على كل حال فإنها لن تقول له شيئاً في الوقت الحالي، فيجب ألا تحمله الهموم حال وصوله، و لتدعه يستمتع بوجوده بينهم قليلاً.

و في صباح يوم الوصول، بدأت ندى في تنظيم الوقت حتى لا تتأخر عن ميعاد طائرة سيف. ثم أنها تريد أن تقضي أطول وقت معه، قبل أن تسافر هي نفسها مع المنتخب في الأسبوع المقبل. إنها سفيرة مهمة، و الماتش في غاية الأهمية، حتى أن مدير المنتخب وعدهم هذه المرة بمكافأة مادية مجزية إذا كسبوا البطولة. و ندى تحتاج هذه المكافأة، لتكمل ما تبقى من ترتيبات في الشقة بدون اللجوء لأحد.

- صباح الخير.

بادرت حسن، عندما إستيقظ في العاشرة كعادته .

- النهاردة ميعاد طائرة سيف.

- فعلا؟ كنت هانسي، هي الساعة كام بالضبط ؟

- خامسة إن شاء الله.

- جميل. أنا هأنزل الساعة 11. عندي مشوار مهم و أكون عندك الساعة 2 بالضبط و نتحرك حوالي الساعة 3. أظن ان ساعتين كفاية للمطار.

- طبعا كفاية. بس أرجوك أرجوك متتأخرش. ده ميعاد طائرة.

- متخافيش. ده سيف واحشني جدا.

و كان هذا هو الشئ الوحيد الذي يطمأن ندى.

- تمام هاكون أنا و الاولاد مستنينك. أوعى تنسى إنك نازل بعربيتي و مش هيكون معايا عربية.

- حاضر يا حبيبتي.

فرحت ندى بالكلمة، و إستبشرت خير، يبدو أن وجود سيف سيعيد لهما قليلاً من الرومانسية المفقودة. لقد بدأ حسن يهدأ، خاصة أنه يفكر في مشاركة سيف في أي مشروع صغير. و ربما يرفع ذلك من معنوياته.

نزل حسن، و أيقظت ندى الاولاد، و بدأ جو من الإثارة و السعادة التي فجرها قدوم سيف المنتظر.

- بجد يا ماما خالو جاي؟

قال زياد في سعادة.

- إن شاء الله يا حبيبي.

وهيجيب لي الأي باد ؟

- طبعا يا زياد

قالت ضاحكة و مؤنبة في ذات الوقت.

- هو عمره رفض لك طلب؟

- و أنا يا ماما حيجيب لي الموبايل؟

- ابوة، ممكن بقى تروحوا تلبسوا علشان الوقت بيجري. أنا هاكلم بابا علشان الساعة 1 و لازم يبدأ يتحرك.

و طلبت ندى موبايل حسن بإهتمام.

- ألو جاءها صوته واضحاً.

أيوة يا حبيبي، كنت أفكرك أن الساعة 1 و ميعادنا 2.

- و الله فاكرك. أنا في الطريق. إبدأوا إجهزوا، لأن الدنيا زحمة جدا و نفسي نتحرك قبل 3. المشوار بعيد.

- اوك

أغلقت الخط و هي سعيدة بتأثير قدوم سيف على الجميع.

و بعد قليل كان الجميع مستعدون و في إنتظار حسن. و في الثانية تماما طلبته ندى مرة أخرى.

- أيوة.

- أنت فين؟ سألته.

- أنا آسف جدا ولله

قال معتذراً

- السكة زحمة جداً جداً و الطريق صعب. أنا هناأخر نص ساعة. معلش. متقلقيش.

- يا نهار ابيض !

بدأت ندى التوتر المعهود.

- ما تخافيش. لسه قدامنا وقت.

و هكذا بدأت الدوامة ,و اللعب بأعصابها, و السيناريو المعهود, و كأن حسن يحقق انتقاما و إنتصارا جديدا, مثل كل مرة.

و لأول مرة مدت ندى يدها, و أخذت من الدواء المهدئ الذي وصفته لها صديقتها منى, فهي في حاجة الي الهدوء, لأن المشوار طويل بجد, و يجب ألا يشعر سيف بأي توتر, فحرام أن يشعر بذلك حال عودته التي طالما انتظرها الجميع.

و في الثانية و النصف تماما ,عاودت الإتصال بحسن, لكن الموبايل خارج الخدمة. و اتصلت مرة اخرى ,و جاءها نفس الصوت المحبط ليخبرها أن الموبايل الذي تتصل به قد يكون مغلقاً أو خارج الخدمة.

و بدأت تتابع عقارب الساعة الجديدة المعلقة على الحائط, و هى تتحرك ببطء, و حسن لا يظهر, و الموبايل مغلق, و بدأ الأولاد يشعرون بأن هناك توتر ما. و بدأوا في التذمر بطريقتهم الصغيرة.

ماذا تفعل؟ هل تنتظر؟ هل تطلب كريم و تذهب به للمطار؟ هل تخبر والديها بتأخرها؟ و جاءها الرد في رنة الموبايل و صوت والدتها.

- ألو. أزيك يا حبيبتى؟

- أهلا يا ماما.

- حتنزلي امتى؟ يادوب الدنيا زحمة.

- حالا يا ماما. أنا نازلة دلوقت.

كذبت ندى و هى تشعر بالحرج و التوتر.

- طيب يا حبيبتى.

طمأنيني.

الساعة الثالثة، و حسن لا يظهر، و الموبايل مازال مغلقاً، و بدأت ندى تفقد الامل و قررت الاتصال بكريم، و طلب عربة، مهما كلفهما ذلك. و ما أن بدأت فيالدخول حتى سمعت الباب يفتح و دخل حسن على الأليكيشن .

- حرام عليك. هو مافيش فايده.

صاحت بوجهه حيث لم يكن المهدي قد بدأ مفعوله.

- و الله اسف. غصب عني.

- الساعة عدت 3 و الطيارة الساعة 5. يعني أعمل إيه دلوقت.

- ولا حاجة

رد بهدوء

- ده أمر واقع

- إبعتي رسالة لسيف. هو ممكن ياخذ كريم و إحنا نروح على المهندسين.

- لا مش ممكن

صاحت بخوف

- أنا قلت لماما إن أنا رايحة المطار. و لا يمكن مايلقيش حد مستنيه. أنا لازم أروح.

It is hopeless.-

- يعني إيه.

- يعني الدنيا زحمة. و أنا مش ناوي أروح على الفاضي.

- يعني كمان هأروح لوحدي و أسوق لحد المطار و أنا في الحالة دي.

- والله إنتي حرة.

أنا مش عبيط علشان انزل. السكة زحمة جدا جدا.

- والله حرام عليك

- قالت باكية.

- أنا غلطانة إني مازلتش من الأول لوحدي و إستيتيك.

- يا ندى اهدي مافيش مشكلة. سيف مش صغير.

لم ترد ندى, و أخذت مفتاح العربية, و تركت الأولاد يبكون, و جرت نحو الباب.

- والله لا يمكن توصلي في الميعاد.

طاردها صوته المتلذذ.

و في الطريق, عانت ندى الأمرين, فالساعة الثالثة و النصف, و هى ساعة ذروه, و الزحام على أشده, و أعصابها في قمة التوتر, و هى تشعر بقلق شديد, و تعالت أصوات الزحام, من سيارات, و فرامل, و آلات التنبيه, و صياح, و موسيقى صاخبة, و أصوات خناق و سباب و عصبية.

و هكذا و هكذا و كادت ندى أن تفقد أعصابها.

تريد أن تصرخ تريد ان تترك السيارة, و تجري, و الوقت يمضي بسرعة شديدة.

و أخيراً, و بعد عذاب, وصلت ندى, و كانت الساعة الخامسة و النصف. إن الامل الوحيد هو أن يكون سيف مازال بالداخل, عند سير الحقائق, أو في الجوازات, ركنت

السيارة ,بعد مشقة, و نظرت في ساعتها, فوجدتها قاربت السادسة, فجرت نحو باب الخروج و الركاب و إذا بها تلمح سيف خارجاً, و عيناه تبحثان عنها في كل مكان.

ها هوأخاها بوسامته, و إبتسامته و عينيه المحبتين,, و وجهه البشوش المتفائل , و لم يشبع ندى العناق, ولا القبلات, فهي تشعر بالحب, و الراحة, و الأمان ,الذي طالما افتقدته.

- وحشتني قوي.

- و أنت كمان. فين الأولاد و فين حسن؟

- معلش, حصل لخبطة في آخر لحظة و مقدروش ييجوا.

- خسارة كان نفسي أشوفهم.

- ولا يهمك

قالت ضاحكة.

- إن شاء الله بكرة هتشوفهم. إحنا هنتعشى سوا أنا عاملة لك اللحمة بالجزر الي بتحبها. و ياريت تبات عندي, البيت حيعجبك قوي.

- ده إنتي سخنة قوي.

- طبعا يا حبيبي. أنا مش مصدقة إنك جيت.

و انتهى اليوم بسلام. وصلت ندى أخوها المهندسين و امضت وقتا مع عائلتهما. و كلم سيف زياد و أحمد. ثم بدأت رحلة العودة.

كانت العودة سريعة و قصيرة, فالمحور غير مزدحم لأن الوقت تأخر.

لكن ندى منهكة رغم سعادتها الشديدة . و ما أن وصلت و فتحت باب العمارة حتى عاودها التوتر, و بدأت تشعر باختناق شديد, و للأسف بدأت تشعر أن المنزل الجديد يزيد شعورها بالقلق و التوتر و أن البعد عن هذا الجو كان يشعرها بالهدوء و الراحة. إن الوقت الذي امضته مع أهلها أعاد لها الهدوء و السكينة التي طالما افتقدتها.

و توجهت ندى الي حجرة الأولاد, فوجدتهما في نوم عميق فقد تعدت الساعة الحادية عشر.

أطمأنت عليهما ثم توجهت الي حجرتهما في هدوء. و لم تعر حسن أي انتباه . ترامى الي سمعها صوت فيلم اسماعيل ياسين في مستشفى المجانين. و رنت ضحكات حسن في أذنيها, فأغلقت باب الحجرة, و غيرت ثيابها, و دخلت الفراش في هدوء.

و في اليوم التالي, قامت و هى تشعر بإعياء شديد, و توتر عصبي جديد. فامتدت يدها مرة أخرى الي النصف الثاني من قرص المهدي, و بدأت يومها.

قررت هذه المرة ألا تخبر حسن بقدوم سيف إليهم, و لا بالدعوة التي وجهتها له. و لحسن الحظ كانت مكالمتهما سريعة, و لم يفهم حسن أنها دعت سيف على العشاء و هى لم تقل له ولا للأولاد.

و مر الوقت في هدوء, و هى تعد للعشاء, حتى لفت تأخرها في المطبخ نظر حسن فسألها.

- هو فيه إيه؟ ايه كل ده؟

تجاهلته تماما . و في الساعة السابعة و النصف كان جرس الباب يدق . تركت حسن يفتح الباب, و إذا به يجد سيف امامه.

- إيه ده؟ إيه المفاجأة الحلوة دي؟

صاح حسن مندهشا, و سعيداً سعادة حقيقية.

- مفاجأة ايه!! ما هى مراتك الي عازماني.

- بجد !!

- أنا قلت أعملها لك مفاجأة.

جاء صوت ندى منتصرا. لأول مرة تشعر أنها سيدة الموقف.

و جاء الأولاد مسرعين , و ارتموا في أحضان خالهم, و تلقفهم بحب , و حملهم بسعادة, و أخذ يداعبهم, و يلاعبهم ثم بدأ في إخراج الهداي, فالاياد لزياد, الموبايل لأحمد. لحسن, و التي شيرت "البولو"

ثم جاء دور ندى التي لم تداري سعادتها بما أغرقها به من هدايا في صورة ملابس و مايوه و بارفان. ما كل هذا الكرم بل ما كل هذا الود و الحب.

- مش معقول يا سيف.

قالت ضاحكة.

- ده كتير قوي.

- مفيش حاجة تغلى عليكم هو أنا ليا مين غيركم.

- لأ لأ.

قالت مقاطعة.

- أنت خلاص لازم تدور على عروسة. كفاية كده و أنا عندي ليك ثلاثة مش واحدة.

- طب واحدة واحدة عليه.

رد حسن.

- شكراً.

متشكر جداً.

قال سيف بإقتضاب.

- طب إيه يا عم.

ضحك حسن.

-ليه واخذ الموضوع جد كده؟ و بعدين فين العشا؟

- حالا .

قالت ندى, و ذهبت تجهز المائدة, و الاولاد يحاولون مساعدتها.

و على المائدة جلس الجميع ,و إستمتعوا بالعشاء اللذيذ. و سيف يحكي و يتسامر معهم كما في الماضي ,و الأولاد يضحكون على نوادره, و الجميع سعداء, و حسن في هدوء المعتاد.

و بعد العشاء جلس الجميع امام التلفزيون ,ينظرون إليه و لا يشاهدون ما فيه فهم جميعا يتجادبون أطراف الحديث, إلا حسن.

قالت ندى.

- على فكرة.

أنا الأسبوع الجاي مسافرة قطر.

عندنا البطولة العربية و عندنا أمل كبير نكسب.

- بجد؟

علق سيف بسعادة.

- إن شاء الله.

- يادي البطولات الي مش بتخلص دي

- قاطعهما حسن

- هو إنتم كل شويه بطولة بطول

- المرة دي إن شاء الله مهمة قوي. غالباً آخر بطولة ليا ك كابتن الفريق و فيه مكافأة كبيرة لو طلعتنا من أول ثلاثة.

و إن شاء الله هنطلع الأول.

I don't think so.-

رد حسن.

-ليه يا عم؟

سأل سيف.

- يا عم إنت بتصدق. هم دول يعرفوا يلعبوا أصلاً. هو فيه رياضة بجد في مصر.

- طب ما أحنأ كسبنا قبل كده

صاحت ندى و قد بدأ الضيق يعاودها.

- ده ربنا اللي ييستر.

- طب بس بس خلاص.

قاطع سيف مبتسماً في محاولة للتخفيف.

- المهم مين هيوصلك المطار؟

- لسه مش عارفة.

- خلاص رتبي امورك على إن أنا اللي هوصلك. بس أوعي تأخدي على كده.

- ماشي يا عم سيف.

قال حسن.

- طب و الأولاد ؟

سأل سيف.

- هسبهم عند ماما و حسن هيروح عند طنط و يبقى يشوفهم كل يومين. هي كلها

عشرة أيام إن شاء الله.

- و الدراسة؟

- الحمد لله وافقوا لي على أجازة علشان المنتخب. و الأولاد دينا صاحبتني هتأخذهم

معها كل يوم.

- مين دينا دي؟

سأل سيف.

- دي واحدة من المرشحات.

ضحكت ندى.

- فعلا .

طب بصي تصبحو على خير و نتكلم في الموضوع بكرة.

إبتسم سيف و هو ينهي الحديث متوجها الي حجرة الأولاد لينام.

- على فكرة.

تراجع سيف.

- نسيت أقولك أن اللوحة اللي في اليفينج رائعة.

- هو إنتي اللي رسماها؟

- آخر تفانين أختك.

علق حسن.

- بصراحة حاجة رائعة.

قال سيف مشجعاً.

و أطفأت ندى الإنوار, و نامت في هدوء شديد, طالما افتقدته. و في الصباح ,كان أول شئ عملته بعد أن انتهت من مهامها, هو أن تمسك فرشتها التي طالما افتقدتها منذ زمن غير وجيز. و بدأت تضع أول لمسات في لوحها الجديدة التي قررت رسمها, و العودة للحياة.

\*\*\*\*\*

و في يوم السفر, أعدت ندى كل شئ منذ الصباح الباكر, كانت تريد التركيز على البطولة فقط, كان أملها كبير, و طموحها عالي. و هي تريد أن تختتم رحلتها ككابتن ختام ناجح, كما أنها تخطط لأن تبدأ قريبا عملها كمدربة كرة سلة. فهي تعلم أن أيامها كلاعبة وشيكة الإنتهاء. و لذا فقد فرحت بعرض سيف أن يوصلها. و كانت قد قررت على أي

حال أنها لن تسمح لحسن بتكدير صفوها هذه المرة. بل أكثر من ذلك، فقد قررت أن تأخذ موقف من كل شئ بعد رجوعها من السفر. ربما امدها رجوع أخيها بقوة، و ربما رجح مرحة رغبتها في إستعادة مرحتها هي الأخرى، و البدء من جديد.

كان ميعاد الطائرة في السادسة مساء، و لذا يجب أن تقوم بالتواجد في المطار في الرابعة، و لذا كان ميعاد سيف في الثانية تماما.

كل شئ جاهز، الحقائق مغلقة، الأولاد عند والدتها، حسن رتب حقييته، و سوف ينزل بعدها، و يغلق المنزل ليذهب الي امه بعد أن يعود من الساحل، حيث قرر أن يذهب في آخر لحظة. و قد أوصت الحارس ألا يفتح باب العمارة على الإطلاق لأي شخص.

- جاهزة.

سأل حسن.

- الحمد لله.

- بصراحة إنتي دايما جاهزة.

- أرجوك ادعي لي المرة دي.

- حاضر. عارف إنك محتاجة للدعاء.

بدأ حسن. لكنها ليست مستعدة على الإطلاق هذه المرة.

- متنساش تقفل الباب بالمفتاح.

ذكرته في محاولة لتغيير الموضوع.

- حاضر. هي الساعة كام؟

- 2 إلا ربع.

- و سيف إتصل؟

و في نفس الوقت رن جرس الموبايل، و جاء صوت سيف.

- خايف أتأخر دقائق من الزحمة. لو موصلتش الساعة 2 بالدقيقة نزلي الشنط و إستيني. متقلقيش مش هتأخر.

- حاضر. لسة ربع ساعة. خللي بالك. أنا مش قلقانة.

- هشحن موبايلي

قال حسن

- أصله فاضي وهاستنى سيف في الشباك.

إستغربت ندى من إهتمامو و دعت الله ألا يغير رأيه.

و في تمام الثانية، قررت التحرك، فقد تأخر سيف قليلاً و ليس هناك وقت، مدت يدها بالسلام على حسن، حضنها و قبلها و قبل أن تفتح الباب ناداها.

- على فكرة أنا جاي معاكي.

- جاي فين.

- أنزل على سكتكم.

- تاني يا حسن - صاحت ندى-مافيش وقت

- متخافيش. نزلي الشنط و أنا وراكي على طول.

- لو إتأخرت هامشي.

قالت في حسم.

- متخافيش.

و نزلت ندى مع حقائبها، و تأخر سيف قليلا فوصل في الثانية و عشرة دقائق، و ضعا الحقائب في السيارة، و كما هو متوقع لم يظهر حسن.

- يالا بينا.

قررت ندى.

- مش قولتي حسن جاي؟

- إتاخر و مافيش وقت.

- مايصحش. إطلبليه على الموبايل.

- خارج الخدمة. شحنه فاصل.

- طيب هاأطلع أشوفه.

- يا سيف و الله مافيش وقت.

- معلش.

نزل سيف من السيارة, و دخل باب العمارة, لكنه وجد حسن قادم.

- يالا يا حسن إتاخرنا.

- آسف والله.

- إعتذر حسن.

- ممكن بس نرتب شنطتي في العربية بسرعة.

- حاضر

رد سيف, و قد بدأ يقلق, و في دقائق, صفوا الحقائق في السيارة, و ركب حسن, و ما أن تحركت السيارة حتى صاح حسن.

- يا خبر.

- إيه؟

- اصل أنا نسيت الموبايل. آسف يا جماعة هاأجيبه في ثواني.

و نزل حسن مسرعا من السيارة التي أوقفها سيف, قبل أن يعطي لأحد فرصة.

- جوزك ده متعب.

علق سيف.

- هو إنت لسه شفت حاجة.

مرت الدقائق, و لم يظهر حسن كما هو متوقع.

- الساعة 2:30 .

إعترضت ندى.

- معلش كلها ثواني.

- يالا بينا.

- ماينفعش, شنطه معانا.

- طب و بعدين.

- معلش هأطلع أستعجله.

- لا المرة دي أنا اللي هأطلع.

نزلت ندى, و دخلت العمارة نائرة, فلم تجد حسن, دأست بإصبعها على مفتاح المصعد,  
فلم يشتغل,

صرخت

- مش وقته أبدا.

جاء صوت حسن من بعيد.

- أنا في الاسانسير. الكهرا قطع و رجعت. ممكن تقلبي السكينة؟

- هي فين بالضبط؟

- في العلبة اللي جنب السلم تحت في الجراج.

- جبت الموبايل.

سألت و هى تتجه الي السلم.

- لسه لسه.

صاح حسن بغضب.

نزلت ندى السلام بسرعة, و وجدت العلبة, فتحت الباب بلهفة ,و مدت يدها الي السكينة, فكرت, كيف تشتغل؟ إنها تعلم أن المفتاح معلق و بحاجة لتصليح, قررت أن ترجع لتسأل حسن ,قبل أن تحرك المفتاح, تركته كما هو, أغلقت العلبة, و سعدت السلام بسرعة, توجهت ندى الي باب العمارة. اغلقتة خلفها كما قالت للحارس, و ركبت السيارة.

- فين حسن؟

سأل سيف.

- مش لاقى الموبايل و خايف يأخرنا, فقال لي امشي معاك.

- و الشنط؟

تسأل سيف.

- سييها في عربيته في الجراج.

و ساعدت ندى سيف في نقل الشنط بسرعة شديدة. و انطلقا الي المطار.

- هو حسن رايح الساحل؟

سأل سيف.

- أيوة.

ردت بسرعة.

- طب و مامته؟

- حيبقى يقعد معاها يومين لما يرجع.

- طب و مش هاتزعل.

- طبعا زعلانة, و مخصماه من ساعة ما عرفت, و مش حاتكلمه إلا إذا راح, دي أصلا متعرفش عنوان بيتنا من ساعة ما عزلنا.

-لا حول و لا قوة الا بالله.

تمتم سيف.

- بأقولك ايه.

قالت مبتسمة.

- سيبك من كل ده أنا عايزة أركز في البطولة.

- عندك حق.

- دي أهم بطولة في حياتي.

- إن شاء الله ربنا هيوفقك و يوفقكم. إنتم تعبتم, و بعدين أنا واثق إنك حتكوني نجمة زي كل مرة.

- يا رب يا سيف.

تمنت من قلبها.

- أنا طموحي كبير, و عندي ثقة شديدة و ايمان بربنا. و نفسي أحقق احلامي. عايزة اغني عايزة افرح عايزة اطير.

و في الملعب, تألقت ندى كما لم يحدث من قبل, و طارت كالفراشة, خفيفة بلا احمال, ريشة في هوا, طايره بغير جناحين.



حكايتي مع الزمان

**قامت** منال من على سجادة الصلاة وهي تتأثب ، لكنها تشعر بالرضا والسكينة كعادتها كل صباح ، بعد أن تتم صلاة الفجر في معادها ، وتبدأ يومها بأدعية وبأذكار الصباح التي تتبارك بها.

لقد دأبت على ذلك منذ عشر سنوات، وهي الآن في الأربعين من عمرها ، ولا زالت تجاهد حتى تتمكن من أداء فرائضها جميعاً وصلاتها على وقتها ، وهي تشعر بالهدوء والسكينة في مثل هذا الوقت المبكر، فزوجها وأولادها الاثنان نيام، فلا تسمع سوي صوتها الداخلي وهي تصلي، ثم تسمعه وهي تناجي ربها وتدعوه أن يغفر لها وأن يحفظ أولادها وزوجها، فهي دائماً ما تشكره على نعمه الكثيرة.

إنها تعلم أن نعم الله عليها كثيرة ، فقد حباها الله بقدرٍ معقول من الجمال ، كما أنها وُلدت وعاشت في عائلة ثرية ، وقد ورثت من والدها ما يكفيها ويكفي أولادها ويكفل لهم حياة كريمة ، بل إنها تمكنت من الوقوف إلي جانب زوجها ومساعدته في إقامه مشروعه الصغير، حتى بدأ في التخطيط لمستقبل ولديهما ، فإنَّ الكبير على وشك دخول الجامعة ، والصغير سوف يلحق به في خلال عامين ، أفلا تستحق كل هذه النعم أن تشكر ربها عليها؟ إنَّ أقل ما يجب هو أن تحافظ على صلاتها وعلى علاقتها بربها ، فهي لا تملك سوى أن تحمد الله على هذه النعم ، وتدعو إليه أن يحفظها من الزوال.

وبينما تدور كلُّ هذه الأفكار في رأسها ، تبدأ في تجهيز الإفطار للأولاد وفي تحضير الساندوتشات التي سيأخذونها معهم إلى المدرسة ، وفي تمام السادسة والنصف، تبدأ في إيقاظهما ، وتستمتع داخلياً بمحاولتهما ألا يستنجبا لإلحاحها، وكالمعتاد يستيقظ حازم ابنها الكبير بالتزامه المعهود، بينما يظل عمر يتكاسل ويتأثب ، حتى تبدأ في الصباح قليلاً لتشعره مرور الوقت ، وهكذا تظلُّ تتابعهما حتى يصليا ويرتديا ملابسهما ، وأخيراً ينزلان إلى أتوبيس المدرسة الذي يأتي في تمام السابعة والربع ، وبعد ذلك تأخذ قسطاً من الراحة على كنبه حجرة المعيشة ، وقد يتمكن منها النعاس حتى يرن الموبايل في الثامنة والنصف كي توظف أحمد زوجها.

وبعد أن يستيقظ أحمد ، تقدم له إفطاره مع كوب النسكافيه المفضل لديه وتساعده في تجهيز ملابسه وأوراقه ، ثم تغلق باب الشقة وراءه، وتتجه إلى فراشها لتنعّم بساعة أو ساعتين من النوم، قبل أن تبدأ يومها العادي ، وكعادتها تظلم الغرفة ، وتمسك بالموبايل لتقرأ القليل من القرآن ، حتى تنتهي من ورد الصباح قبل أن تنام، ولكنها لم تتمكن من

قراءة ورد هذا الصباح لأنّ الموبايل رنّ قبل أن تمسكه, لابد أنه أحمد قد نسي إخبارها بشيء كعادته , أمسكت بالموبايل , ولكنها لم تر صورة أحمد , وإمّا اسم داليا صديقة عمرها وزوجة أخيها , وتوجست خيفة , فما الذي يجعل داليا تطلبها في التاسعة والنصف صباحاً؟! لابد أنها تشاجرت مع خالد زوجها كعادتهما. فكرت ألا ترد ,فهي لا تريد أن تبدأ يومها بمثل هذه المشاكل , ثم أنّها قد ملت منها, ترددت قليلاً , لكنّها ردّت , فهي تشعر بالقلق , وتتمني ألا يكون هناك مشكلة حقيقية هذه المرة , وكما هو متوقع جاءها, صوت داليا في قمة الغضب والعصبية.

- صباح الخير , أنا آسفة إني بكلمك بدرى بس فعلاً مش قادرة.

- خير؟

- بصي يا منال أنا المرة دي خالص جبت أخري , أنا سبت البيت وبكلمك من العربية.

- اهدى بس , إيه اللي حصل؟

- مش مهم إيه اللي حصل , المهم إن أنا أخذت قرار ومش هرجع فيه المرة دي.

- طيب , طيب انتي رايحة فين دلوقتي؟

- مش عارفة , أنا مش هقدر أروح لماما بدرى كده وهي تعبانة , هروح عند أشرف أخويا.

- لأ لا تعالي ; أنا لوحدي وأحمد هيتأخر النهاردة لغاية 6 . تعالي على طول.

- أوكي بس لو سمحتي بلاش تحاولي زي كل مرة , علشان أنا بجد خلاص.

- حاضر , يالا بس تعالي.

تعكر مزاج منال , وبدلاً من الراحة التي كانت تتمناها لنفسها بها , شعرت بالتوتر والحزن والحيرة, فهي فعلاً لا تدري ماذا تفعل, إنّها تعلم جيداً أنّ زواج أخيها خالد من داليا لن يدوم أكثر من ذلك, فقد تحملت داليا حوالي خمسة عشر سنة, والمشكلة أنّ منال تعتبر نفسها هي المسؤولة عن هذه الزيجة , فقد كانت هي من رشحت صديقتها

داليا لأخيها خالد, وقد كانت تأمل أن يكون زواجًا ناجحًا , فداليا إنسانه جميلة, ومهذبة, ورقيقة, وخالد شاب ناجح في مقتبل العمر, وهو طموح جدًا وذو خلق.

ولكن أحيانًا تأتي الرياح بما لا تشتهي السفن, فبعد عدة سنين من الزواج لم يرزق خالد وداليا بأطفال وبدأت رحلة العلاج والمعاناة والمحاولات الفاشلة , إلى أن اضطر الجميع إلى مواجهة واقع أن خالد لن يستطيع الإنجاب, وبالرغم من المحاولات المضنية والمبالغ الطائلة والسفر إلى الخارج , فقد باءت كل المحاولات بالفشل , واضطر الجميع إلى التسليم بالأمر الواقع , وتقبلت داليا الحقيقة , وتخلت عن حلمها بأن تصبح أمًا, وعبثًا حاولت منال أن تقنع خالد أن هذا هو أمر الله ,فقد تغير خالد وتغيرت أخلاقه وأصبح شخصًا آخر, قتل طموحه , وضاع مرحه ,وأصبح عصبي المزاج ,وبدأت مشاجراته مع زوجته الرقيقة داليا , حتى تحولت هي أيضًا إلى إنسانة عصبية, ولم تجد محاولات منال ولا أمهما في التأثير على خالد , فسئم الجميع محاولة تغييره ,واستمرت الحياة على هذا المنوال ما بين مشاجرات وفترات صفاء , وهكذا, ومنال تعلم أن صديقتها قد فاض بها الكيل , وهي نفسها قد يئست ولا تعلم ماذا تفعل, هل تساند آخاها؟ أم تقف إلى جانب صديقتها؟ إنه موقف صعب ,ولكن هذا أمر الله ومنال مؤمنة ومتدينة ,وقد بدأت تقرأ عن الصوفية , ويجب أن تكون على مستوى المسؤولية ,وأن تراعي الله وتحاول أن تكون عادلة في أحكامها.

- حصل إليه المرة دي؟

سألت وهي تستقبل داليا وتفتح لها الباب.

- أقولك إيه؟! ده اتجنن والله العظيم.

- أيوه يعني إيه اللي حصل بالضبط؟

- طب ممكن بس أقعد.

- أه أنا أسفة معلش , أصل أنا قلقانة.

جلست داليا وأشعلت سيجارة وبدأت تحكي

- ولا حاجة ، كل الموضوع إني قولت له إنَّ فيه رحلة 5 أيام لبيروت مع المدرسة ، وعازبة أطلع بصفتي رئيسة القسم ومسؤولة عن الأولاد ، وكمان فرصة أتفسح وأشوف بيروت.

- طب وإيه المشكلة؟

- مش عارفة ، كأن قنبلة وانفجرت ، "أنا وحشة ومش عازبة اقعد في البيت ، وما صدقت ألاقي حجة علشان أبعد عنه" ، وليه ما فكرتش أقوله يروح معايا؟

- يروح معاكي فين؟

إستعجبت منال

- يروح لبنان.

- يعني يروح معاك رحلة المدرسة؟

- أيوه والله. يعني رئيسة القسم أو الناظرة تأخذ جوزها معاها.

- والله ما أنا عارفة أقولك إيه؟! طب وبعدين.

- وبعدين فضلنا في خناق حوالي ساعة مستمرة أنا بحاول أسكته وهو مستمر ، حتى في الآخر قولت له بلاها رحلة مش عاوزة خلاص.

- طيب كتر خيرك.

- لأ طبعاً ، تتصوري يقولي إن أنا باخذه على قد عقله وإن أنا مش عاملة له حساب ، بجد مفيش فائدة أنا زهقت.

- طب بس اهدي.

- أهدي إيه ؟ أنا مش عارفه حتى أروح الشغل مش قادرة وكده مينفعش.

- اهدس بس وتعالى خدي دش سخن على ما أحضرك حاجة تشربها وادخلي ارتاحي شوية في أوضة حازم وبعدين يحلها حلال.

- حاضر ، أنا فعلاً محتاجة أرتاح ولو إن مفيش حل ، أنا عايزة أرتاح خالص.
- وانهارت داليا ، واجهشت بالبكاء المرير ، وكأنَّ بداخلها بركان قد انفجر أخيراً، فما كان من منال إلَّا أن احتضنتها، حتى هدأت ، وساعدتها على أن تجهز حاجاتها ،وتدخل تأخذ حمامًا دافئًا يساعدها على الاسترخاء.
- وأخيراً ، وبعد وقت ليس بقليل استسلمت داليا إلى النوم ، واتجهت منال إلى التلفون لتكلم والدتها.
- صباح الخير يا ماما.
- صباح الخير يا حبيبي ، أخبارك إيه؟
- الحمدلله.
- مالك؟ صوتك مش عاجبي.
- أصل داليا عندي.
- إيه اتخانقوا تاني؟
- أيوة.
- لا حول ولا قوة إلَّا بالله.
- بصي يا ماما أنا قلت بس أعرفك وبفكر أخلي داليا عندي كام يوم ، وكويس إنَّ النهاردة الخميس وفيه أجازة طويلة ، يمكن تهدي.
- ربنا يصلح الأحوال يا بنتي ، ابقِي طميني وأنا هشوف أخوي.
- ياريت يا ماما ده بيتخانق على ولا حاجة.
- عارفة يا بنتي عارفة ، ربنا يهديه ابقِي طميني.

وأغلقت الأم الخط , بدون حتى أن تسأل عن سبب الخناقة , وكأنّها تعلم أنّ هذا ليس هو المهم , وأنّ الوضع ليس له حل.

وقامت منال وبعد أن اتصلت بزوجها أحمد الذي تحمد الله عليه, أخبرته أنّ لديهم ضيفة , و بدأت في القيام بأعمال المنزل اليومية بمساعدة الخادمة.

وكما هو متوقع , رنّ جرس الموبايل في حوالي الرابعة , وقبل أن يصل الأولاد من المدرسة بقليل, وكان المتحدث هو (خالد).

- أيوه يا منال.

- خالد!! إزيك.

- الحمد لله , داليا عندك طبعاً.

- أيوه يا خالد.

- هو إحنا مش هنخلص بقى؟

- يعني إيه؟

- يعني كل شويه تسيب البيت.

- هي مش عند حد غريب.

- مش فكرة غريب ولا قريب بس مش كل شويه تزعل.

- الموضوع المرة دي صعب يا خالد.

- يعني إيه؟؟

- يعني سييها عندي يومين لغاية لما ربنا يسهل.

- ماشي يا منال بس لو ما رجعتش بعد يومين خليها عندك على طول , تطلع من عندك على لبنان.

- ربنا يصلح الأحوال.

أغلقت منال الخط وهي تشعر بشيء يجثم على صدرها ,فهي تعلم جيداً أنّ النهاية قريبة.

وعندما عاد الأولاد أخبرتهم منال أنّ زوجة خالهما سوف تمضي عندهم عدة أيام, وترك لها حازم حجرته عن طيب خاطر, فهم جميعاً يحبونها ويحترمونها ويستمتعون بصحتها.

وفي اليوم التالي - وهو يوم الجمعة- قررت منال أن يذهب الجميع لتناول الغذاء على البحر في النادي اليوناني ليستمتعوا بهواء الإسكندرية المنعش ,فربما يكون لذلك أثر في تهدئة النفوس ,وصفاء الجو, وكانت قد قررت أيضاً ألاّ تتحدث في الموضوع مع داليا حتى يذهب بعد الغذاء لزيارة أمها التي تريد أن تتكلم مع زوجة ابنها ، وكان الجو جميلاً حقاً, وحاول أحمد أن يكون عنصر تهدئة , فكان يفتح شتى المواضيع التي يمكن أن تجعل داليا تنسى همومها , ولحسن الحظ اختار أن يتكلم في الموسيقي, وهي عنصر مشترك بينه وبين داليا , يمكنه أن يغوص فيه ويشتت انتباهها عما يمكن أن يعكر صفو الجميع.

- أنتم عارفين إنّ فيه حفل موسيقى عربية الإِسبوع الجاي, فيه أغاني لفايزة أحمد.

- بس أنا مليش في فايزة أحمد قوي.

قالت داليا

- أنا كمان مكنتش بحبها وأنا صغيرة بس لما كبرت عشقت صوتها ، كفاية "أنا قلبي إليك ميال".

- والله طبعاً هي صوتها ليس عليه غبار.

- طيب يبقى تيجي معانا الإِسبوع الجاي ، أنا أصلاً بروح مجاملة بس إنتي غاوية موسيقى عربية وأهي حاجة فيها تغيير.

دعتها منال من قلبها

- أوكي هحاول أسمع فايزه أحمد تاني.
- طب كويس ، يلا بقى يا أحمد احجز لنا 3 تذاكر ، على الأقل تلاقي حد يفهم زيك.
- بس مش عارفة بصراحة لو ده وقته ، أنا فعلاً مش رايقه.
- يبقى منال عندها حق ، دي فرصة علشان تروقي وتغيري وتسمعي شوية موسيقى نظيفة.
- وبعد الغداء ، وصلهما أحمد لمنزل والدة منال وخالد وذهب يقضي بعد المشاوير ويحاول حجز تذاكر الأوبرا كي يعطيهم فرصه ليكونوا جميعاً براحتهم.
- وكانت الأم في انتظارهم ، وهي سيدة تقارب السبعين من عمرها تتميز بهدوء، ووقار وفي نفس الوقت ينمُ صوتها وحرركاتها عن أمومة دافئة، وحنان متدفق، وهي فعلاً تحب داليا، ولا سيما أنها ربتها منذ صغرها وعرفتها جيداً كصديقة لابنتها ، وهي أيضاً لا يمكن أن تنسى أنها أمضت سنوات مع ابنها خالد وهي تعلم أنه لن ينجب ، لذا كانت الأم تريد أن تنحي عواطفها جانباً وتحاول أن تكون عادلة بين ابنها وزوجته ، وهي كأم كانت بالطبع تتعاطف مع ابنها وتعلم أنَّ سبب تغييره هو اكتشافه لفقدان الأمل في أن يكون أباً ، لكنّها في نفس الوقت تتعاطف مع داليا التي قاست معه كثيراً ، كما أنّها في قرارة نفسها تعلم أنّ من مصلحة ابنها أن تظل داليا معه ، ولكنها قد قررت هذه المرة أن تنحي عواطفها جانباً وتحاول أن تكون عقلانية بقدر الإمكان.
- خير يا داليا؟ قولي لي يا بنتي إيه الموضوع المره دي؟
- مش فكرة الموضوع ؟ أنا متأكدة إنَّ منال قالت لحضرتك التفاصيل.
- آه فعلاً قالت لي.
- أنا مش عايزة أتكلم في اللي حصل تاني ؛ لأن مفيش فايده.
- أمال عايزه إيه يا حبيبتني؟
- من فضلك يا طنط أنا عايزه أتطلق ، أرجوكي مش قادرة أستحمل أكثر من كده.

- وتفتكري الطلاق هيرحك؟

سألت الأم.

- مش عارفة بس على الأقل هعيش في سلام ، أنتم مش مصدقين إني تعبت ، تعبت.

- يعني أنتي خلاص فعلاً مش بتحبي خالد؟

سألت منال بحزن شديد.

- مش فكرة حب.

ردت داليا في محاولة ألا تجرح شعورهم.

- أُمال إيه؟

سألت الأم.

- تعبت. To cut a long story short. مش هأقدر أكمل ولا أقوم بالدور المطلوب مني.

- طب وخالد رأييه إيه؟

سألت السيدة مرة أخرى.

- مش عارفة هو بيهرب كل ما أكلمه في الموضوع ده ، غالباً هو مش مصدق إن أنا فعلاً عايزة اتطلق.

- طب بصي يا داليا

بادرت منال

- أنا عندي اقتراح ، ممكن تنفصلوا مؤقتاً شوية ونشوف هيجصل إيه ، ممكن تقعدني عندي شوية.

- مش عارفة ، مش متأكدة إن ده هيكون حل ولا إنه هيعمل فرق.

- لازم تحاولي.
- الموضوع مش سهل يا بنتي
- قاطعت الأم
- إنتي مش فاهمة يعني إيه طلاق ويعني إيه خراب بيت بعد العمر ده كله.
- إدي نفسك فرصة.
- ولم ترد داليا وإنما بدت عليها الحيرة.
- إسمعوا بقى ، حاولوا تستفيدوا من كلام اللي أكبر منكم ، أنا رأيي إن داليا تقعد عندي لمدة شهر أو اتنين وبعد كده تقرر ، علشان متندمش.
- والله عين العقل يا ماما.
- اسمعي كلامي يا داليا ، أنتي عارفة إن أنا عايزة مصلحتك.
- طب وخالد أقوله إيه؟
- إنتي ما تقوليش
- قاطعت الأم
- أنا اللي هقوله ، هو جاي كمان شوية ، إنتم تنزلوا دلوقتي تروحي تجيبي حاجتك اللي محتاجاها وأنا هتصرف معاه ولمأ ينزل هقولكم.
- فكرة ممتازة.
- صاحت منال وكأنها وجدت طوق النجاة.
- يلا بينا.

وقد كان ، ونفذت الأم ما تريد ونزلت الصديقتان بسرعة حتى لا يراها خالد إذا ما حضر ، وعندما رجعت لم يكن خالد موجوداً بالفعل ، وبعد أن ساعدت منال صديقتها في ترتيب حاجاتها ، تركتها ونزلت لتعود إلى منزلها مع زوجها.

- عملتموا إليه؟

سألها.

- ماما أقنعتها تقعد معها شوية وبعد كده تقرر.

- كويس ، إنتي كمان لازم تشوفي حل مع أخوكي ، كده مش هينفع والله هيندم ، مراته ست كويسة ويتمناها رجالة كثير ، والله لو قعدت هتتجوز لازم يفهم كده علشان يعرف يسيطر على نفسه شوية.

- حاضر ، هحاول.

- ربنا يسهل ، هم الأولاد روحوا ولا لسة؟

- لأ هم مستأذنين يتأخروا شوية.

- أوكي

- لاقيت تذاكر للأوبرا؟

- طبعًا ، أصل لسة بدري.

- ماشي ، أنا هحاول أتكلم مع خالد وهحاول كمان أكون جنب داليا علشان متحسش بالوحدة.

- سببها تحس بالوحدة علشان تعرف تقرر ، إنتي مش هتعيشي معاها.

- طيب ، بس على الأقل أكلهما في التلفون.

- آه طبعًا.

- عموماً أنا مش فاضية أصلاً الإِسبوع ده ، عندي درسين وعندي خاتمة قرآن. ويمكن  
كمان أروح قاعدة كده مع جماعة صوفيين ، عايزة أعرف عنهم أكثر.

- يا دي الصوفية اللي قامت عليكي ، ما كفاية الدروس.

ابتسمت منال ولم ترد ، فأحمد لا يزال بعيداً كل البعد عما تتكلم عنه ، ولا يمكن له أن يفهم ، وعادت منال إلى منزلها ، وإلى عالمها الخاص الهادئ البعيد عن التوتر والنزاعات ، وعاد إليها سلامها النفسي بمجرد أن عادت إلى أولادها وصلاتها وعباداتها وقرآنها الجديدة في الصوفية التي بدأت تجد فيها ملاذها من صخب الحياة ، وما بين البيت والدروس والأولاد والصلاة وجدت نفسها تنسى مشكلة أخيها وزوجته ، فيؤنبها ضميرها ، وتقرر أن تتكلم مع خالد بشدة هذه المرة ، لكنها تؤجل الكلام إلى ما بعد حفلة الأوبرا لعلها تجد تغييراً في موقف داليا ، بعد أن بعدت عنه، فرمما استعادت هدوؤها المعتاد، وفي الحقيقة ، فإن منال تعلم جيداً أنّ شيئاً لن يتغير ، وإمّا هي نفسها تؤجل المواجهة ليس إلّا.

ولذا فإنها لم تشعر بالارتياح عندما حان يوم الحفل ، فقد كانت تشعر بأنّ شيئاً ما يجثم على صدرها ، وزاد من هذا الشعور إحساسها بتأنيب الضمير حيث أنّها كانت مدعوة لحضور جلسة دينية ذات طابع صوفي ، ولكنها اضطرت إلى الاعتذار ؛ كي تصطحب داليا للحفل في آخر محاولة لتخفيف الأمور.

وفي الحفل ، لم تستمتع منال بالغناء على الإطلاق ، وكانت تكاد تستغرب أو تشعر بالغرابة حين تسمع تصفيق الجمهور الحاد ، وحين ترى تمايلهم على أنغام الموسيقى، وانجاذبهم إلى المطرب أو المطربة، وكانت تنظر إلى داليا وأحمد وهما في قمة الانسجام بالطرب ، فتشعر أنّها غريبة ، تحاول أن تسمع الكلمات لتتماشى معها ، وتحاول أن تشاركهما الشعور بالاستمتاع ، لكنها لا تستطيع ، ولم تشعر بالراحة إلّا عندما فتحت الموبايل وبدأت تقرأ جزءاً من ورد الليل ، ونقلتها كلمات القرآن إلى عالمٍ آخر، حتى أنّها لم تعد تشعر بما حولها، ولم تنتبه إلّا عندما ربت زوجها على كتفها ليخبرها بانتهاء الحفل.

وفي اليوم التالي ، كانت منال تجلس مع أخيها في منزلها لتحاول أن تستشف منه ما يريد ، وما يمكن عمله.

وفاجأها خالد

- مفيش طلاق forget it .

- يعني إيه؟

- يعني زي ما بقول وأعلى ما في خيلها تركبه.

- عيب كده يا خالد دي مش طريقة تفاهم ، قولي إنتَ عايز إيه بالظبط بالحسنى؟

- حسنى إيه؟

صاح غاضبًا

- هي عايزة تسييني من غير سبب وتقوليلي حسنى

- جرى إيه يا بني؟ ما إنت اللي بتعاملها وحش.

- أنا مش بعامل حد وحش ومقولتلهاش تسيب البيت.

- أوكي يبقى نتفاهم بالعقل والهدوء.

- مفيش تفاهم غير لما ترجع بيتها ، هي كل شوية تهددني وتقولي طلاق.

- ما فيش تهديد والله بس الست تعبت فعلاً.

- ترجع البيت.

- ما أظنش إنها هترضي ترجع.

- يبقى مفيش تفاهم.

- خلاص يا خالد إنتَ حر. أنا عملت اللي عليا.

ونزل خالد غاضبًا ، وما هي إلا دقائق قليلة حتى رنَّ جرس التليفون ، ليخبرها صوت والدتها أنَّ خالد عندهم وفي حاله هياج شديدة، وهي لا تقدر عليه.

- أنا جاية حالاً.
- وفي دقائق قليلة نزلت منال واتصلت بزوجها أحمد كي يلحقَ بها.
- معلى أنا عارفة إنك بتشتغل بس أرجوك إنت الوحيد اللي ممكن خالد يعمل حساب لوجوده.
- حاضر، أنا جاي حالاً.
- وكما توقعت ، وجدت خالد في حالة ثورة عارمة ، ولا يستطيع أن يسيطر على نفسه ، ووجدت أمها تبكي ، فهي لا تحتمل ذلك ، أما عن داليا فهي تلتزم حجرتها وتغلقها عليها ولا تريد الخروج.
- أنت كده بتدمر كل حاجة.
- أنا مش بدمر حاجه لكن لما مراقي تلاقي أمي وأختي في صفها يبقى لازم تعمل أكثر من كده.
- هي عملت إيه؟
- سألت الأم بانفعال شديد
- سابت البيت من غير حتى ما تعبرني.
- يا إبني أنا اللي قولت لها وطلبت منها تقعد عندي لغاية ما تهدأ علشان تتفاهموا.
- نتفاهم على إيه.
- على الطلاق يا خالد.
- جاءه صوت منال عاليًا وواضحًا ومتحديًا وسمع صوت المفتاح في الباب وخرجت إليهم وعلى وجهها غضب وألم وإصرار.
- أنا حتى لو كنت ممكن أرجع في كلامي فأنت أكدي لي إن مفيش فائدة ، إنت حتى مش عامل احترام لمامتك.

- طلعي ماما برة الموضوع.
- بس إنت فعلاً في بيتي.
- اهدوا يا جماعة.
- حاولت منال أن تسيطر على الموقف.
- أيوه اهدوا صوتكم في السلم.
- جاءهم صوت أحمد بعد أن فتحت له الخادمة ، محاولاً هو الآخر تهدئة الموقف.
- أهلاً يا أحمد
- رحبت به حماته
- شفت عمایل أخو مراتك.
- ولا عمایل ولا حاجة هو بس عايز يهدى شوية وإن شاء الله كل حاجه هتتحل.
- مفيش حاجة هتتحل.
- قاطعت داليا بإصرار.
- يعني إنتي مصرّة؟
- صاح خالد.
- لو سمحت يا خالد ، أرجوك أنا شايفة مفيش حل غير كده.
- طيب لو إنتي مصرّة خلاص ، بس لازم تتنازلي عن كل حقوقك.
- جاءهم جميعاً صوت خالد ، وكأنه يأتي من عالم آخر لا يعرفونه ولا ينتمون إليه جميعاً.
- إنت اتجننت
- صاحت أمه.

- عيب كده يا خالد  
تبعتهنا منال.
- معلش يا جماعة مايقصدش ، هو بس متترفز.
- لأ أقصد ومعنديش غير كده.
- وأنا موافقة ومش عايزة منك حاجة ، المهم أخلص منك.  
قالت باكية.
- تخلص مني أنا ، ده أنا اللي مش عايزك.
- إزداد غضبه اشتعالاً وشعر بالإهانة في وسط الجميع ، ولم يشعر بنفسه وهو يتجه إليها ويحاول أن يدفعها بقوة ، لكن يد أحمد القوية منعه في آخر لحظة.
- أظن كفاية كده بقى  
قال أحمد بحزم
- فيه احترام للبيت اللي احنا فيه ولوجودنا ، تعالي معايا ، تعالي ننزل دلوقتي وبعدين نشوف هنعمل إيه.
- وسحبه أحمد من يده برفق حتى فتح الباب ونزلا.
- ولم تتمالك الأم نفسها ، واجهشت ببكاء مريز ، بينما تهاوت داليا على المقعد في أسي واضح ، وهي تحاول أن تكبح غضبها ، ومنال تنظر إليها في ذهول ، ولا تدري ماذا تقول ، واستمر الوضع هكذا لمدة دقائق حتى قطعت داليا الصمت.
- أعتقد إن وجودي هناك ملوش معني وممكن يسبب مشاكل ، فبعد إذناك يا طنط  
أنا لازم أمشي.
- لا يمكن  
ردت الأم من بين دموعها

- مش ممكن تمشي , إنتي بنتي وأنا أمك وبعدين هتروحي فين؟
- هروح عند ماما.
- إنتي عارفة إنها تعبانة وإن البيت صغير وإنك مش هترتاحي هناك.
- بس هو ده الصح.
- لأ إنتي هتفضلي معايا حتى بعد الطلاق ، وكل حقوقك أنا هديهالك ، إنتي طول عمرك طيبة ومخلصة وإنتي عارفة أنا بحبك قد إيه.
- بعد إذنك يا ماما ، داليا هتقعد عندي أنا لغاية ما تتم إجراءات الطلاق وتعرف هستنقر فين علشان خالد كمان يهدى وما يفكرش يجيلها تاني.
- أنا موافقة
- قررت داليا
- بعد إذنك يا طنط بس يومين لغاية ما أمهد الموضوع لماما وأشرف أخويا يجي من دبي ونشوف هنعمل إيه.
- زي ما إنتوا عايزين
- قالت الأم بإذعان.
- وبعد الطلاق ، قامت منال فعلاً باستضافة داليا ، وكانت تشعر بتأنيب ضمير حقيقي، فهي السبب في كل ذلك ، وهي من أفتعتها في البداية بالزواج من أخيها ، وهي أيضاً من عملت جاهدة كي لا يتم هذا الطلاق منذ عدة سنوات.، فهل أخطأت ؟ هل تسببت في أذى صديقتها الصدوقة؟ هل جنت على صديقة عمرها؟ هل حرمتها من فرصة الزواج مرة أخرى؟ هل تسببت في عدم تحقيق حلم أي امرأة بأن تكون أمًا؟ هل يمكن أن تساعدنا الآن؟ وكيف؟
- ضميري بيأنبني.
- قالت لزوجها

- ليه؟
- حاسة إن أنا السبب في اللي حصل لداليا.
- دي إرادة ربنا.
- ونعم بالله بس بصراحة حاسة بالذنب.
- حبيتي إنتي عملتي اللي عليك وربنا عايز كده.
- حاول أحمد أن يهدأ من روعها ، فهو يعلم أنّ زوجته دائماً اللوم لنفسها ، وإنّ ضميرها يقظ ودائم التأنيب لها
- طب بص ، أنا عندي فكرة.
- خير؟؟
- سألها بصبر.
- إحنا لازم ندور لها على عريس ، هي لسه قدامها فرصة وممكن تخلف والله.
- أيوة ! إحنا مين يعني؟
- أنا وإنّ.
- إنتي آه ، بس أنا ممكن أعمل إيه يعني؟!
- أهو يعني تشوف حد من أصحابك ، انتّ لك معارف كتيرة ، وبعدين انت في مجلس إدارة النادي.
- و مال مجلس الإدارة ومال الموضوع ده ،هو بيورد عرسان؟
- ضحك أحمد على سذاجة منال التي لا يغيرها الزمن

- لأ يعني ممكن تدخلها أي لجنة ، مثلاً اللجنة الفنية، أو الثقافية أو لجنة الحفلات، انت عارف إن داليا فنانة وبتلعب مزيكا ، ومنظمة وذوقها راقى وممكن يكون ليها دور ، وبكده تتعرف على ناس جديدة.
- أوكي بس مين قالك إنَّها هتوافق؟
- أنا هأقنعتها ، بس أرجوك اسمع كلامي.
- حاضر حاضر. ممكن بقى أنزل علشان عندي ميعاد مع مجلس الإدارة اللي بتقولي عليه ده ؟
- طيب مع السلامة.
- وما إن خرج أحمد حتى جرت منال إلي الحجرة التي خصصتها لداليا ، ودقت الباب
- أيوه اتفضلي
- جاءها صوت داليا.
- هتعملي إيه النهاردة؟
- سألت منال
- ولا حاجة ، فيه حفل للأوبرا في قناة النيل ناوية أتفرج عليه.
- طب إيه رأيك تيجي معايا ؟
- فين؟
- أنا رابحة جلسة كده في بيت ناس معايا ، عاملين قعدة ذكر كده صغيرة.
- يعني حلقة ذكر
- ضحكت منال
- يخرب عقلك هو إنتي مش هتبطلي.

- والله دي حاجة رائعة ، وبعدين أنا بحس بارتياح نفسي فطيح بعدها.
- طيب
- ضحكت داليا من قلبها
- بس انتي عارفة أنا مش بتاعة كده.
- بس جربي.
- إن شاء الله المرة الجاية ، بس المره دي أنا عايزة أشوف الحفلة.
- يعني أسيبك لوحدي ؟ ده حتى الأولاد في دروسهم.
- منال
- صاحت بحزم
- مش عايزة أحس إن أنا بقيدك ، أرجوكي سيني على راحتني.
- طيب ، طيب بس عندي لك اقتراح ثاني.
- خير؟
- ابتسمت داليا.
- إيه رأيك إن أحمد ممكن يخليكي تشتري في لجنة الثقافة أو الفن أو الحفلات في النادي؟
- وده ليه إن شاء الله؟
- يعني تغيير وبعدين تتسلي.
- ماشي ، بس ياريت اللجنة الفنية.
- سعدت منال جدًا بهذه الموافقة السريعة وشعرت أنها بدأت شيئًا إيجابيًا.

- أوكي يا فنانة هتفك معاها.
- وفي اليوم التالي على الفور ، كانت منال قد بدأت تريح ضميرها ، حيث نجحت في أن يأخذ أحمد داليا معه إلى النادي للتعرف على اللجنة والاشترك فيها، وحمدت الله أن هذا اليوم صادف معاد اجتماعهم ، فهي تخشي أن ترجع داليا في كلامها ، أو أن ينشغل أحمد ، وعندما عادت داليا بدأت فوراً في استجوابها.
- مين بقى في اللجنة؟
- والله فيه حوالي 12 عضو.
- أيوه مين يعني؟
- سألت بفضول واضح.
- يعني اقولك أساميهم كلهم؟
- لأ مش قصدي.
- تراجعت بحرج.
- عموماً بصي ، فيه حوالي 6 رجالة و4 ستات و2 شباب ، كويس كده ، أنا شخصياً عرفت منهم بس الدكتور على عبد السلام الأستاذ في معهد الموسيقى ونيللي محمود اللي كانت بتلعب باليه زمان.
- أه والله مش دي اللي كانت معنا في المدرسة؟
- أيوه هي فعلاً.
- طب عال عال الحمدلله.
- بصي يا منال ، أنا عارفة إنك بتحبيني وقلقانه عليا ، بس نفسي تطمني ، أنا والله كويسة.
- الحمدلله.

- أنا بس عايزة أبدأ أجهز الشقة القديمة اللي في سبورتنج علشان أنقل فيها ، أنا اتفقت مع أشرف.
- وتسييني؟؟
- لامتها منال بحب.
- حبيبتي أنا لازم استقل ، وبعدين إنتي ليكي جوزك وأولادك ملهمش ذنب.
- والله كلهم بيحبوكي.
- عارفه بس ده مايمعش إني لازم أنقل لوحدي.
- طب هتعملي إيه؟
- مش عارفة ، لسة عايزه ابدأ في توضيب الشقة.
- طيب خلاص ، ممكن أحمد يساعدك ، هو عنده مهندس كويس وأنا شخصياً بحب ذوقه ، استني هكلمه اسأله.
- ياريت!!
- وفي التو طلبت منال زوجها أحمد لتلحقه قبل أن يغادر المكتب.
- أيوه يا أحمد.
- أهلاً منال! إيه الاخبار؟
- أنا عارفه إنك مشغول.
- بصراحة آه ، فيه حاجة؟
- أبدأ ، بس كنت عايزه اسأل لو ممكن تساعد داليا في تجهيز شقتها في سبورتنج.
- يادي داليا ، حبيبتي أنا بطلت العمليات الصغيره دي من زمان.

- أيوه كان قصدي لو المهندس أسامه مثلاً ممكن يعملها لها وأنت مجرد بس تشرف من بعيد.
- حاضر يا ستي.
- شكراً يا حبيبي ،إمتى بقى؟
- بكرة خلي داليا تجيلي المكتب وأنا أعرّفهم على بعض ، بس على فكرة هو متجوز ضحك أحمد.
- عارفة، عارفة ، أنا بتكلم جد ، لو ممكن تأخذها بكرة على سكتك كتر خيرك.
- أوكي بس تكون جاهزة الساعة 9 ، باي باي بقى عندي شغل.
- والتفتت إلى داليا في سعادة.
- خلاص بكره إن شاء الله تصحي بدري وتنزلي مع أحمد على مكتبه علشان يعرفك على المهندس وتبدأي في تجهيز كل حاجة.
- مش معقول يا منال إحنا بنتعب أحمد بجد.
- ولا تعب ولا حاجة ده أنتي أختي يا بنتي.
- وبدأت داليا فعلاً بعد يومين في تجهيز الشقة ، وبدأت تنشغل بشدة فهي تريد أن تخلصها في أسرع وقت ، وكثر غيابها عن المنزل ما بين الشقة والعمل واللجنة، وبدأت منال تشعر فعلاً أنّ داليا كانت محقة في قرار النقل ، فبالرغم من حبها لداليا إلا أنّها لا بد أن تعترف أنّ غيابها المتكرر جعلها ترجع مرة أخرى إلى خصوصيتها ، وإلى وتيرة ونظام حياتها المعهود ، لكنّها كانت دائماً حريصة على أن تكون في انتظار عودة صديقتها المتعبة ، لتساعدها وتخدمها من قلبها ، وشدت على أحمد الذي كان قد بدأ يتمل من الوضع أن يساعد داليا قدر المستطاع ، وأن يشعرها هو الآخر بالاهتمام.
- علشان خاطري خليك معاها ، دي كلها إسبوعين ثلاثة والشقة تخلص وتروح بيتها.

- حاضر, حاضر ، أنا مش عارف ألاحق على الشقة ولا على شغل اللجنة بتاعتها.
- طب وإنت إيه اللي تعبك في اللجنة؟
- بصراحة داليا عاملة فيها شغل كويس جدًّا ، بس كل شوية تستشيرني ، وأنا مش فاضي ، بس لازم أعترف إنَّها رفعت رأسي قدام أعضاء اللجنة.
- طيب الحمد لله.
- عمومًا الإِسبوع الجاي فيه الحفلة السنوية للجنة الفنية ، وهنشوف بقى ترتيبات صاحبتك.
- دي يوم إيه؟
- سألت باهتمام.
- يوم الجمعة الجاية.
- بس أنا عندي زياره للمرسي أبو العباس مع الجماعة.
- اعتذري.
- رد باقتضاب.
- أعتذر!!
- طبعًا أولًا أنا لازم أروح بصفتي مسئول عن اللجنة وحضرتك مراقي ولا أروح لوحدي؟ وبعدين داليا صاحبتك وعاملة شغل جامد.
- بس أنا عايزه أروح أبو العباس.
- خلاص ابقني روعي لوحدي مرة ثانية.
- طيب ربنا يسهل.

وجاء يوم الجمعة، وبدأ الجميع في الاستعداد للحفل الغنائي الكبير، وانشغل الجميع بتجهيز ملابسهم وأنفسهم ، فذهبت داليا للكوافير، وحتى الأولاد بدأوا في تجهيز أنفسهم للذهاب مع والدهم ووالدتهم. وفي تمام الساعة كان الجميع جاهزاً، ولكن منال لم تكن في المنزل أصلاً.

- أتأخرتي.

سألها أحمد في الموبايل.

- أنا آسفة جداً ، أصل الحلقة طولت ، عموماً اسبقوا أنتم وأنا هحصلكم.

- يعني إيه؟! ده الأولاد خلاص راحوا مع أصحابهم ، إنتي كده متأخرة قوي.

- سوري والله بس روح أنتِ وداليا وأنا إن شاء الله هقابلكم هناك.

- طب هتغيري هدومك إمتى بس؟

- ما تقلقش ، أنا لابسة وجاهزة.

- طيب من فضلك متتأخريش.

وبدأ الحفل ، وجلس أحمد على المنضدة المخصصة للجنة وبجانبه كرسي منال ، وبدأ الغناء وكانت الفرقة هي فرقة الموسيقى العربية بأغانيها الجميلة لأم كلثوم وعبد الوهاب وعبد الحليم ، واستمتع أحمد بالموسيقى ، وهام معها ، حتى أنه لم يشعر بغياب منال إلا عندما ملح عباءتها السوداء الفضفاضة وطرحتها المنسدلة على صدرها ، وابتسمت له معذرة عن تأخرها ، وهي تجلس بجانبه في هدوء.

وفي فترة الاستراحة ، ظهرت داليا على المسرح لتقدم فقرة تسليم الجوائز لأعضاء اللجنة ومجلس الإدارة الذين تكبدوا عناءً شديداً أثناء السنة ، كي يحافظوا على النشاط الفني في النادي، وسعدت منال جداً بأناقة داليا الواضحة ، وبجمالها الذي بدأ يتوهج مرة أخرى. وتذكرت أيام الدراسة، ووقوفهما معاً على مسرح المدرسة، وازداد شعورها بالارتياح ، وبأنها قد ساعدت داليا قدر استطاعتها، ونجحت في أن تجعلها ترجع لطبيعتها وبهجتها، وصفقت بحماس شديد حين نادى اسم أحمد ليتسلم جائزته ، وأسعدها أن تراه هو الآخر على المسرح، وحمدت الله كعادتها على كل هذه النعم ، ولم

تندم أبدأ على تأخرها عن الحفل كل هذا التأخير , وأمضت النصف الثاني من الحفل  
ولسانها يلهج بحمد الله وبأذكار المساء وبالتسبيح , ولم تشعر كعادتها إلا وداليا تخبرها  
بانتهاؤ الحفل , وبأنهم ذاهبون جميعاً للعشاء في مطعم النادي.

- روحوا إنتم ، أنا خلاص تعبت وأفضل أروح.

- يا منال ما ينفعش كده ، أحمد يزعل.

- يا داليا أنا في الشارع من الصبح ، مش قادرة أنا هعتذر لأحمد.

وكان رد أحمد هادئ جداً وغير متوقع على الإطلاق

- مفيش مشكلة ، وبعدين بصراحة أنتي لبسك غير مناسب على الإطلاق.

في الواقع , فإن منال شعرت بهدوء وراحة شديدين عندما عادت إلى منزلها , وجلست في  
شرفة حجرتها تسبح ربها , وتحمده وتشكره , فهي تشعر أن ضميرها بدأ يرتاح تجاه  
داليا , وزاد هذا الشعور بالارتياح في الأيام التالية , حين شعرت بتحسن حالة داليا  
النفسية وبارتفاع معنوياتها , وهي مشغولة أكثر وأكثر باللجنة الفنية التي فجرت الفن  
الكامل بداخلها , والذي كادت أن تنساه وتدفعه بداخلها في السنوات الماضية , كم  
كانت سعادة منال عندما أخبرتها داليا أنها ستقوم بعزف بعض المقطوعات الموسيقية في  
حفل اللجنة القادم.

- الله ، برافو عليكي. كان فين الفن ده كله؟

- مش عارفة ، بصراحة أنا كنت تقريباً قربت أنساه وعندي لك مفاجأة تانية كمان.

- خير؟؟

- إن شاء الله هنقل لشقتي الإسبوع الجاي.

- مبروك ، بس بجد هفتقدك ، إحنا خلاص اتعودنا عليكي.

- والله وأنا كمان ، بس هو شيء لا بد منه.

وفعلًا انتقلت داليا إلى الشقة الجديدة، وبرغم شعور منال أنّها تفتقدها إلا أنّها سعدت بعودة الخصوصية إلى حياتها ، وبدأت تستعيد روتينها اليومي ، وفي نفس الوقت شعرت أنّها أدت واجبها تجاه داليا على أكمل وجه، ويمكنها الآن أن تتفرغ لعبادتها ولبيتها وأولادها وجلساتها الدينية ، واكتفت بالسؤال على داليا تليفونيًا ، لا سيّما أنّها بدأت تشعر بانشغال صديقتها بحياتها الجديدة ، ومر الوقت ومنال تزداد انشغالًا بأمورها الشخصية والحياتية ، إلى أن استدعتها والدتها لزيارتها للنقاش في موضوع هام.

- إيه يا ماما قلقتي، فيه إيه؟
- لا أبدًا مفيش قلق.
- أمال ليه مقولتليش في التليفون؟
- أبدًا ، بس قلت نتكلم face to face وبعدين وحشتيني.
- والله وإنّتي كمان يا ماما.
- ما إنتي كل وقتك ضايح بين البيت وبين الدروس.
- معاك حق ، أنا آسفة .
- قبلت منال رأس والدتها معتذرة بحب.
- قوليلي بقي فيه إيه قلقك؟
- أبدًا، بس حاسة إن فيه حاجة غريبة متغيره في داليا.
- يعني إيه؟
- يعني مش بتسأل عليا زي الأول ومش دايماً بترد على تليفوناتي.
- قصدك إيه؟ أنا مش واحدة بالي.
- طبعاً مش هتاخدي بالك ، هو إنتي فاضية لحد؟

- معاكِ حق، طب إنتي قصدك إيه؟
- مش عارفة!! بس فيه حاجة غريبة. تفتكري بتفكر تتجوز؟
- ياريت يا ماما ، هي دي حاجة تزعلك؟
- والله يا بنتي ما أنا عارفة ، بس هو حقها.
- عموماً هحاول أعرف.
- طيب بصي ، أنا علشان أخلص ضميري ، فيه مبلغ عايضة ابعت هولها.
- مبلغ إيه؟
- بصراحه أخوكي ظللمها ظلم كبير ، وأنا ضميري مش مرتاح ، وحاسة إن ربنا هيعاقبه علشان كده عايضه أخلص من الموضوع ده.
- أوكي هاتييه ، أنا هوصلهولها.
- طيب ده شيك بالمبلغ ، اديهولها.
- حاضر يا ماما. إستني هأطلبها.
- وأمسكت منال بالموبايل وطلبت رقم داليا لكنّها لم ترد.
- شوفتي ، مش قولتلك فيه حاجة.
- يا ماما
- ضحكت منال
- أكيد مشغولة ، أصل عندها يا ستي حفل موسيقي.
- طيب ، ربنا يقدم اللي فيه الخير.

لكن منال رجعت إلى منزلها وبداخلها مشاعر مرتبكة ، هل تنوي داليا الزواج فعلاً؟ إنَّ حدس أمها كان دائماً صحيحاً، ولكن هل يمكن ألاَّ تخبرها منال؟ وعندما لم ترد عليها استرعي انتباهها فجأة أنَّهما لم تتكلما منذ ما لا يقل عن إسبوعين ، هناك شيء غريب فعلاً، وهل إذا كانت داليا تنوي الزواج فإنَّ هذا يسعد منال حقاً؟ لقد فوجئت أنَّها غير متأكدة أنَّها ستكون سعيدة ، إنَّها طالما سعت لذلك وتمنته ولكن مجرد الإشارة إليه على أنَّه حقيقة فإنَّ ذلك جعلها تشعر بالانزعاج والقلق ، فقد تذكرت أخاها. فمهما حدث فهو أخوها وهي تحبه وتريد أن تحافظ على شعوره ، وعندما فاتحت أحمد فيما تشعر به جاءها الرد

- يا ستي اتمني لها الخير ، إن كانت هتتجوز ربنا يسعددها.
- أيوه بس المفروض تقولي ، كنت هفرح لها.
- هي حرة ، مش يمكن العريس مش عايزها تتصل بيكم ؟ مش يمكن هي بتحاول تبني حياتها من جديد وتنسى الماضي كله؟
- يعني أنا اللي هقف في طريقها؟
- علقت بأسى واضح.
- لأ بس هي من حقها تستقل وتنسى ، سييوها في حالها.
- حاضر، عموماً أنا معايا شيك من ماما عاوزه أوصلهولها في رأيك أعمل إيه؟
- كلميها.
- كلمتها ومش بترد.
- شوفتي هي عايزه تبقى على حريتها ، عموماً حاولي توصليها الشيك.
- أنا معرفش أوصلها إزاي ، أرجوك تساعدني.
- أنا؟؟

سأل منزعجًا.

- لو سمحت حاول تبعتها معها مع أي سواق أو موظف من عندك.

- حاضر

وافق على مضم.

- أشكرك بجد.

- آه بس دي آخر مره أتدخل في المواضيع دي.

- حاضر

وحاولت منال أن تنسى أو تتناسى الموضوع ، وإن كان في الحقيقة يقلقها ويزعجها ، ولكنها عندما ما يشغلها من أمورها الشخصية التي يمكن أن تجعلها فعلاً تنسى.

وبعد حوالي إسبوع جاءتها مكالمة من داليا أخيراً ، وسعدت منال وهي ترى اسم داليا يظهر في الموبايل لأول مرة منذ فترة غير عادية بالنسبة لهما ، ورغم أن المكالمة جاءت وهي في جلسة العلم إلا أنها استأذنت من الشيخ وخرجت من حلقة العلم لترد خصيصاً على داليا.

- أيوه يا داليا ، إزيك.

- إزيك إنتي.

- فينك؟ وحشتيني.

- وإنتي كمان.

- ليه مش بتدي عليا؟

- أبداً والله كنت مشغولة على الآخر وغالبًا بكون في بروفة علشان الحفلة.

- آه ، طيب معلش.

- عموماً أنا عندي كام حاجة عايزه اقولها لك.
- وحبست منال أنفاسها في انتظار الأخبار.
- خير؟
- أولاً الشيك وصلني ومش عارفة أشكركم إزاي؟
- العفو. ده حقك.
- بجد ده كثير. من فضلك شكريلي طنط.
- طب ما تكلميها.
- نصحتها باستغراب شديد.
- إن شاء الله هكلمها ، بس اشكرها لغاية ما أكلمها.
- حاضر يا ستي.
- ثاني حاجة ، أنا كنت عايزاكي تحضري الحفلة بعد بكرة علشان دي إن شاء الله هتكون آخر مرة ليا.
- ليه؟
- سألت منال على استحياء وهي تتوجس من الإجابة.
- أصل أنا إن شاء الله هنقل القاهرة.
- فعلاً هتتجوزي؟
- ردت منال في سرها.
- أنا أصلي هشتغل هناك.
- تشتغلي!؟

رددت باندھاش.

- آہ ، في مدرسة كبيرة في التجمع ولقيت فيها شغلانة كويسه جدًا.

- التجمع!!

- صاحت منال بأسي.

- آہ.

- يعني هتسيبينا؟

- آہ ، شر لابد منه.

- ليه يا داليا ؟ هو احنا ضايقناكي في حاجة؟

- أبدًا بس لازم أبدأ ابني حياتي من جديد.

- وهتيجي كل قد إيه؟

- بصراحة مش عارفة لسه شوية ، هو أنا لسه روحت.

- يعني مش ناويه تيجي؟

- ربنا يسهل ، إن شاء الله أشوفك في الحفلة.

- محاول.

- أوي

أغلقت منال الموبايل وهي تشعر بأسى شديد, فهي فعلاً حزينة, إنها حقًا تحب داليا, ولا تستطيع أن تتخيل حياتها بدونها, إنها وإن كانت لم تعد تتكلم معها أو تراها كما كانت في الماضي, إلا أنها كانت تشعر دائماً أنّ داليا موجودة , ويمكن الوصول إليها , أما الآن فقد شعرت بوضوح أن داليا لا تريد أن تستمر علاقتهما كما كانت في الماضي. وكل ذلك بسبب خالد. ليته ما تزوجها, ليتها ما تسببت في تعارفيهما أصلاً, شعرت منال بفراغ

شديد وألم اشد، فهي حزينه على صداقة العمر. ولم تستطع أن تتمالك نفسها، فانهمرت الدموع من عينيها، ولم ترجع إلى حلقة الدرس، لكنّها توجهت إلى منزلها لتجلس وحدها في حجرتها وتراجع نفسها وتلومها، وإن كانت لا تعرف بالضبط علام اللوم.

وجاء يوم الحفل، وحرصت منال على حضوره حتى أنّها استأذنت مبكرًا من درسها المفضل لتستطيع حضور الحفل من بدايته، وجلست مع أحمد على المائدة الرئيسية لتشاهد صديقة عمرها، فيما كان لها بمثابة حفل وداع، وبدأت داليا في العزف، وكان عزفها جميلًا رقيقًا ومرحًا، ذُكر منال بأيام صباحها معًا، وكانت داليا في قمة أنافتها وتوهجها، كانت السعادة تبدو عليها واضحة، ولاحظت منال نظرات إعجاب الكثيرين بداليا، حتى أنّ أحمد نفسه كان لا يستطيع إخفاء نظرات الإعجاب، ولم يثر ذلك حفيظة منال بأي صورة، لكنها اضطرت أن تعترف لنفسها بأن داليا عادت كما كانت في الماضي، وكأنّها جوهرة كانت مغطاة بالغبار، فلمّا نفّض عنها التراب عاد إليها بريقها، واهتز وجدان منال، بل وكيانها كله عندما بدأت داليا تعزف لحن أهواك الذي طالما استمعتا إليه وهما صغيرتان في المدرسة، وكانت داليا تعزفه ومنال تحاول الغناء معه، وسبحت منال في بحر الذكريات البعيدة.

لكن الحفل سرعان ما انتهى، واختفت داليا، حتى أنّها لم تحاول أن تسلم على منال، ربّما كان ذلك أحسن، فمنال تعلم أن صديقتها حساسة، وأنها لن تتحمل مثل هذا الوداع، بعد كل المشاعر الحيّاشة التي أثارتها الموسيقى.

ومرت الأيام، واختفت داليا أو كادت، فهي لا تتصل بمنال أبدًا، وإن بادرتها منال بالاتصال فقد ترد أو لا ترد، وكانت معظم المكالمات سريعة، بل ومقتضبة، إلى أن جاء اليوم الذي جاءها فيه الصوت المحبط يقول

- هذا الرقم خارج الخدمة.

وهنا أيقنت منال أنّ داليا قد تعمدت تغيير رقمها، مما يعني أنّها لا تريد أن يكون لها أيّ صلة بمنال، ورغم الحزن فإنّ منال قررت عدم محاولة الاتصال بصديقتها، فرّبما كان أحمد على حق عندما طلب منها أن تتركها في حالها لتعيد ترتيب حياتها، ولتعيد هي الأخرى ترتيب أولوياتها فإنّ زوجها وأولادها بحاجة إلى كل وقتها ومجهودها، خاصّة وإنّ حلقات الذكر ودروس الدين تأخذ منها الكثير من الوقت، ولكن المشكلة الحقيقية هي في انشغال الجميع عنها، فابنها الكبير قد دخل الجامعة الأمريكية، والصغير رياضي

من الطراز الأول وليس لديه أي وقت لأي شيء، حتى أحمد فقد ازداد انشغاله عنها بعد أن كبرت أعماله وبدأ في مشروع جديد على أطراف القاهرة قبل مدينة الشيخ زايد ، فهو إمّا في الطريق من و إلي المشروع أو بيت في الشيخ زايد إذا ما تأخر في عمله.

- حرام عليك أنتَ بجد بتبذل مجهود كبير.

بادرته ذات يوم.

- قصدك إيه؟

- قصدي الشغل والسفر والمشاورير ، طب ممكن ترتاح إمتي يعني؟

- طب أعمل إيه؟ مشروع الشيخ زايد ده مهم جدًّا وهينقلنا نقلة تانية خالص.

- بس إحنا كويسين الحمدلله.

- الأولاد بتكبر وطلباتهم كثير ، وكفاية مصاريف الجامعة الأمريكية ، دي لوحدها مصيبة.

- معاك حق

تنهدت منال

- الموضوع فعلاً مش ساهل ربنا يقدرك علينا.

- متشكر يا حبيبتي ، ودلوقتي ممكن لو سمحتي اتعشي؟

- حالاً يا حبيبتي.

وهكذا انتظمت وتيرة الحياة ، وازداد انخراط منال مع الصوفيين ، وحلقاتهم ، و أذكارهم ومشايخهم ، لكنها أبداً لم تهمل دورها كزوجة أو أم ، فعندما يتواجد زوجها أو أولادها كانت دائماً حريصة على القيام بواجباتها نحوهم وخدمتهم ، لكنّها لم تكن تجدهم حولها طيلة الوقت، فكثيراً ما كانت تجد نفسها وحيدة ، لكن وردها وأدعيتها وأذكارها كانوا دائماً ما يملؤون هذا الفراغ ، وكانت أسعد لحظات حياتها هي التي

تمضيها في زيارة الأولياء الصالحين وأهل البيت حيث تبتهل إلى الله وتتضرع إليه وتطلب منهم الشفاعة.

وكانت في قمة سعادتها عندما قررت المجموعة الذهاب إلى القاهرة لزيارة سيدنا الحسين والسيدة زينب في نفس اليوم ، فما أروع هذا اليوم ، وقد استعدت له بكل الطرق من قراءات وترتيبات وتجهيزات لمبيت ليلة في القاهرة ، وأسعدها بل أراحها وجود عمر في معسكر تمرين طويل وسفر أحمد عدة ليالٍ إلى الصعيد ، فكأنَّ هذه الرحلة الروحية الجميلة مباركة من الله تعالى.

فاستيقظت منذ فجر يوم الزيارة، وبعد قضاء الصلاة وإتمام الأدعية والأوردة ، نزلت في تمام الساعة لتلحق بأصدقائها في النادي ، حيث ينتظرهم الأتوبيس السياحي الذي سوف ينقلهم إلي القاهرة.

وكانت تشعر بهدوء نفسي غريب وسعادة غامرة وهي تستقل الأتوبيس مع إخوانها في الله ، وكان كلُّ يسبح في ملكوته ، ما بين داعٍ يدعو الله، ومبتهلٍ إليه ، وسائلٍ للمدد من آل البيت ونائمٍ يحلم بالزيارة المرتقبة ، إلى أن جاءهم صوت المسؤؤل عن الرحلة.

- يا جماعة اصحوا، الساعة 10، وإحنا وصلنا خلاص ،إيه رأيكم نفطر الأول علشان نرتاح وما نضيعش وقت بعد كده؟

- طيب.

وجاءت الهمهمات ، معظمها موافقة.

- نروح أركان وكل واحد يختار المكان اللي عاوزه ، هنوصل هناك قبل 10:30 ، عندنا لغاية 11:30 نفطر ونجدد الوضوء وإن شاء الله صلاة الظهر في الحسين.

ونزل الجميع في نشاط ، وتفرقوا في أنحاء المكان، واختارت منال هي وثلاثة من صديقاتها أو أخواتها في الله مقهى معروف ليتناولوا فيه المشروبات والإفطار.

- فكرة هاييلة.

بادرت منال

- فعلاً
- أيوه لازم نرتاح وندخل الحمام ونتوضأ.
- ونزلت الطلبات, وبدأوا يرتشفون النسكافية والقهوة , ويتناولون التوست بأنواعه.
- الساعة 11:30.
- صاحت إحداهن.
- يا خير
- ردت منال
- يادوب نلحق , أنا هروح الحمام وكمان أجدد الوضوء , حد ييجي معايا.
- إسبقي إنتي.
- وهرولت مسرعة, وأزاحت طرحتها, ورفعت أكمام العباءة ,وبدأت الوضوء بسرعة في دورة المياه , وما أن انتهت حتى بدأت صديقاتها في اللحاق بها.
- إحنا اتأخرنا
- قالت منال
- بصوا أنا هسبق على الأتوبيس علشان أقولهم إنكم جاينين.
- وفعلاً خرجت بسرعة متجهة إلى الأتوبيس , وبينما هي تهول خارج باب المقهى إذا بها تتعثر وترطم بعربة أطفال صغيرة تدفعها أم الطفلة النائمة في العربة.
- آسفه جدًا
- اعتذرت منال, وبينما هي ترفع رأسها لتبتسم إلي الأم إذا بها تُفاجأ بداليا صديقتها تدفع العربة باهتمام.
- داليا!؟

- منال!؟
- إنت بتعملي إيه هنا؟
- سألت منال باندهاش.
- ولمّا لم تجد ردًا سألت مرة أخرى، برقه شديدة.
- دي بنتك؟
- أيوة.
- مبروك يا حبيبتى ألف مبروك
- قالت من قلبها
- كده يا داليا ما تقوليش إنك إتجوزتي ولا إنَّ عندك بنت جميلة كده ، برضوا كده ، إزاي؟
- ولم تتمالك انفعالها فانسابت الدموع من عينيها لتغطي ابتسامتها الحنونة.
- آسفة ،غصب عني، معلش.
- تلعثمت داليا.
- معلش يا حبيبتى معلش ، أكيد غصب عنك.
- غصب عني.
- أطرقت داليا
- عموماً أنا مستعجله جدًا ، لازم أمشي ، ممكن تليفونك.
- أنا هتصل بيكي.
- وفهمت منال الرسالة ، فابتسمت قائلة

- إن شاء الله

وأسرعت إلى الأتوبيس.

وفي الحسين, جلست وحدها, بعد صلاة الظهر, وأخذت تشكر الله على النعمة التي أنعم بها على داليا, فقد كان واضحاً أنّ هذه المقابلة في هذا اليوم بالذات إنّما هي تدبير من الله, فهو يريها دلائل قدرته, فقد دبرّ الأمور لداليا حتى ليتعجب أصحاب الحيل, إنّها حقاً قدرته سبحانه وتعالى, وأخذت تدعو الله أن يسعدها وأن يصلح أحوالهما معاً ويهدي لها زوجها وأولادها وصديقتها الحبيبة.

لكن كل ذلك لم يقض على شعورها بالألم الشديد عندما عادت إلى منزلها في الليل, فعندما وجدت نفسها وحدها بين جدران حجرتها, اكتشفت أنّها لا تستطيع النوم, فقد هالها وآلمها بعد صديقتها عنها بهذا الشكل, إنّها لا تدري ما الذي فعلته لتستحق كل هذا الجفاء, ولماذا تصر داليا على مقاطعتها؟ فأين الخطأ؟ وما الذي حدث؟ لقد كانت تحب داليا بصدق, وكانت دائماً تتمنى لها الخير من قلبها وتحاول مساعدتها بقدر ما تستطيع فماذا حدث؟ وهكذا ظلّت منال تفكر وتتساءل وتحاول الفهم؟ لكنّها لم تتوصل إلى أي إجابة, وظلّت على هذه الحالة حتى غالبها النعاس فنامت وشعورها بالحرز يزداد.

وفي الصباح, قررت أن تنسى كل ذلك, وأن تحاول التغلب عليه, وساعدها على ذلك رجوع زوجها أحمد من السفر, حيث رجع قبل معاده الطبيعي بيومين, ولما رأته منال حكّت له ما حدث, ووصفت له شعورها والحزن الذي يعتصرها, ثم أبلغته بقرارها وطلبت منه أن يساعدها.

- طبعاً هو ده القرار الصح, أنا قولت لك قبل كده انسي داليا دي خالص.

- حاضر, أنا فعلاً لازم أسمع كلامك.

- عموماً أنا عندي لك مفاجأة.

- آيه هي غير إنك رجعت بدرى, فيه حاجة تانية؟

- آه ، أنا حجزت لنا 5 ايام في مرسى مطروح ومعانا الأولاد ، وكمان كلمتهم واتفقت معاهم ، أنا كنت حاسس إنك تعبانة ومحتاجة أجازة.

- بجد؟! دي حاجة حلوة جدًّا، بس المدارس والكليات؟

- بصي أنا ربّطت مع الأولاد خلاص ، وهزروح يوم الخميس ، أحلي حاجه مطروح في آخر سبتمبر فاضية والجو حلو.

وفعلًا ، وبدون أي استعدادات ، وجدت منال نفسها في منتجع جميل على مشارف مطروح ، وكان الجو جميلًا، والسماء صافية ، والبحر هادئ ، كان كلُّ شيء مثاليًا إلى أقصى درجة ، فالأولاد فعلًا تركوا كل شيء وسافروا معهم ، وأحمد يعاملها برقة شديدة ، وبحنية تقرب إلى التذليل ، فشعرت منال أنّها في قمة سعادتها ، وفي خضم استمتاعها بكل ما حولها تمكّنت فعلًا من نسيان حزنها ، وانغمست في شعورها بالاستمتاع بعائلتها الصغيرة، فكانت تشاهد ولديها وأبوهما وهم يستمتعون بالبحر والسباحة ولعب الراكيت وركوب الـ Jet ski، كانت تطرب لسماع صوت ضحكهم ، وتستمتع بنظرات السعادة والمتعة في أعينهم، ورجع بها الزمان إلى بداية زاوجهما وحبها لأحمد ، وإلى احتضان أبنائهما وهما بعد طفلان صغيران.

وانتهت الإجازة بأسرع ما يكون ، وحن وقت العودة ، وبقدر شعور منال بالحزن لانتهاء هذه الرحلة السعيدة بقدر شعورها بالسعادة أن أمضت مثل هذا الوقت الجميل الذي افتقدته من مدة دون أن تدري وفي اليوم السابق للرحيل أخبرها أحمد.

- على فكرة أنا مش راجع معاكم بكرة.

- ليه؟ فيه حاجة؟

- أبدأ عندي شغل هنا ، فيه مشروع جديد بدرسه وعندي اجتماعات خاصة بيه.

- في مطروح؟

تساءلت باستغراب.

- آه. دي محافظة المستقبل ، والشغل فيها واعد جدًّا.

- طيب هنعمل إيه؟
- أبدًا ممكن حازم يرجع بيكم بكرة وأنا أخلي السواق يجيلي يأخذني بعد 3 أيام.
- زي ما تحب ، بس أنا ممكن أستنى معاك.
- لأ طبعًا ، أنا مش هكون فاضي خالص ، وبعدين مش عايز الأولاد يرجعوا لوحدهم، مش هكون مطمئن.
- أوكي زي ما تحب ، أنا برضوا أحب أكون معاهم في الطريق.
- وقد كان، وسافرت منال مع أولادها في صباح اليوم التالي وهي محملة بالذكريات السعيدة وملئمة بطاقة إيجابية عالية ، وما إن وصلت بيتها حتى قررت تحويل هذه الطاقة إلى فعل خير لترضي ربها وتشكره على كرمه ، فقررت أن تبدأ بزيارة أمها ، وهناك فاتحتها فيما كان يدور بخلدها منذ مدة.
- ماما ، إنتي مش شايفة إنَّ خالد لازم يتجوز بقى.
- والله يا بنتي ياريت ، بس فين العروسة؟
- فيه عرايس كتير.
- بس إوعي يكونوا من بتوع الصوفية بتوعك ، خالد ملهوش في الكلام ده.
- والله فيه منهم بنات وستات كويسين جدًا.
- عموماً أهو عندك كلميه ، أساساً بقاله مدة مجاش.
- طب بصي ، إيه رأيك؟ هكلمه وبكره نتغدي سوا في النادي ونفاتحه في الموضوع.
- ماشي.

وتم الاتفاق مع خالد ، الذي لم يكن متحمسًا للقاء، ولكنّه وافق عليه بعد إلحاحٍ شديد ، وأجل المعاد يومين واتفقوا جميعًا على الغداء في النادي يوم الأحد في الرابعة ، ورغم أنّه

كان يصادف معاد رجوع أحمد من مطروح , إلا أن منال وافقت حرصًا منها على صلة الرحم وعلى لقاء أخيها الذي مازالت تحبه رغم تغيره بشده.

وقبل أن يحين الموعد , جلست تفكر مع نفسها , هل ما تفعله صحيح؟ هل هي محقة في التفكير في أخيها وفي محاولة أن تزوجه مرة أخرى؟ هل يستطيع التغلب على حدة طبعه التي اكتسبها؟ هل سيدرك قيمة زوجته أكثر هذه المرة ؟ لقد اشفت عليه هو وأمها , فلم تذكر لهما شيئًا عن داليا , ولا عن زواجها , ولا ابنتها. لم ترد أن تجرح شعورهما , فأما رغم حبها لداليا إلا أنها أم خالد وستحزن لأجله.

ولكن كيف يمكن أن تضمن هي خالد مرة ثانية؟ إنها تحبه , ولكنها تخافه ولا تثق به , لكنّها يجب أن تحاول معه , وربما يكون قد تغير بعد أن ذاق معنى الوحدة , لكنّها يجب ألا تجعله يخوض تجربة أخرى إلا بعد أن تتأكد من مشاعره وحالته النفسية تمامًا.

وكعادتها استيقظت في فجر يوم الأحد, وبعد إتمام الصلاة بدأت في ترتيب المنزل وتجهيز الطعام لأحمد الذي أخبرها أنه سيصل إلى مكتبه أولًا , ولن يكون في المنزل قبل السادسة , وقررت أن يكون لقاؤها مع خالد في منزل أمهما ؛ حتى تتمكن من العودة إلى منزلها قبل رجوع أحمد.

وبينما هي ترتب أحوالها رنّ جرس الموبايل ورأت صورة خالد , فأدركت أنه كما هو متوقع سوف يعتذر عن الميعاد , ويقدر غضبها شعرت بالارتياح , لأنّ المعاد ليس مناسبًا تمامًا في الأصل.

- ألو

جاءها صوت خالد مقتضبًا.

- إزيك, إيه الاخبار؟

- إنتي فين؟

سألها.

- في البيت برتب الدنيا.

- والأولاد؟
  - حازم في القاهرة وعمر في المدرسة.
  - طيب أنا جايلك في الطريق.
  - دلوقتي؟ مش لسه بدري ؟
  - معلش. إستيني أنا جاي على طول.
- وأغلق خالد الخط ، وتوجست منال ، فماذا يريد؟ ولما يغير المعاد؟ وما الأمر؟ ما الذي حدث هذه المرة؟ وهل علم بزواج داليا؟ أم هل قالت له أمهما عن نية منال في أن تقنعه بالزواج؟ على كل حال ستنتظره ولن تزعج أمها ، وفعلاً ما هي إلا دقائق حتى كان جرس الباب يرن ووجدت خالد أمامها.
- وكما توقعت كان شكله في قمة الاضطراب والتوتر.
- مالك إيه اللي حصل؟
  - بادرت بهدوء.
  - مش عارف أقولك إيه؟
  - فيه إيه؟
  - سألت وقد بدأت تتوتر بدورها.
  - ماما كويسه؟ أنا ما كلمتهاش ، فيه إيه؟
  - صاحت بلهفة.
  - مكتب أحمد اتصل بيه ، هو عمل حادثه، هو والسواق، وحالياً في المستشفى.
- ولم تتمالك منال نفسها من الصدمة ، وشعرت بالدنيا تدور بها للحظات ، لكن يد خالد سندتها ، وأجلستها على أول كرسي.

- امسكي نفسك , إحنا لازم نروح له.

- طب حالته إيه بالضبط؟؟

- مش عارف , مفهمتش حاجه منه , تعالي بس زي ما إنتي.

ودفعها خالد دفعًا حتى ترتدي طرحتها وتنزل معه , ولم تكن تعي ما يحدث حولها , وكأنها في كابوس مزعج , وهي تعلم أنه سينتهي , لكنه لا ينتهي , ويأتيها صوت خالد من عالم آخر وهما في السيارة.

- أنا اتصلت بحازم وهو راجع من القاهرة , واتصلت بمدرسة عمر وبعث عربية من المكتب تجيبه.

- ليه كل ده؟؟

تساءلت بهدوء وكأنها غير مدركة لما يحدث.

ونظر إليها خالد بشفقة واستغراب في نفس الوقت , شاعرًا إلى أيّ مدي هي بالفعل غير مدركة خطورة الموقف.

- ده أبوهم , ولازم يكونوا معاه الحالة صعبة.

قال في حسم.

ومع ذلك لم تدرك منال هول الموقف إلا بعد أن وصلت إلى المستشفى , وهناك وجدت أمها في انتظارها , ومعها خالاتها وإبنة خالتها وإبن خالها , وهنا انقبض قلبها تمامًا ولم تسأل عن شيء. بل لم تتكلم من أصله , ولم تشأ أن تنظر إلى أيّ منهم حتى لا ترى أعينهم , ولكنها لم تستطع أن تصم أذنيها وهي تسمع الكلمات القاطعة.

- شدي حيلك.

- البقاء لله.

- "إننا لله وإننا إليه راجعون".

وكانت الصدمة ، ولم تشعر منال بعدها بأيّ شيءٍ .

وعندما أفاقَت وجدت نفسها في إحدى غرف المستشفى ، وحولها أناس لا تتبين وجوههم ، وهم يتحركون حولها كالأشباح .

- أنا عايزه أروح .

كان كل ما استطاعت أن تقول ، ولم يملك أحد إلا أن يليب طلبها ، وبدأت نساء العائلة في اصطحابها إلى المنزل .

- أنا عايزة أشوف ولادي .

كان ثاني طلب لها .

- في المستشفى

قالت خالتها

- سبيهم مع خالهم وعمهم ، فيه إجراءات يا بنتي . ودول رجاله ربنا يحميمهم .

- طب أرجوكم سيوني لوحدي ، أرجوكم اطلعوا برة عايزة أكون لوحدي .

- حاضر .

ردت خالتها التي تخبرها جيداً وتفهمها وتعلم أنّها تعني ما تقول .

وعندما أصبحت وحدها نظرت حولها في ذهولٍ ، ثم انهمرت دموعها أخيراً ، وسجدت على الأرض داعية ربها أن يقويها ويلهمها الصبر والإيمان والثبات .

واستمر الوضع على هذا الحال لمدة إسبوع ، الكابوس لا ينتهي ، والعزاء مستمر ، والسواد يحيط بها وأصوات البكاء وكلمات المواساة لا تنتهي . وهي ممزقة بين حزنها وفجيعتها ، وبين محاولة التمسك بالإيمان والثبات ، عسي الله أن يجزيها خيراً ، لكنّها لا ترتاح وحزنها لا ينتهي ، والألم يزداد ، وشعورها بالوحدة يزداد رغم كلّ من حولها ، إنّها حتى لا تجد من ترتاح بين أحضانها بالرغم من محاولات الجميع أن يشعروها بالحنان والاحتضان ، لكنّها أبداً لا تجد في هذه الدنيا ما يعوضها ولا تشعر أنّ أحداً يفهم طبيعة

حزنها ومحاولتها التغلب عليه ، إنَّها تريد أن يتركها هؤلاء الناس وحدها، لكنَّها لا تستطيع أن تصرح بذلك.

وبينما هي في حجرتها وحدها ، وقد هدأ الوضع قليلاً ، بعد حوالي عشرة أيام ، وقل المعزون، فلم يعد هناك سوي أمها وخالتها الصغري ليكونوا معها ، وقد رجع الأولاد إلى دراستهم بعد جهاد وإلحاح منها ، وبينما هي في هذه الحالة ، إذا بجرس الباب يرن كالمعتاد ، وكالمعتاد شعرت بالضيق الشديد ، فهي لا تريد أن ترى أحدًا، وكفاها ما هي فيه ، لكن خالتها تطرق باب حجرتها وتنادي عليها.

- يا منال ، تعالي داليا جات تشوفك.

وكأنَّ هناك همًّا قد أزيحَ ، وعبأً قد قلَّ حملة ، فلولا حزنها لتغلبت سعادتها ولعبَّرت عن فرحتها التي لم تستطع أن تكتمها ، فها هي داليا صديقة الطفولة ، ها هي صاحبها التي طالما افتقدتها والتي تفهمها بدون كلام.

وشعر الجميع بارتياح وهم يرون منال تفتح باب حجرتها بترحاب لأول مرة منذ وفاة زوجها.

وما إن رأت داليا حتى ارممت في حضنها بدون كلام ، واجهشَّت بالبكاء الشديد ، وتعانقتا ، واختلطت دموعهما ، ثم بدأ الوضع يهدأ ، وتركهما الجميع معًا ، وحدهما في غرفة المعيشة.

- إتأخرتي عليا.

همست منال.

- معلش ظروف

جاءها الرد مقتضبًا.

- معلش معلش.

- أرجوكي تهدي شوية.

قالت داليا راجية.

- أنا هادية والله ، بس غضب عني.
- وأمسكت منال دموعها ، وكفّت عن البكاء ، وجلست على المقعد في محاولة لتهدئة مشاعرها
- أنا مش جايه أعزيكي.
- أعلنت داليا بحسم.
- مش فاهمة!؟
- أنا جاية أقولك حاجة مهمة.
- فيه إيه؟؟
- بصي أنا مش هعرف اشرحلك ، بس أرجوكي بصي على الورقة دي.
- وناولتها داليا ورقة مطوية ، أخرجتها من ظرف كان معها في حقيبة يدها.
- أيوة, إيه دي؟
- إقريها.
- دي شهادة ميلاد.
- تمتمت منال باستغراب.
- من فضلك اقرأي الأسماء.
- رنا؟ مين رنا دي؟
- رنا دي بنتي اللي شوفتيها معايا.
- مش فاهمة.
- إقرأي اسم الأم والأب.

- الأم: داليا.
- والأب؟؟
- أحمد؟! أحمد عبد اللطيف؟! مين ده ؟ مش فاهمة؟!
- أحمد عبد اللطيف الشربيني.
- يعني إيه؟
- يعني رنا تبقي بنت أحمد.
- مش فاهمة؟!
- يعني دي قسيمة جوازي أنا وأحمد.
- وناولتها داليا الورقة الثانية , لكن منال لم تتمكن أن تمسكها , ولم تحاول قراءتها.
- برضوا مش فاهمة!!
- مش فاهمة إيه؟ أنا وأحمد متجوزين بقى لنا 4 سنين, ورننا بنتنا.
- مش معقول!؟
- صاحت في ذهول.
- أنا آسفة بس هي دي الحقيقة , أنا استنيت لما حالتك تتحسن علشان أقولك ,  
ومينفعش أستنى أكثر من كده.
- .....
- هنعمل إيه دلوقتي؟ لازم الكل يعرف , ده شرع الله.
- .....
- ردي عليا.

- .....

- من فضلك ردي.

- .....

ولم ترد منال , ولم تنبس ببنت شفه , ولم تنطق بكلمة واحدة , ولم ترد على أي شخص آخر , ولم تنطق بأي كلام ثاني , ولم تجب أحدًا بعد ذلك اليوم , ولم يعلم أحدٌ بما يدور في خلدِها , ولم يتمكن أيُّ شخص أو أيُّ شيء من إقناعها بالخروج من صمتها الرهيب الذي أصبح ملازمًا لها , بعد أن فقدت قدرتها على النطق والتواصل مع البشر , فلم تعد تستطيع أن تناجي إلا ربَّها الذي لا يحتاج إلى كلام.



چھیل چھال

**وقفت** جميلة أمام المرأة لتلقى نظرة أخيرة على مظهرها ، قبل أن تذهب لحضور فرح ابنة خالتها ملك، نظرت إلى صورتها في المرأة برضا وسعادة، وقد راحت تضع اللمسات الأخيرة في زينتها. وهي تعلم جيدًا أنه ليس في الإمكان أبدع مما كان .

فالفستان الأسود الأنيق يبرز مفاظن جسمها الرشيق، والمكياج الذي وضعته بدقة واهتمام يزيد من جمال وجهها وبريق عينيها. أمَّا الكوافير فقد قام بالفعل بمهمته على أكمل وجه ، وأثبت كما هي عادته دائماً أنَّ الشعر تاجُ المرأة بحق ، فما بالك إذا كانت المرأة أصلاً جميلة.

اسمها جميلة ،وهي فعلاً جميلة ،تتميز ببشرة بيضاء لامعة كالشمع ،ويضيء نورَ وجهها ، عينان خضراوتان واسعتان ، يخطف بريقهما الأبصار بلا منازع. ويزيد الكحل الأسود من إبراز جمالها، ويزيد من جمال وجهها أنفها الصغير المنمق، وفمها المرسوم بريشة فنانٍ مبدعٍ ،فسبحان الخلاقِ ،أما شعرها الذهبي، فينسدل على كتفيها في انسيابيه ونعومة حريرية.

هي تعلم أنَّها متميزة وأنَّ جمالها مبهراً، فألوانها المختلفة كافية لجذب انتباه أيِّ شخصٍ يراها ، ولطالما شعرت بذلك منذ صغرها، فقد اعتادت سماع كلمات الإطراء والمديح منذ نعومة أظافرها. وهي لم تحتج أبداً أن تبذل أي مجهود معنوي أو جسدي لتلفت الانتباه ، فهي ملفتة بل وأخاذة بدون مجهود، قد تدلُّ حركاتها ولففاتها عن شيءٍ من الغرور، لكنها لا تتعمد ذلك أبداً، إنها فقط تحب الاستمتاع بجمالها ،وقد اعتادت الاستماع لكلمات الإطراء ،والاستمتاع بنظرات الإعجاب ،وهي في نفس الوقت لم تجد بعد الشخص الذي تشعر أنه يستحق أن توليه اهتمامها ، وتغدق عليه بمشاعرها وجمالها، ولذا فهي مستمتعة تماماً بحياتها كما هي في الوقت الحاضر.

- انتي جاهزة.

جاءها صوت أمها من خارج الغرفة ليوقظها من أحلامها ويقطع حبل أفكارها.

- أيوه يا ماما جاية.

- طب علشان مانتأخرش ، خالتك لوحدها.

خرجت جميلة من غرفتها لتأخذ رأي أمها في مظهرها ، وإذا كان هناك ما ينقصها.

- الله يا حبيبي ، بجد جميلة جداً انا خيفة تغطي على العروسة.

وبهذه الكلمات الرقيقة عبرت الأم عن مشاعرها وعن إعجابها بابنتها وبجمالها الأخاذ ، واتَّجه الجميع إلى قاعة الفرح ومعهما أباها عمرو ووالدها.

كان الفرح في قاعة فخمة في فندق "هيلتون كينجز رانش" في كنج مريوط، وكانت جميلة ، قد اتفقت مع مجموعة من أصحابها أن يمضوا الليلة هناك ، فقاموا بحجز غرفتين واحدة للبنات والأخرى للشباب، كي يتمكنوا من تمشية الوقت معاً في اليوم التالي للفرح.

أما الفرح نفسه ، فقد كان فرحاً أنيقاً بسيطاً غير مُبالغ فيه، وكانت العروس في قمة تألقها بفستان الزفاف الأبيض الدانتيل ، ونظرت إليها جميلة معترفة بجمالها ، وخاصةً أنها ابنة خالتها ، وهي حقاً تحبها، لكنها كانت تدرك تماماً أنها لو كانت مكانها فستكون أكثر جمالاً وإشراقاً، وكلما تمنى لها أحدٌ مستقبلاً جميلاً، أو قال لها "عقبالك" ، كلما كانت جميلة تشعر أنّ حلمها بالعريس المرتقب ، والفرح ، وفستان الزفاف يقرب منها ، لكنّها تعلم أيضاً أنّ مثيلاتها يجب أن يتروين، ويأخذن وقتهن في الاختيار، حتى يكون الاختيار الأمثل والأجدر.

كانت جميلة مبتهجة ، وسعيدة ، ومستمتعة بكل شيءٍ حولها ، وكان معها صديقتها الحميمة سلمى وباقي صديقاتهما، فريدة ونهى وغيرهن ، استمتع الجميع بالفرح، بالزفة المبهجة ، وبالموسيقى الصاخبة ، والأغاني الراقصة، وبدأ الجميع يتراقصون في وسط القاعة على أنغام الموسيقى، وكلٌّ يستمتع بطريقته الخاصة من رقص وغناء وتمايل واشتراك بمجرد التواجد والمشاهدة فلكل شخص طريقته في المشاركة والتعبير عن السعادة.

وكانت جميلة تستمتع بالرقص والتمايل ، وهي تقف في وسط حلقة من صديقاتها مع العروس ، وهي تعلم جيداً أنها محور اهتمام ، وأنَّ جمالها يجعلها محور جذب لنظرات الشباب بالأخص، لم تكن جميلة تستمتع بتلك النظرات ، إلا لأنها تعبر عن إعجاب ، وتزيد من شعورها بالثقة ، وبالإحساس بجمالها، إنّها لا تستمتع بهؤلاء الشباب ، ولكنها تستمتع فقط بنفسها.

وعند افتتاح البوفيه ، وجدت جميلة نفسها تنتقل بين المناضد لتسلم على الأقارب والمعارف الذين لم تتمكن من الاختلاط بهم وقت الموسيقى والرقص ، وفي كل مرة تسلم على أحد الأقارب ، تسمع كلمات المديح والإطراء والأمنيات الجميلة، إنّها تشعر وكأنَّ

هي العروس ,فهي تخطف الأضواء من الجميع, وتتنقل بين المناضد كالفراشة الزاهية ,التي يخطف جمال ألوانها الأبصار.

- إنتي اكيد بنت سها.

قالت لها إحدى السيدات بابتسامه عريضة

- آه فعلاً.

أومأت جميلة.

- إنتي مش عارفاني.

ابتسمت جميلة في محاولة للتعرف على السيدة الأنيقة.

- أنا طنط منى ، كنت جارة مامتك وخالتك طول عمرنا في رشدي.

- آه فعلا ماما كانت بتحكى لى عنك.

- بس أنا بقى كنت صاحبة خالتك أكثر. وده إبني عمر. تعالى يا عمر أعرفك على إبنيه أصحاب العمر.

وتقدم شاب وسيم ,طويل القامة ,عريض المنكبين ,ذا إبتسامه ودودة ومد يده إلى جميلة مرحباً.

- وإنتي في سنه كام بقى دلوقتى؟

تساءلت طنط منى.

- أنا في ثالث سنة.

- كلية إيه؟

سأل عمر.

- أنا "بزنس" في الأكاديمية. وأنت؟

- لأنا صيدلي خلصت. عندي صيدلية صغيرة في سموحة.

- فعلاً

تمتت جميلة.

- برافوا عليك.

- طب يلا شدي حيلك وخلصي إنتي كمان.

قال ضاحكاً.

- إن شاء الله.

- طب إيه رأيكم تعملوا أطباق من البوفية قبل ما يخلص

نصحت الأم

- يلا يلا روحوا على طول.

ووجدت جميلة نفسها تذهب إلى البوفية مع الشاب الوسيم عمر التي كانت قد تعرفت عليه في الحال. وبعد أن انتقيا ما يريدان من الأطعمه دعتهم جميلة إلى الجلوس معها على منضدة أصدقاءها. وبدأت تعرفه عليهم فهذه سلمى صديقتها وزميلة دراستها، وهذه فريده ونهي ونرمين إبنة خالها، وهؤلاء هم أصدقائهم وأصدقاء العريس سيف وأشرف وإيمن. ومر الوقت سريعاً ولم يفارقهم عمر حيث إندمج مع الجميع بسهولة وبساطة وكانت جميلة قد شعرت بحاستها السادسة إن عمر معجباً بها. فهو يتقرب إليها ويتكلم معها طيلة الوقت. وفي نهاية الفرحة تبادل الجميع أرقام الموبايل وعرف عمر أنهم ينوون المبيت في الفندق.

- والله برافوا عليكم. كان نفسي أنزل البسين.

- خلاص تعالي بكرة.

دعاه سيف.

- مش عارف لو ينفج.

- بكره الجمعة

قالت نرمين

- وراك إيه؟

- طيب إن شاء الله هحاول.

ولم تعلق جميلة خشية أن يعتقد إنها تبادلته الإهتمام. فهي تعلم جيداً أنه آتٍ من أجلها. ولكنها لا تريد أن تشعره بأي أهمية. وفي اليوم التالي إستيقظت جميلة لتجد أن عمر قد حاول الاتصال بها على الموبايل.

- كلميه.

قالت فريدة.

- لما أفطر وافوق كده.

- حرام عليكي علشان يلحق ييجي.

قالت نرمين إبنة خالها.

- طيب طيب. مستعجلين على إيه. مش لازم يحس بالأهمية.

- تصدقي إنك غلسة فعلاً

ردت نرمين

- أنا هأكلمه علشان يلحق وأمسكت بموبايل جميلة وطلبت الرقم.

- صباح الخير.

- صباح النور.

جاءها الرد.

- أنا قلت اطلبك علشان جميلة لسه نايمة وإحنا عايزينك تيجي.
- أنا كمان نفسي آجي بس للأسف مش هأقدر.
- ليه؟
- سألت بإهتمام حقيقي.
- أصل بابا تعبنا قوي ومش هأقدر اسويه لوحده.
- خير. سلامته. فيه إيه؟
- والله مش عارف بس غالباً هنروح المستشفى.
- ألف سلامه
- رددت نرمين
- ربنا يطمنكم عليه. على كل حال هأتصل بيك علشان نطمأن عليه.
- متشكر جداً.
- طيب باي باي دلوقتي علشان ما نعطلكش.
- باي باي وسلمي لي عليهم كلهم.
- أنهت نرمين المكالمة ونظرت إلى جميلة بتأنيب
- شفتي إنك بايخة الولد بيتكلم علشان يعتذر عن المجيء لأن باباه مريض ويمكن يروح المستشفى.
- طيب
- ردت جميلة برود

- نبقى نسأل عليه إن شاء الله. تعالي بقى نروح نفطر.

- أنا فعلاً جعانة.

أعلنت سلمى.

وذهب الجميع لتناول الإفطار في مطعم الفندق، وحول المائدة جلس الجميع، يتناولون الطعام في جو من المرح. ونظرت جميلة إلى سيف صديق العريس وصديقهم جميعاً. إنه الوحيد الذي يستهويها أحياناً ويجذب إنتباهها. إنه ليس في مثل وسامة شاب مثل عمر، لكنه يتمتع برجولة واضحة في الشكل والشخصية معاً وسمار بشرته وخشونة ملامحه يحيطونه بهالة من الرجولة الجذابة. لكن جميلة لم تسمح بكل ذلك من التمكن منها. فهو وإن كان يعجبها إلا إنه لن يسيطر على مشاعرها أبداً.

فهي لم تعتاد ذلك، وانما هي تدرك جيداً إنها تستطيع لفت انتباهه وقتما تريد. لكنها لن تفعل ذلك، لأنه بصفة عامه لا يميل إلى الإهتمام بالبنات، فهو يركز تركيزاً شديداً في دراسته، وفي رسالة الماجستير التي يعدها في طب الأسنان. لذا فقد قررت ألا تلتفت إليه كثيراً حتى يلتفت هو إليها في الوقت المناسب. لكنه مازال يثير إعجابها.

- كان فرح حلو.

علق أشرف صديقهم.

- والعروسة كانت زي القمر.

أردفت سلمى.

- والعريس كمان.

أعلن أيمن ضاحكاً.

- يا سلام!! هو في أحلى من العروسة.

أعادت سلمى.

- وفستانها. بجد كان رائع.

أضافت نرمين.

- يا سلام على البنات

صاح سيف بغلظته المعهودة

- هو يعني الفستان أهم حاجة.

- أمال إيه؟

سألت جميلة بإستعجاب.

- يعني المهم إنهم اتجوزوا وربنا يستر.

- يستر إزاي؟

قالت باندهاش.

- قصدي يعني بصراحة الجواز بقى صعب قوي الأيام دي.

- يا ساتر عليك يا سيف

عنفته جميلة

- وهو إنت مش هتبطل كلامك الدبش ده ابدأ.

- والله ما اقصد.

- بأقولكم إيه المهم ربنا يسعدهم. يالا بقى علشان نلحق نزل البسين علشان

الـ check out الساعة 3 بالظبط.

- يلا بينا.

قام الجميع متوجهين إلى حمام السباحة الشاسع, وبدأوا في الإستلقاء حوله في محاولة للإستجمام والإستمتاع بالشمس والجو الجميل. ثم بدأوا ينزلون المياة الواحد تلو الآخر, وأمضوا وقتهم ما بين السباحة والغطس واللعب حتى الظهيرة. ثم قاموا متثاقلين, حين

حان وقت الرحيل ,وتمنى الجميع لو يطول بهم الوقت ليستمتعون بالمياه والصحة  
الحلوة,ولكن الوقت أزف ,ويجب عليهم أن يستعدوا لمغادرة الفندق, خاصةً وإن عليهم  
الذهاب إلى كلياتهم وأعمالهم في اليوم التالي.

وفي المساء, جلست جميلة مع والدتها أمام التلفزيون كعادتهم, وبدأوا يتجادبون أطراف  
الحديث.

- كان فرح جميل

قالت الأم

- إن شاء الله كده أعملك فرح زيه وأحسن بس إنتي شدى حيلك.

- يعني أعمل إيه؟

تساءلت ساخرة.

- ولا حاجه. عايزين بس عريس كويس وربنا يسهل.

- إنتي عارفه إن أنا مش مستعجلة.

- طبعاً يا حبيبتي. أنا بهزر. كل شئ بأمر الله.

- إن شاء الله.

- قولى لى.

تساءلت الأم إيه أخبار أصحابكم.

- الحمد لله

تمتت جميلة

- بس نسيت أقولك إني اتعرفت على عمر ابن طنط منى جارتكم زمان.

- والله. وشكله إيه بقى.

- بصراحة هو حلو جداً بس أنا مش عارفة ليه دمه مش خفيف على قلبي.
- لازم ذوق ومهذب. خليكي إنت في أمثال سيف بتاعك. عمري ما شفت واحدة غاوية غلاسة.
- دي مش غلاسة. هو فعلاً فيه رجولة وخشونة كده مش عامل زى البنات.
- والله إنتي عجيبة.
- عموماً ما تقلقيش. أنا لسه ما وقعتش في غرامه.
- ربنا يستر
- - دعت أمها
- - احكي بقى على عمر.
- - أبداً. واضح جداً انه بيدور على عروسه وإن مامته بترسم عليه علشان كده عرفتنا على بعض وسابتنا لوحدنا.
- - جميل.
- - هو إيه اللي جميل؟ ده فضل معنا طول الفرحة وكان عايز يبجي النهاردة الصبح ينزل معنا البسين.
- - طب وليه مجاش.
- - أصل باباه تعبان ويمكن يروح المستشفى.
- - طب وسألت عليه.
- - بصراحة لأ. ردت جميلة بعدم إهتمام.
- - طيب. أنا هأكلم خالتك وآخذ نمره مامته وأسأل عليهم. بصراحة كده ده عريس ممتاز وهو ده اللي يستاهلك.

- ماشي يا ماما. تصبحي على خير.

- وإنتي من أهله.

ردت الأم.

\*\*\*\*\*

وبدأ موسم الامتحانات. وجميلة تكره هذه الفترة منذ أن كانت صغيرة. فهي لا تهوى الدراسة والمذاكرة، والامتحانات تحرمها من أشياء كثيرة ومن متع أخرى تحبها. ولكن لابد مما ليس منه بد، فيجب أن تنجح على الأقل كي تظل مع صديقاتها وزملاءها وكي تنتهي من المذاكرة إلى الأبد. وهي لا تفهم مثلاً كيف أن صديقاتها سلمى وفريدة يحبون المذاكرة ولا يجدون فيها أي مشكلة بل أن سلمى تكاد تستمتع بها وتكرس لها معظم الوقت بدون غضاضة. أما هي فتشعر بعبء ثقيل ملقى عليها طيلة فترة الامتحانات.

قامت في الصباح متناقلة تجر قدميها إلى الحمام لتغسل وجهها وتستعد لليوم الشاق وتبدأ في العد التنازلي حتى يوم الامتحان.

- صباح الخير.

قالت أمها.

- صباح الخير.

ردت بتجهم.

- مش حتتغيري أبداً

- ضحكت الأم

- من صغرك وإنتي كده.

- قصدك إيه؟

- أبداً بس خلاص لبست وش المذاكرة وكأنك داخلة معركة.

- بصراحة المعركة أرحم. على كلِّ ما فيش حل. المهم أنجح زي كل سنة.
  - إن شاء الله.
  - لازم تعترفي إنني في الآخر بنجح.
  - طيب. يلا تعالي الفطار جاهز. إنتي متأخرة. باباكي وأخوي خلاص راحوا شغلهم من بدري.
  - حاضر .. حاضر.
- وبعد الإفطار, توجهت جميلة إلى غرفتها, نظرت إلى كتبها في ملل, فتحت نافذة الغرفة ليدخلها الشمس والهواء, ثم اتجهت إلى CD-Drive واختارت CD مفضل لها, وبدأت تستمع إلى أغاني عمرو دياب, نظرت إلى صورتها في المرآة بعدم رضا, ثم مشطت شعرها, وربطته أستيك صغير, ثم ألقى على نفسها نظرة أخرى في محاولة للبحث عن جمالها وبريقها المعتاد. ولكن هيهات فالذاكرة, والذاكرة, والذاكرة تطفيء أي بريق وجاءها صوت أمها.
- يا بنتي بتعملي إيه إحنا بقينا الساعة 12 وإنتي لسه ما عملتيش حاجة.
  - طيب بس هأصلي الظهر الأول.
  - وجاء آذان الظهر, فتوضأت ووصلت, وأخيراً جلست إلى كتبها, تحاول أن تحصل منها ما يمكن لها تحصيله من الدروس.
  - وبعد ساعة, خرجت من غرفتها, وذهبت إلى أمها التي تعد طعام الغداء في المطبخ.
  - مش عايزة مساعده؟
  - والله !! فعلا؟؟
  - آه. بجد.
  - يا بنتي روحى خلصى اللي وراكي.

- هأريح شويه.

- يعني بدمتك شكلي كده أحلى ولا وأنا في فرح ملك مثلاً.

- دي حاجة ثانية وبعدين إنتي حلوة على طول. يلا بقى.

- حاضر.

وهكذا ,مر الصباح, وجميلة تستذكر دروسها ,وتحاول الهروب منها في نفس الوقت ,وتحلم بالأجازه وتذكر يوم فرح إبنة خالتها, وتتذكر ما حدث فيه ,وكيف أمطرها الجميع بنظرات الإعجاب, وتسرح جميلة ما بين عمر الذي لا يداري إعجابه بها, وسيف الذي يجذبها برجولته وبروده الغير معقول , فهي لا تدري كيف لا تستطيع لفت انتباهه, لكنها على كل حال لم تستخدم كل أسلحتها معه ,فهي لا تأخذ الموضوع بجد , حتى الآن , وتحاول جميلة أن تركز مرة أخرى, فهي تذاكر مادة هامة وان كانت دمها ثقيل. وهكذا يمر الوقت بين المذاكرة ,والسرحان ,والموسيقى ,حتى تسمع صوت أمها يدعوها أخيراً إلى تناول الغذاء, فقد عاد أخوها من عمله وأصبحت الساعة الخامسة.

وضحك عمرو بصوت عالي عندما رآها تخرج من غرفتها.

- إيه البؤس ده يا بنتي. ماكنش إمتحان ده.

- يادمك

- - بادرتة

- - أصلك نسيت لما كنت بتذاكر.

- - ولا نسيت ولا حاجة. ده أنا عندي مذاكرة النهاردة بالليل.

- يعني إيه.

- سألت أمهم.

- يعني البروجيكت بتاع الشركة أصعب من أي مذاكرة. وبعدين أصحابي هيجوا النهاردة الساعة 9 علشان نسهر عليه ونخلصه بقى.

- طيب لو هتحتاجوا حاجة قولولي.

- يعني, حاجة ساقعه وهنطلب ديليفري.

- طيب وأنا هأروح عند سلمى علشان أعرف أركز.

- أوكي يلا بقى الغدا جاهز.

دعتهم أمهم.

وفي حوالي السابعة كانت جميلة فعلاً عند سلمى صديقتها, حيث كان الجو مختلف تماماً, فليس هناك عمرو دياب, إنما هناك جو إستذكار, ومشروبات, وكيك, وأجواء مذاكرة حقيقية.

- بأقولك إيه.

بادرت جميلة وهي ترفع عينيها عن الكتاب بعد نصف ساعة.

- أيوه.

ردت سلمى بإنزعاج واضح.

- فآكره عمر.

- عمر مين؟

- اللي كان في فرح ملك.

- آه. ماله؟

- معجب بيا.

- جميلة

صاحت سلمى

- أنا عايزة أذاكر.

- هو إنتي مش بترتاحي ابدأ.

- أرتاح من إيه. هو إحنا لحقنا.

ضحكت سلمى.

- طيب خلاص. كملي.

وفعلًا كملت سلمى في محاولة لإستعاده التركيز, وإستمر الوقت يمر بطيئاً على جميلة, ولم تستطع السكوت أكثر من نصف ساعة أخرى.

- هو فاضل كام يوم على الامتحانات؟

سألت.

- أسبوع والله العظيم أسبوع.

- طيب ... طيب... خلاص أنا أسفة.

قالت ممل.

- بصي

- أنا هأروح أذاكر في السفرة. قررت سلمى وهأرجع لك بعد ساعه.

- أنا فاضلي حته صغيرة.

- طيب.

- ضحكت جميلة

- ركزي ... ركزي.

وخرجت سلمى من غرفتها إلى السفرة, و وقبل أن تنتهي الساعه كانت تسمع صوت جميلة تثرثر مع أمها, فضحكت بدون إستغراب يوفهي تعلم طبيعة جميلة صديقة عمرها التي لا يشغلها سوى الـ Make up والـ fashion وجمالها الشخصى, وبعد دقائق كانت جميلة تقف أمامها

- أنا نازلة. كفاية كده.

- فعلاً. عملتِ مجهود فظيع النهاردة.

ضحكت سلمى بحب

- والله بجد خلصت "Chapter" كامل.

- طيب كويس.

- باي باي.

قالت جميلة , ونزلت مسرعة, كي تمشى حتى منزلها في نهاية الشارع.

لم تستغرب سها عندما عادت جميلة مبكراً, فهي تعلم إنها لم تكن تستطيع أن تصبر أكثر من ذلك, في أجواء المذاكرة والامتحانات.

- خلصتم؟

سألت سها

- أنا خلصت. جبت آخري.

- طيب عايزة تتعشى.

- ياريت.

- طيب ,ممكن تساعديني أجهز العشا ,أصل اخوي معاه ثلاثه من زمائله في الشركة ,بيحضروا بروجيكت على ما اعتقد.

- والله ,فيه حد نعرفه؟

- شايفه أحمد.
- طيب, هأسلم عليه, بقى لي مده ماشوفتوش.
- برده هتيجي تساعديني لما تخلصي.
- طيب حاضر والله.
- وهربت جميلة من مساعده أمها, ودقت باب حجرة الجلوس لتسلم على أحمد زميل  
أخوها وصديق العائلة.
- إزيك يا أحمد.
- أهلاً جميلة, فينك, بقالي مدة ما شفتكيش.
- يا ترى بتعملوا إيه.
- سألتهم.
- بنعمل بروجيكت للشركة لازم يخلص الأسبوع ده.
- آه.
- طيب مش تسلمي على الباقين.
- قاطعهم عمرو
- طب عرفنى عليهم.
- دي ماريان زميلتي.
- وإبتسمت جميلة, ومدت يدها لفتاه جميلة, ذات عينين واسعتين, سوادهما لا يختلف  
عن سواد شعرها الطويل وبادلتها ماريان بإبتسامه ودودة.
- أهلاً جميلة. مبسوطة إني شوفتك أخيراً.

- وده بقى وائل. أهم واحد في البروجيكت ده.
- أهلاً.
- مدت جميلة يدها إلى وائل. فوجدت شاب خجول مهذب ليس على قدر كافي من الوسامة ,وإن كان ذا جسم وعضلات مفتولة من الواضح أنه يذهب إلى الجيم.
- شكلك بتروح الجيم كثير.
- علقت جميلة
- فعلاً.
- أجاب بخجل
- طب ياريت تقنع عمرو يروح معاك. أحسن بيكسل معظم الوقت.
- إن شاء الله.
- رد الشاب
- طب خلصتم ولا أنا معظلام؟
- بصراحة طبعاً معطلانا.
- أجاب عمرو بمنتهي الصراحة
- لا والله مافيش أي عطلة.
- حاولت ماريان برقة واضحة ألا تخرج جميلة.
- والله إنت باين عليك ذوق.
- ضحكت جميلة بدون أى حرج
- عموماً قربنا نخلص خالص.

قال أحمد

- طيب. أنا حاسبيكم وأجهز العشاء مع ماما. علشان خاطرکم والله بس.
- وخرجت جميلة من الغرفه متوجهة إلى المطبخ لمساعدة والدتها ,في محاولة لتمضية الوقت حتى ينتهي الشباب من عملهم ,فهي تمنى نفسها بتمضية أمسيهه لطيفه معهم ,بدلاً من مع كتبها.
- بصى بقى يا ماما. أنا هأرتب طبق الجبن وطبق الفاكهه. إنتي عارفه دي لعبتي.
- طيب يلا بس. انا هأعمل البيض والبول وإنتي رصي الطعميه في الطبق.
- بصي
- قالت جميلة بفخر
- إيه رأيك في شكل الطبق.
- بصراحه إنتي دايماً تعرفي تخلي الشكل والديكور جميل.
- وبدأت جميلة في ترتيب السفرة بإهتمام وفن واضحين ,فهي من أشد المهتمين بجمال الشكل, فهي مؤمنة إن جمال الشكل هو من أهم الأشياء.
- السفرة جاهزة
- أعلنت جميلة
- يلا قبل الأكل ما بيرد.
- واو
- صاح أحمد بإعجاب واضح
- إيه الفن ده كله؟
- تعبناكم!.

قالت ماريان

- يا جماعة ده فول وطعمية.

قال عمرو.

- بصراحة كفاية منظر السفارة, يفتح النفس.

- وبعدين مالهم الفول والطعمية.

جاملت ماريان بنفس الرقة.

- إتفضلوا يا أولاد يلا.

دعتهم سها

- إنتم أكيد جعانين.

وبدأ الجميع في الأكل, وبدأت جميلة بتمرس واضح تدعوهم إلى الأكل, وتحاول التأكد من أنهم يتذوقون كل شيء, ولاحظت بإستغراب أن وائل منزوي في خجل, ولا تمتد يده إلى الطعام, إلا نادراً.

- إيه يا بني

- وجهت كلامها إليه

- هو إنت مش جعان.

- لأ, جعان.

رد الشاب

- يبقى الأكل مش عاجبك.

- بشويش عليه يا جميلة

قاطعها عمرو

- أنا هاعزم عليه.
- حلو قوي الأومليت ده.
- جاملت ماريان
- والله إنتي اللي حلوة.
- ضحك عمرو
- وهكذا بدأ الجميع في المزاح ,وفي تناول الطعام، ثم الفاكهة ,حتى مر الوقت ,وامتلأت البطون ,وقل الكلام وجلس الجميع حول المائدة , وهم يشعرون بثقل الأكل.
- متهيألى لازم ننزل بقى .
- قالت ماريان
- الوقت أتأخر.
- لا ابدأ.
- نفي عمرو
- لأ، بجد. أنا كمان أتأخرت.
- ماتخافيش. أنا هأوصلك.
- عرض وائل عليها بأدبه الواضح.
- طب يلا بينا.
- وتبادل الجميع التحية والسلام, وشكروا عمرو ووالدته وجميلة على تعبهم, وتمنوا أن يكلل مجهودهم في العمل بالنجاح, وقام عمرو بتوصيلهم حتى الباب ,ثم رجع ليساعد والدته وأخته في ترتيب المنزل.
- شكراً يا ماما. تعبتك.

- العفو يا حبيبي.
- وأنا إيه يعني. مافيش شكراً.
- ياستي شكراً أنا آسف.
- على فكرة ماريان دي بنت لطيفة. لو كانت مسلمة كان لازم تتزوجها.
- والله ماعنديش مانع.
- بس وائل ده غريب.
- ليه.
- سألتها والدتها.
- مش عارفة، على طول ساكت.
- هو فعلا هاديء
- وضح عمرو
- بس دماغه فظيعة. بصراحة من غيره كان لا يمكن نعمل البروجيكت.
- ماشي ياعم. ما إنت أصلك غاوي شغل. ربنا وعدني بأخ وصاحبة غاويين تعب.
- طيب سبنالك إنتي الراحة.
- ياريت والله. عموماً تصبحوا على خير علشان أنا بصراحة تعبت النهارده.
- وانتي من أهله.
- ردت سها
- أنا كمان هأنام، تصبحوا على خير.

وفي اليوم التالي، اضطرت جميلة إلى مواجهة واقع الإمتحانات، وبدأت الانخراط في معسكر الإستذكار تحت ضغط من أمها، وصديقتها، وامتحاناتها.

وبدأت الإمتحانات، وإشتد الضغط، وزادت المذاكرة، وبدأت جميلة تفقد بهجتها المعتادة، وإهتمامها بنفسها ومظهرها.

- بجد زهقت.

أعلنت لصديقاتها بعد إنتهاء ثاني إمتحان.

- معلش.

ضحكت فريدة

- إنتي على طول زهقانة.

- لأ يا سلمى أنا بجد مش قادرة.

- ولا يهملك. بأقولك إيه. هانت. فاضل عشر أيام بس.

- يا سلام. كأنهم يومين.

- بأقولكم إيه يا جماعة

تمتت فريدة

- أنا بجد عايزة أروح أنام. يلا السواق وصل. يلا بينا.

وتوجهت الثلاث بنات إلى السيارة في تعب، وفي الطريق سيطر النعاس على فريدة، وأطرقت سلمى تفكر في المادة القادمة بينما راحت جميلة تحلم بأخر يوم إمتحانات.

واخيراً، جاء هذا اليوم، وانتهت الإمتحانات، وخرج الجميع يشعرون بسعادة غامرة، وكان معظم الطلاب قد قرروا تناول الغذاء معاً في إحدى المطاعم الشهيرة. وتوجهوا جميعاً للاحتفال ببدأ الاجازة. وبعد الغذاء قرروا الذهاب إلى السينما لمشاهدة فيلم

كوميدي. وبدأ البعض في الإعتذار لشعورهم بالتعب وبعد السينما بدأوا التجول في كارفور لتمضية الوقت. وأخذ عددهم يقل حتى لم يتبقى سوى جميلة وسلمى وفريدة.

- أنا شايقة إننا نروح.

- وأنا كمان بصراحة تعبت.

- ماشي

وافقت جميلة

- كله تعبان ولو أن أنا كان ممكن أكل آيس كريم.

- بأقولك إيه!!

قالت سلمى

- أنا مش قادرة. يلا بينا والنبى.

- اويكي .

وفي المنزل وجدت جميلة أخوها عمرو ووالدتها في إنتظارها.

- أتأخرتِ.

قالت الأم.

- كنا في كارفور.

- هو إنتي مابتتعيش غير من المذاكرة.

تساءل عمرو.

- بصراحة آه.

- طيب أنا عايزك في حاجة مهمة.

- فيه إيه

سألت

- أوعى تكون جايب لي عريس إنت كمان.

- طب ما إنتي فاهمه اهه.

- بجد!!

إبتسمت في سعادة

- وائل صاحبه لما شافك يوم العشاء والبروجيكت طبعاً عجبتيه والولد محترم فكلم أخوكي على طول.

- بتتكلموا جد.

قالت بإستهزاء واضح.

- أيوه

ردت الأم

- وعلشان هو ولد كويس فعلاً طلب من عمرو يكلمك بعد انتهاء الإمتحانات.

- لا والله. وليه بقى محاولش يتكلم معايا.

- هو direct وقرر يكلم أخوكي على طول.

- ده قديم أوي.

- بأقولك إيه يا جميلة

صاح عمرو

- ده ولد محترم ومهذب وولد كويس جداً وعائلته كويسه ومستقبله كويس.

- آه بس مش بيتكلم كلمتين على بعض وعامل زي البنات.
- هو ده رأيك؟
- سأل.
- آه. بص الفرق بينه وبين أحمد مثلاً.
- بأقولك ايه. أحمد خاطب ومالناش دعوة بيه. خليكي في العريس اللي جاي لك.
- فعلاً يا جميلة.
- لأ طبعاً ده ماينفعش معايا خالص.
- أنا كنت عارفة إنك هتقولي كده.
- يعني ده آخر كلام عندك؟
- أنا رأيي أنك لازم تفكري تاني؟
- بأقولك إيه يا ماما أنا مش ناقصني عرسان.
- ماشي يا جميلة. أنا هأقوله إنك مش بتفكري في الجواز قبل ماتخلصي الكلية. وهو هيفهم.
- قوله اللي إنت عايزو. هو أنا مش كل واحد يعجب بيه يبقى لازم أتجوزه.
- ماشي يا برينسيس -إبتسم اخوها- إنتي حرة.
- ربنا يرزقك بإبن الحلال
- دعت لها أمها
- واحد زي عمر اللي قابلتيه في الفرح.

- ما هو معجب بيا فعلاً. بس أنا بصراحة ما اعرفوش كويس. ويعني ما قدرش يشد إنتباهي.

- يعني ما أتصلش بيك خالص؟

- لا يا ماما. هي مرة واحدة, وردت عليه نرمين.

- طيب ابقني إتكلمي أسالي على باباه.

- إن شاء الله.

- بأقولكم إيه أنا ماليش في كلام الستات ده. أنا عايز أتفرج على التلفزيون أحسن.

- معاك حق.

أيدته جميلة, ومدت يدها إلى الريموت كنترول, وفتحت التلفزيون.

- هاغير هدومي وأجي أقعد معاكم.

وهكذا قررت جميلة عدم صلاحية العريس لها. فهي وإن كانت لا تنكر شعورها بالسعادة عندما يتقدم لها عريس, إلا إنها تشعر أن وائل هذا غير مناسب, فهو مؤدب وهادئ زيادة عن اللزوم, وهي لا يعجبها ذلك. إنها تبحث عن زوج شديد الرجولة, بل وقد يكون عنيماً أو فظاً. وهي تعلم إنها ستجد غايتها, فجمالها وجاذبيتها يساعدان على ذلك. ولذا يجب ألا تتسرع, فهي ليست مثل كل البنات, ويعرض عليها بدل العريس الواحد مائة عريس. ثم إنها ليست على إستعداد للتعب والمعاناة والشغل, ويجب أن يوفر لها عريس المستقبل كل ما تحتاجه وما تستحقه فعلاً.

ألقت على نفسها نظرة أخرى في المرآة, وكالعادة شعرت بالرضا والإرتياح, فإن ما تراه يؤكد إنها على حق. إن جمالها لا يمكن الإختلاف عليه.

وفي صباح اليوم التالي, كانت تشعر بنفس الرضا والسعادة, خاصة وأنه ليس هناك ما يشغلها عن نفسها, فلا مذاكرة ولا كتب ولا دروس.

صبرت على والدتها ,وأعدت لنفسها النسكافيه لتتناوله مع الإفطار الذي أعدته لها. وتجنبت أمها التحدث معها حتى تنتهي من شرب النسكافيه. وبعد أن انتهت من إفطارها ,رجعت إلى حجرتها وقامت بترتيب كتبها حتى تغير جو المذاكرة الذي اعتادته في الأسابيع الماضية. وما أن انتهت حتى بدأت في البحث عن موبيلها.

- يا ماما.

- أنا مش لاقية الموبایل. شوفتیه.

- لأ.

- مش عارفه حطيته فين.

- شوفي مكان ما كنتِ بتفطري. بس تعالي ,عايزة أقولك حاجة.

- طب رنبلي علشان عايزة أتكلم.

- مستعجلة على إيه, هتكلمي مين على الصبح؟

- عايزه أكلم عمر علشان أسأل على باباه زي ما إنتي عايزه.

- مافيش داعي.

- قالت الأم بإحباط.

- غريبة!!

- ولا غريبة ولا حاجة.وما هو ده اللي كنت عايزه أقولك عليه.

- إيه غيرتي رأيك فيه ولا إيه؟

- قالت بسخرية.

- لا هو اللي غير رأيه.

- ردت بإستهزاء

- مش فاهمة!!
  - أصله هيخطب نرمين.
  - نرمين مين؟
  - سألت بإستغراب حقيقي
  - نرمين بنت خالك, اللي ردت على تليفونك يا فالحة.
  - بنت خالي!!
  - لم تستطع أن تخفي دهشتها أو صدمتها.
  - أيوه بنت خالك. ما هو إنت أدتها الفرصه وهي سوسه زي أمها.
  - بس هي ما قالتليش حاجه خالص.
  - وتقولك ليه؟ هي هبله زيك؟
  - بنت الإيه....
  - هيقروا الفاتحة الأسبوع الجاي ,كانوا بيتأكدوا إن باباك كمان هيكون رجع من السفر.
  - قال يعني يهمهم قوي, عموماً ربنا يهني سعيد بسعيدة, هو مش من حلاوته قوي.
- شعرت جميلة بإحساس غريب ,لا تستطيع فهمه أو وصفه .لأول مره تشعر أن احداً أخذ منها شيء هو في الأصل حقها. كيف تجرؤ نرمين على فعل ذلك؟ ثم من هي نرمين في الأصل؟ أليست هي بنت خالها التي تصغرها بعامين ,والتي لا تتميز بأي جمال غير عادي؟ إنها لم تكن تلفت إنتباه أي شخص. فلم يكن لها معجبين على الاطلاق, كيف تمكنت من ذلك؟. كيف لفتت إنتباه هذا الشاب الذي كان واضحاً في إعجابه بجميلة نفسها؟. كيف حدث ذلك؟ وما معناه؟ هل تستطيع مثل هذه الفتاة أن تنافسها حقاً؟ إن جميلة لم تكن معجبة بهذا الشاب ولكنها كانت واثقة من إعجابه بها. وهي فعلاً لا

تستطيع تقبل أن يتخلى عن إعجابه بها من أجل فتاة أخرى. لابد أن هناك سبب. لابد من ذلك.

وبعد تفكير عميق، ومحاولة لتقبل الواقع، إهدت جميلة أن هذا الشاب لابد وأن يكون قد أدرك إنه لا يعجبها ولذا تمكنت نرمين من رمي شباكها حوله. وهو مازال بالتأكيد معجب بها، ولكنه يريد الزواج، وأرتاحت إلى هذا التفسير الذي لا يقلل من قدرها ولا من ثقتها بنفسها. وعلى كل حال فهي لن تضيع من وقتها أكثر من ذلك. وستركز على نفسها وعلى حياتها المعتادة، كما إنها يجب أن تستعد لقراءة الفاتحة وللخطوبة حتى تكون متأققة كعادتها.

- ماما.

- نعم.

- أنا عايزه أشترى بلوزة جديدة لقراءة الفاتحة وفتتان حلو للخطوبة.

- إيه رأيك تقولى لبابا يشترى لك حاجة وهو جاى من دبي.

- آه والله فكره هاكلمه حالاً

وقد كان، وفي اليوم الخطوبة، إرندت الفستان الدانتيل الموف الذي إشتراه والدها بعد مباحثات، وتألقت تألقاً شديداً، زاد منه شعورها الداخلي بأنها يجب أن تكون في أروع وأجمل حالاتها.

وفي الحفل نفسه، كانت جميلة تستمتع بكل لحظة مع صديقاتها وأصدقاءها في محاولة لتجاهل الشعور بالحرق الذي مازالت تشعر به. فهي لا تريد أن تعترف به. وفي وسط كل ذلك كانت ترقص وتتمايل مع الجميع على أنغام الأغاني الراقصة. وبينما هي كذلك، إذا بها تشعر بانجذاب شديد نحو سيف، الشاب الوحيد الذي لم يعرّها أو يعر أي فتاه إهتمام خاص، ربما زاد إنجاذبها له هذه المرة لأنها تريد أن تتغلب على شعورها بالهزيمة.

- بأقولك إيه يا سلمى.

همست جميلة

- الواد سيف النهاردة موز قوي.
- معاك حق.
- بصراحة عاجبني.
- غريبة!!
- هي إيه اللي غريبة.
- أول مره يعني تعترفي بحاجه كده.
- بتقولوا إيه.
- قاطعتهم فريدة
- بنقول إن عمر ده كان معجب بيه من يوم فرح ملك. بس أنا طنشته.
- نظرت إليها البنتان في إستياء واضح, جعلها تشعر بالخجل من نفسها. ما الذي جعلها تتفوه بمثل هذه الكلمات. وكانها لم تتمالك نفسها, فأفصحت عما يدور بداخلها.
- إيه خلاص ما تزعلوش كده.
- قالت في محاولة لإخفاء شعورها بالهرج.
- يعني. هو الكلام ده مالوش داعي.
- أكدت فريدة.
- طيب. طيب. خلاص.
- طب إيه رأيكم نركز علشان خلاص هيقطعوا التورتة ويفتحوا البوفيه.
- حاولت سلمى تغيير الموضوع, وبعد العشاء جلس الجميع حول منضدة, في إنتظار إعادته ظهور العروسة والعريس.

- عقبالك يا سيف.
- بدأت جميلة
- عقبالك إنتي الأول.
- إن شاء الله ,بأقولك إيه ,أنا عندي موضوع كده عايزه أخذ رأيك فيه.
- إيه هو؟
- تساءل
- لأ مش دلوقتي. أنا هأكلمك في التليفون.
- ماشي.
- الذي جي بدأ ثاني.
- صاحت فريدة
- طب يلا بينا.
- دعتهم سلمى.
- وتوجه الجميع إلى البيست ,ولكن جميلة شعرت أن هناك ما ينقصها ,ولما نظرت للوراء وجدت سيف وقد جلس وحده حول المنضدة ,وبدأ في إشعال سيجارة, ترددت قليلاً ,ثم إستدارت وتوجهت إليه.
- قاعد لوحدك ليه؟
- ابدأ ,قلت أدخن سيجاره بعد الأكل.
- أنا كمان بصراحه تعبت. هأقعد ارتاح شويه.
- آه ,اتفضلي.

جلست جميلة بجانبه, ولم تدر لأول مرة ماذا تقول, أما هو فإستمر يتابع ما يجري على البيست في صمت وهو يدخن سيجارته.

- حلوة الغنوة دي!

- آه طبعاً. قومي لو عايزه.

- لأ خالص, هو إنت مش بتحب الأغاني؟

- بأحبها طبعاً. بس مش باحب الرقص.

- ولا أنا

قالت بعفوية

- إنتي!!

نظر إليها بإستغراب حقيقي

- إزاي يعني؟

- آه, بجد.

ردت بارتباك, فهي تعشق الرقص, والكل يعلم ذلك.

- كنت فاكِر العكس.

- لأ هو أنا بس بأفرح لاصحابي وباحب أجاملهم مش أكثر.

- والله برافو عليكِ.

- طب إيه الأغاني اللي بتحبتها؟

- بصراحة, مادام مصرة تعرفي. أنا باحب أم كلثوم وعبد الحليم.

- طب وعمرو دياب؟- سألت بسذاجة واضحة.

- عمرو دياب
- ردد بنوع من السخرية
- هو إنتي حتقارنيه بأم كلثوم.
- لأ طبعاً. بس يعني بأشوف إذا كنت بتحب القديم بس ولا إيه.
- يعني, ده حاجة وده حاجة.
- يبدو أن الموضوع لن يكون سهلاً. ولكنها قررت أن تقتحم المعركة ,وهي تعلم إنها ستنتصر. ثم أن صعوبة الموضوع تجذبها إليه أكثر ,فهي تحب هذا النوع القوي الواثق من نفسه. والأدهى إنها لم تعتاد ذلك العناد واللامبالاة من أحد. لكنها واثقة من نفسها ومن إنها ستحقق غايتها.
- وبعد انتهائه من سيجارته ,دعاها سيف إلى مشاركة الجميع. فقاما وتوجها إلى البيست, ولم تستطيع جميلة أن تنكر شعورها بالإستمتاع بقوه شخصية سيف ,وبعدم انسياقه وراءها أو محاولته لإرضاءها, مثلما يفعل الكثيرون. بل إنها وجدت نفسه هي التي تلازمه ,وتحاول إستمالته إليها.
- هاكلمك بكره.
- أخبرته في آخر الحفل ,وهي لا تعلم أصلاً ما الموضوع الذي سوف تكلمه فيه.
- وفي اليوم التالي, بدلاً من أن تكلم سيف ,كلمت سلمى وحكت لها عن كل شئ.
- مش عارفة أقوله إيه.
- بصراحة ولا أنا.
- ما هو لازم نفكر في حاجة. شكلي هيبقى وحش وأنا كنت باكلمه بثقة.
- بصي. جت لي فكرة.
- إيه؟

سألت بفضول شديد.

- ممكن تقويلو يساعدك في research الكمبيوتر. إنتي عارفه أنه عبقرى كمبيوتر  
وبعدين بيعمل ماجستير فهيكون مهتم به. ولو أنه أصلاً أسنان.

- طيب ماشي. هأطلبه دلوقتى.

وفعلاً طلبت جميلة سيف, وسألته إن كان يمكنه مساعدتها في البحث المطلوب, حيث  
إنها لا تستطيع القيام به بدون مساعدة. وكما هو متوقع, وجدت منه الإهتمام المطلوب  
,واتفق على أول لقاء لهما في النادي.

وإستعدت جميلة للقاء بكل جوارحها وأسلحتها, من جمال, ورشاقة, وأناقة. وفي النادي  
,وحول الترابيزة وجدت نفسها تنجذب إليه أكثر وأكثر وهو يشرح لها المطلوب وكيفية  
عمله وتنفيذه. وفي آخر الجلسة, سألته:

- طيب, ممكن تشوفه لما أخلصه.

- آه طبعاً

- طيب, أنا هأبدأ النهارده بالليل وإذا وقفت في حاجه هأكلمك.

- أوكى بس انا مش هأسهر قوى علشان عندي شغل مهم بكره. عموماً لو كنت هأنام  
هأقفل الموبايل.

ما هذا البرود؟ تساءلت جميلة, وقد أحبطها رده, لكنها معجبة ببروده.

- طيب بص ابقى كلمني قبل ما تنام لو سمحت.

- أوكى - رد باقتضاب

- يلا بينا.

كلمت سلمى فور أن وصلت بيتها

- بارد ... بارد... بارد....

## كان تعليقها

- ما إنتي عارفة من الأول.
- بصراحة أنا مش واخده على كده. بس والله لا أوريه.
- أوكي , إبتدي بقى علشان تلاقي حاجة تقوليها له. وأنا كمان عايزة أبدأ في الشغل بتاعي.
- خليك إنت في المذاكرة. يلا تصبى على خير.
- وبدأت جميلة فعلاً في البحث , ولأول مره تجد نفسها مهتمة بما تعمله. يبدو أن سيف له تأثير خاص عليها. وبعد قليل, مدت يدها إلى الموبايل , ثم ترددت وتركته, لن تكلمه حتى يكلمها هو. هذا هو الأسلوب المناسب. ومر الوقت بطيئاً , ولم يرن الموبايل, فبدأت تتوتر. هي لم تعتاد ذلك , وعندما وصلت الساعه 12 قررت أن تحاول الاتصال به, وجاءها الرد المحبط.
- الرقم الذي تحاول الاتصال به قد يكون مغلقاً.
- اف ... اف
- صاحت بغضب
- بجد بارد وقليل الذوق. طظ فيه.
- لكن أول ما فعلته في صباح اليوم التالي كان الاتصال به.
- صباح الخير ,إزيك.
- صباح النور.
- يعني ما كلمتنيش إمبراح.
- أنا آسف ,معاك حق. أصلي تعبان مش عارف ليه ورحت في النوم.
- إنت في الشغل؟

- آه.
- طب هاكلمك لما تخلص. بتخلص أمتى؟
- الساعة 4.
- أوكي باي باي.
- باي باي.
- وفي تمام الرابعة والنصف امتدت يدها إلى الموبايل.
- هاي.
- أهلاً.
- جاءها صوته المتعب
- أخبارك إيه؟
- الحمد لله, بس يظهر إن أنا فعلاً تعبان.
- سلامتكم, وصلت البيت.
- باركن العربية.
- طيب خلاص, ابقى كلمني لما ترتاح عايضة أسألك على شوية حاجات.
- حاضر.
- وبدأت جميلة في التوتر, وبدأ قلقها يزيد, فسيف لا يتصل, وهي لن تسمح له بأكثر من ذلك. كلمت سلمى مرة أخرى
- بصراحة بدأت أزهدق.
- طب كلميه.

- مش هاكلمه تاني.
- طب وبعدين.
- بصي يا سلمى عندي فكرة. كلميه إنتي علشان نعرف عيان بجد ولا لأ.
- وأنا اقلوه إيه ده.
- أى حاجة. اسألبيه على أى حاجة في الكمبيوتر. قولى له إني سألتك علشان محرجة اكلمه.
- أوكي
- طب يلا أنا مستنيه.
- ومرت الدقائق كأنها ساعات ثقيلة. ورن الموبايل.
- عيان. عيان جداً بجد.
- جاءها الرد.
- طب خلاص، إقفي.
- انتظرت قليلاً ثم طلبت سيف.
- سلامتكم. مالك؟
- مش عارف. يظهر إني سخن. كنت حاسس من إمبارح.
- معلش. سلامتكم.
- طيب كنتي عايزه تسألني على إيه.
- فاجئها السؤال، فقد نسيت الموضوع أصلاً.
- مش مهم. بكره أسألك.

- لأ بجد.
- يا سيدي ولا يهملك. المهم إنت تأخذ الدوا وتبقى كويس.
- المشكلة إن ماما مسافرة ولازم آخذه الساعة 5 الصبح. عموماً هأضبط الموبايل.
- ولا يهملك أنا هأصحيك.
- مافيش داعي. أنا متشكر بجد.
- هأكلمك. يالا باي باي.
- وفي تمام الخامسة رن الموبايل ,وقامت جميلة من النوم متثاقلة, ودعكت عينيها ,وفتححتها بصعوبة, ومدت يدها إلى الموبايل بتضرر.
- شغلانة إيه دي بقى.
- همست لنفسها.
- آلو.
- جاءها صوته.
- آلو, صحيت.
- آه, متشكر جداً. أنا كده قلقتك.
- ولا يهملك يلا خد الدوا علشان تنام تاني.
- وسمعت صوت علبة الدواء ,وإستخرجه للقرص منها, ثم صوت المياة وهو يشربها.
- تمام؟؟
- سألته.
- الحمد لله.

- تصيح على الخير. هأطمأن عليك الصبح.
- أغلقت الموبايل ,ومعه عينيها, ولم تستيقظ إلا على صوت أمها تحاول أن تذكرها بميعاد كليتها.
- وفي السيارة طلبت سيف. مرة أخرى.
- صباح الخير.
- صباح النور
- رد بإمتنان
- أنا بصراحة مش عارف أشكرك إزاي.
- ولا يهمك
- شعرت إنها نجحت أخيراً على الأقل في التأثير عليه.
- طبعاً مش هتروح الشغل.
- الشغل مش مهم النهاردة. بس المشكله إني كان لازم أعدي على الكليه علشان فيه بحث لازم أسلمه.
- طب وبعدين.
- مش عارف. هأحاول أنزل.
- لأ. أوعى. بص أنا هأعدي عليك آخذه وأوصله للكلية.
- إزاي. طب وكلينتك.
- المحاضرة اتلغت
- كذبت بسرعة شديدة فهي فرصة نادرة.

- بس إنت معلش حط الورق في الأسانسير. يالا باي.

أغلقت الخط بسرعة قبل أن يناقشها, وغيّرت خط سيرها, وذهبت في إتجاه منزل سيف. وهكذا مرت الأيام وتوطدت علاقتها بسيف, وكثرت تحدثهم في الموبايل. وبدأت جميلة تحاول إثبات أهميتها في حياته, وزادت ثقتها بنفسها, لأنه بدأ أخيراً يتصل بها من تلقاء نفسه, وازداد ارتباطها. ولكن ما يحيرها هو عدم إفصاحه عن شئ صراحةً, فهو متحفظ بطبعه ولا يتكلم كثيراً.

- وبعدين

سألت صديقتها بحيرة

- إيه آخرتها؟

- قلقانة من إيه؟

- حنفضل كده في اللا لا. هو يعني مستني لما أنا اللي اقله.

- واحدة. واحدة

ردت سلمى

- بطلي تسرع. إديله فرصة.

- أكثر من كده!!

- هو فيه بصراحة تطور كان المفروض إن أنا ما قولوش لك.

- إيه؟

سألت بفضول.

- هو سيف اتصل بيه.

- بك إنتي؟

- ما تزعليش كده. هو عايز يرتب لك Surprise Party علشان عيد ميلادك.
- بجد
- ردت بفرحة.
- أيوه. بقى لنا أسبوعين بنرتب لعيد ميلاد سيادتك.
- والله.
- إبتسمت بسعادة واضحة.
- بصراحة، هو مهتم جداً، ورتب حاجة حلوه يوم الخميس اللي جاي. وكلنا هنكون موجودين أنا وفريدة وأشرف ونرمين والباقي كلهم، حتى ملك وجوزها.
- أوكي
- بس أوعي حد يحس إنك عارفة.
- ماتخافيش.
- وفي جلستها المعتادة مع أمها، حكّت لها جميلة كل شيء، وقررت أن تشتري جميلة ملابس جديدة للمناسبة، خاصةً إن سيف كان قد أخبرها أن هناك مفاجأة سوف يخبرها بها يوم الخميس.
- يبقى أكيد هيقولك بمناسبة عيد ميلادك.
- تفتكري.
- مش هو اللي قالك.
- أنا عارفة. ما هو طول الوقت يكلمني عن أم كلثوم وعن الملاجستير لما أنا بصراحه اتلخبطت.
- وأنت إن شاء الله بتقولي له إيه.

- إني طبعاً باحِب أم كلثوم وإن الماِجستير بتاعه أهم حاجة في الدنيا.

- يلا يا نصابه.

ضحكت أمها.

- طب أعمل إيه؟

- وسلمى بقى هي اللي بترتب عيد الميلااد.

- آه.

- والله أنا خايفة تطلع سوسه وتلطشه.

- لأ مش معقول يا ماما.

- كل شيء معقول.

أكدت الأم.

وفي يوم الخميس, كانت جميلة متألقه أكثر من أي مرة سابقة. وقد اشترت فستان أنيق ,حرصت على أن يبرز جمالها أكثر.

ولعبت دورها كما ينبغي ,وادعت إنها لا تعلم أي شيء عن الحفل الذي نظمه أصدقاءها. وفي الوقت المحدد قام اشرف صديقهم وبعد أن اختفى لثواني, ظهر وهو يحمل بنفسه تورتة عيد الميلااد ,وقامت فريدة بإشعال الشموع. وقدم سيف وسلمى الهدية المشتركة لجميلة. وأمضى الجميع وقت طيب, ثم قامت سلمى لتعلن

- يا جماعة سيف عنده خبر حلو.

ودق قلب جميلة إستعداداً, فمن الواضح إنه أتفق مع سلمى, وبدأت تفكر فيما يجب أن يكون عليه رد فعلها.

- خير.

ردد الجميع.

- يلا قول.

حثة أشرف.

- بصراحة. أنا ناقشت رساله الماجستير الأسبوع اللي فات وأخذت امتياز. وكنت عايز أعملها مفاجأه علشان كده قلت أعلنها يوم عيد ميلاد جميلة وكلنا موجودين.

وصفق الجميع وهللووا. وصفر أشرف تشجيعاً, وبدأ الجميع في المباركة له, وتسمرت جميلة مكانها. هل هذه هي المفاجأه؟ هل انتهى الموضوع؟ بالطبع لا. فهو أكيد سيربط الماجستير بإعلانه ارتباطهما.

لكن شيئاً لم يحدث.

ربما أجله حتى يكونا وحدهما.

ولكن الشك بدأ يساورها , وبدأت تتذكر تحذير أمها, هل تلعب سلمى دور لا تعلمه هي؟ هناك شيء غريب, فهي تقف إلى جانب سيف, ثم إنها الوحيدة التي كانت تعلم بموضوع الماجستير. ما هذا؟ هل هذا يعقل؟ دارت الدنيا بجميلة, ولم تشعر بما يحدث حولها, حتى سمعت صوت أشرف يوقظها من هذا الكابوس المملئ بالهواجس.

- إيه مالك؟ مش هتباركي سيف.

- طبعا، ألف مبروك.

- بصراحة

صاح سيف

- إنتي مش محتاجه تباركلي. إنتي كنت أكثر واحدة شجعتيني كفاية يوم ماوصلتي البحث وأنا عيان.

- يعني إنت فاكر.

همست لنفسها.

وانتهت الليلة , بإحباط غير عادي, وأمسكت جميلة دموعها طيلة الحفل حتى لا يلاحظ أحد. وعندما وصلت منزلها, بدأت دموعها الحبيسة تسيل ,حتى قبل أن تركب المصعد. ثم فاجأها رنين الموبايل, نظرت إليه بعصبية فوجدت إسم سيف يظهر.

- عايز إيه

صاحت بحنق

- والله ما أنا رده.

لكن يدها امتدت للموبايل, وردت عليه.

- آسف. بس عايز أقولك حاجة.

- إتفضل.

تمتمم بترقب.

- ممكن أقابلك بكرة. بصراحة عايز آخذ رأيك في موضوع مهم. هو يعني حاجه شخصية.

اخيراً. كادت الكلمة تفلت منها.

- أوكي طيب نتقابل في النادي على 6 بعد الشغل.

- أوكي باي باي.

وعندما دخلت المنزل, لم تتكلم مع أمها كعادتها ,إنما أخبرتها إنها متعبة وتشعر بصداع شديد.

- فيه حاجة؟

سألت الأم بقلق.

- لأ خالص. كل شيء تمام بس أنا بجد تعبانة.

وفي حجرتها, أطلقت العنان لمشاعرها, وبدأت تفكر فيما حدث, كيف سمحت لنفسها أن تتعلق بسيف أو غيره؟ إنها جميلة, الفتاة التي يعجب بها الجميع, والتي طالما تمنى رضاها الكثيرون, واقسمت أن تنتقم منه بعد أن يعترف لها, غداً, كما هو متوقع. ولكن هل تريد أو تستطيع الانتقام منه فعلياً؟ إنها تشك في ذلك. ولكن يجب أن "تعلمه الأدب" كما تردد أمها دائماً.

وفي تمام السادسة مساءً, في اليوم التالي, كانت تجلس في كافيتريا الجولف في النادي, في إنتظار هذا الشاب الذي تحول فجأة إلى فتى احلامها. وتابعته بعينها بعد أن وصل, ورأته وهو يتجه إليها, ويسلم عليها, ويجلس في الكرسي المقابل لها. ولم تفهم أى شيء من حديثه حتى بدأ يقول:

- عايز آخذ رأيك في موضوع شخصي.

- إتفضل.

قالت بإشتياق.

- بصراحة كده أنا معجب بواحدة وعايز أخطبها.

- فعلاً.

همست, ولسان حالها يقول أخيراً.

- آه والله شفتي

- مين هي بقى؟

سألت برقة, وصوت داخلي في نفسها يردد انطق بقى يا أخي.

- ما هي دي الفكرة.

- أيوه مين يعني؟

لم تستطع السيطرة على نفسها.

- بصراحة. هي واحده تعرفيها.
- طب ما أنا عارفة. رد صوتها الداخلي.
- بجد. عموماً إنت أي واحده تتمناك.
- قالت مشجعة
- وفعللاً شجعته, فجاءها الجواب
- هي واحدة صاحبتك.
- وجاءها الرد الغير متوقع كالصاعقه.
- سلمى... سلمى... فعلاً... يا نهار أسود ... يا بنت الإيه.
- لم تجرؤ أن تسأله, فهي لا تريد أن تسمع الإجابة.
- مش هتسألني مين؟
- مين؟
- خرجت الكلمة بصعوبة.
- فريدة.
- لم تتحمل جميلة الصاعقة الثانية, فصاحت في إستغراب
- مين؟
- فريدة.
- فريدة مين.
- فريدة صاحبتك.
- يانهار أسود.

- أسود ليه؟
- سأل باندھاش
- أصل ... أصلي افتكرتك ... يعني مش سلمى.
- قالت بارتباك واضح, في محاولة لإخفاء حقيقة شعورها.
- سلمى. إيشمعنى سلمى؟
- مش عارفة.
- هربت منها الكلمات, إحتبس صوتها, وسكتت.
- سلمى!! سلمى, أشرف معجب بها, وإن شاء الله هيخطبها قريب.
- طب وأنا!!
- أفلتت منها الكلمات.
- إنتي!!
- حاول ان يفهم قصدها
- آه ... آه طبعاً ما هي سلمى أكيد هتقولك. أنا كنت فارك عارفه. أنا آسف والله.
- مافيش داعي للأسف
- وحمدت الله أنه لم يفهم قصدها
- طب وأنت عايز مني إيه بالظبط.
- ياريت تقولي لفريده بصراحة حاولت أفهمها لكن يظهر إنها مش مجمعة.
- علشان فارك معجب بيا أنا. كانت تود لو يسمع ما يدور بداخلها. لكنها لا تستطيع الإفصاح عنه.

- عموماً لازم إنت اللي تقولها, هو ده الصح, عن إذنك بقى أحسن أنا عندي ميعاد.  
وقامت كمن أصابتها صاعقة كهربائية, وسارت وحدها, لا تصدق ما حدث وما سمعته,  
فهو لا يمكن, وغير معقول, ولا يتقبله عقل, فهي جميلة, جميلة, جميلة بل هي جميلة  
الجماليات. فكيف يحدث ذلك. لابد أن هناك خطأ ما. أليست هي من غنت لها أمها  
كثيراً جميل جمال مالوش مثال...

قلبي القاسي

**إسمها** ياسمينا و هي فعلاً كالياسمينة حلوة ، رقيقة ، جذابة ، يكاد يفوح منها العطر كلما أقبلت. إذا رآها أحد شعر أنها في جمال ورقة الياسمين، و كأن رقتها تدعو من يراها لا لأن يقطفها بل لأن يحافظ عليها ويحميها ويرعاها كي لا تذبل، فهي في رقة و ضعف ، الورود تملأ المكان جمال و عطر و بهجة، ولكن شيئاً ما يدفعك إلى الخوف من فقدانها ، كما تخاف على الورود أن تذبل و تفقد عطرها في وقت قصير.

في الواقع فإن ياسمينا امرأة في حوالي الثامنة و العشرين و لكن من يراها بل و من يتكلم معها يكاد يجزم أنها في العشرين لم تتخطاها ، رقة و وداعة و براءة الفتاة الصغيرة. هي فعلاً في لون الياسمين و شعرها الذهبي و عيناها الخضروتان يفكران من يراها بالياسمين النعسان على الأشجار الخضراء. ثم يأتي صوتها رقيقاً هامساً ليضفي على جمالها جمال و على رقتها رقة.

ياسمينا متزوجة منذ أكثر من خمس سنوات و لم يفقدها الزواج براءتها و وداعتها ، لم تشغلها المسؤولية في الواقع هي لا تحمل مسؤولية بمعنى الكلمة. إن زوجها يهيم بها و لا يسمح لأحد أو شئ أن يعكر صفوها أو يزعجها، فهو يكبرها بحوالي عشر سنوات، مما يجعله كثيراً ما ينظر إليها كطفلة وديعة تستحق الرعاية و الحماية. هو دائماً ما يحنو عليها و لا يحرمها من أي شئ. هي زوجته الثانية، تزوجها بعد أن طلق زوجته الأولى و أم ابنه الوحيد. و هما نقيضتان تماماً. فقد كانت أم ابنه جميلة و لكنها ذات شخصية قوية بل و أحياناً متسلطة، مما جعل الحياة معها مستحيلة، و لذا فقد وقع في غرام ياسمينا ما أن رآها ، فهي كل ما حُرْم منه و كل ما تمناه. هو يرعاها كالطفل، و يرويها بحنانة كما تروي الزهرة، و يحيطها بالإهتمام كالطائر الصغير. و كم كانت صدمته شديدة عندما مرضت يوماً. فعرضها على جميع الأطباء و لم يبخل عليها بأي شئ ممكن. و توصل الأطباء بعد التحاليل و الإشاعات إلى أن قلب ياسمينا يعاني ضعفاً في العضلة. صحيح أن الحالة ليست خطيرة على الإطلاق لكنها تحتاج فقط إلى عدم بذل مجهود عنيف و إلى المتابعة كل فترة مع أخذ الدواء في ميعاده و لتستمر الحياة و ليس هناك خوف حقيقي.

لكن "محب" يخاف أن يفقد هذه الوردة الجميلة ، هذه الياسمينة الوديدة التي تعطر حياته. ولذا زاد من إهتمامه و حبه و حنانه.

ياسمينا تعيش في فيلا صغيرة وجميلة في التجمع الخامس، و لديها من الخدم و الطباخين و السائقين ما يغنيها عن أي شئ. و "محب" لا يسمح لأحد أن يُحملها أي أعباء، فهي بالنسبة له طائر رقيق هزيل يجب أن يرعاها و يحافظ عليه في قفصه الذهبي اللامع الواسع.

و اليوم هو عيد زواج ياسمينا و محب، و قد أراد محب أن يقيم حفلاً كبيراً في أحد الكافيهات الأنيقة، لكن ياسمينا أصرت أن يكون الحفل في منزلها، فهو جميل و أنيق، ثم إنها تريد جواً حميماً لأنها تنوي أن تفتاحه في موضوع هام بالنسبة لها بعد الحفل، و ليس هناك أجمل من أجواء البيت. و قد كان لها ما أرادت كالمعتاد. فقد بدأ محب في التجهيز للحفل.

في الصباح إستيقظت ياسمينا كالمعتاد في العاشرة و نظرت إلى الفستان الجديد الأنيق المعلق على الشماعة خارج الدولاب. لقد إنتقته من وسط مجموعة كبيرة في إحدي أشهر المحلات. و كالمعتاد تأكدت من إنه يعجب محب . مدت يدها إلى الجرس ، و إستدعت الخادمة الأنيقة التي تقوم على شئونها الشخصية. طلبت إفطارها المعتاد، و قامت إلى الحمام لتغسل وجهها و تبدأ يومها. أسرعت الخادمة تفتح النافذة ليملاً الهواء الحجرة و معه رائحة الياسمين الذي يملأ الحديقة تحت النافذة تماماً. ثم أغلقتها و أسدلت الستائر قبل أن تعود ياسمينا، فهي لا تحب أن يملأ ضوء الشمس الشديد الحجرة الواسعة.

تناولت ياسمينا إفطارها و قررت أن تنزل بنفسها لتتابع ترتيبات الحفل لحين عودة محب من مكتبه. فقد كانت مصرّة هذه المرة على أن تتحمل المسؤولية و لو قليلاً ، أن تبذل مجهوداً واضحاً، و أن تستمتع بذلك. فهي لا تشعر أبداً بالمرض أو التعب، و تريد أن تتخطي ذلك. بل و تساعد محب الذي يعمل دائماً على إسعادها.

ما أن نزلت السلام حتي تأكدت أنها لن تستطيع أن تدلو بدلوها في زينة المكان. كان محب قد كلف شركة متخصصة أرسلت مهندسة ديكور تقوم بتزيين المكان و تملأه بالورود و الياسمين و البالونات. و قد بدأت العمل بالفعل.

- صباح الخير.

بادرت ياسمينا.

- صباح الخير يا فنديم.

ردت المهندسة.

- إن شاء الله كل شئ سيكون جاهز في خلال ساعتين.

-إن شاء الله.

- إيه رأي حضرتك؟

- كله تمام.

همست باسمينا، ثم توجهت إلى الحديقة لتباشر ترتيب المناضد فوجدت العمال قد رصوا المناضد و بدأوا في وضع المفارش و الزهور. و بدأت رائحة الياسمين تملأ أنفها. فقد حرص محب على أن يضع الياسمين الذي تحبه على كل المناضد.

بصراحة ، كل شئ على أتم وجه، محب أدار كل شئ على أحسن ما يكون كالمعتاد. و قد أخذ رأيها في كل شئ و حتي في قائمة الطعام. لكنه رتب و نظم و أعطي أوامره حتي لا يزعجها أي شئ. لذا وجدت إنه ليس لها دور، فقررت الرجوع إلى حجرتها لتغوص في الكتاب الذي تقرأه حتي يمر الوقت، و يجئ ميعاد مصفف الشعر الذي حرص محب أن يأتي إليها في المنزل، حتي لا تضطر إلى الذهاب إليه.

و في حجرتها ، و في ضوء الأباجورة ، بدأت باسمينا تقرأ قصة إحسان عبد القدوس "أنا حرة". إنها تعشق هذا الكاتب، و هي تقرأ الكتاب لثاني مرة.

و في المساء كانت باسمينا في أتم إستعداد للحفل. وقد أرادت فستان دانتييل أسود عليه شغل يدوي رقيق بحبات ماسية زاد تلالها من إشراقة وجه ياسمينا. و أبرز الفستان المكسم جمال و رشاقة قوامها، و قد رفع المصفف شعرها في أناقة ليسمح لعقد الماس الذي يحيط برقبتها بأن يبرز رشاقة عنقها.

- إيه الجمال ده يا حبيبتي.

مش معقول قال محب بإعجاب صادق.

- بجد!!

- طبعاً. أنا مش مصدق عيني. إنتي هتكوني عروسة الحفلة.

- ميرسي يا حبيبي.

- والله هيجسدوك.

- المهم ما يجسدوناش إحنا الإثنين.

قالت ضاحكة.

و نجح محب في إخراج مشهد نزولهما إلى الحديقة في صورة درامية مبهرة. و أضيئت الأنوار و عزفت موسيقي الذي جي ، و أبهرت ياسمينا الجميع بجمالها الأخاذ و رقتها المتناهية.

و بدأ الحفل و الجميع يتسامرون و يضحكون في سعادة. و كل شئ يتم بمنتهي الدقة كما رسم محب. و ياسمينا تشعر بأنها كالمملكة المتوجة. يجب أن تعترف أن زوجها دائماً ما يمنحها هذا الشعور.

و لمحت ياسمينا عمر ابن خالها ينظر إليها بأسي لا يستطيع إخفائه عنها. فهي تعلم إنه مازال يحبها و إنه لا يستطيع أن ينسي أنها فضلت محب عليه و تزوجته. توجهت ياسمينا إليه باهتمام حقيقي.

- إزيك.

- أهلا. كل سنة و إنتي طيبة.

- و إنت طيب يا عمر.

همست برقة.

- بجد بحس بسعادة لما أشوفك. كنت خايفة إنك ماتجيش.

- و أنا أقدر.

ضحك بتحفظ.

- وصلتني دعوة محب.

- أنا مبسوطة إني شوفتك.

- و أنا كمان. إيه رأيك نرقص على الأغنية دي.

- طبعاً، طبعاً.

قالت ببساطه تلقائية.

و ذهباً سوياً إلى المكان المخصص للرقص. و بدأ يرقصا على انغام الأغنية القديمة You "Fill Up My Senses".

و إستمتعت ياسمينا بالرقص مع ابن خالها و رفيق صباها. و بعد انتهاء الرقصة شغل الذي جي أغنية "Sway"

و بدأت ياسمينا تستعد لإستعادة روح و ذكريات الصبا و هي ترقص مع ابن خالها.  
- حبييتي.

قاطعهما محب.

- ممكن دقيقة واحدة.

إلتفتت ياسمينا قبل أن تبدأ الرقصة.

- نعم يا حبيبي.

- معلىش يا عمر هاخدها منك، "عمتك" يا سيدي وصلت و عايزه تسلم عليها.

- أوكي

قال عمر متراجعا بإحترام.

- يعني لازم أسلم عليها دلوقتي.

تساءلت هامسة.

- لا يا حبييتي.

صارحها.

- بس أنا شايف إن رقصه واحدة كفاية. لازم ترتاحي شوية.

- أنا مش تعبانة.

إعترضت برقة.

- معلش علشان خاطري يا ياسمينا كفاية دلوقتي. ارتاحي و بعدين كملي الذي جي موجود .

قال بحنيته المعهودة.

فلم تملك ياسمينا إلا أن توافق. و ذهبت لتسلم على عمتها و تجالسها قليلاً.

و بعد أن قطعنا التورته و صفق لهما الجميع افتتحا البوفية و بدأ الجميع في الإنشغال بالأطباق و الأصناف. و توجه محب إليها.

- ياسمينا حبيبي. أنا طلبتلك تورته النوتيللا اللي بتحبها بس عشان خاطري خليها للصبح. بلاش بالليل علشان ثقيلة. أنا كمان مش هاكل منها.

- والله إنت بتبالغ.

ضحكت برفق.

- و الله أنا كويسة. و بعدين ممكن إنت تاكل اللي إنت عايزه. أنا مش طفلة و الله.

- أنا مقدرش إستمتع بحاجة من غيرك إنتي عارفة. عموماً يلا نشوف الضيوف أحسن شكلنا بايخ كده.

- حاضر.

اومأت ياسمينا.

و إنتهي الحفل بنجاح و شعرت ياسمينا بالإمتنان و السعادة. و قررت ألا تحدث زوجها فيما كانت تريده إلا في الصباح.

و في اليوم التالي جلسا معا على مائدة الإفطار التي أعدتها الخادمة. و بدأ محب في قراءة الجرائد كعادته كل يوم جمعة.

- فيه موضوع عايزة أكلمك فيه.

بادرت ياسميناً.

- خير يا حبيبتى.

سأل رافعاً رأسه عما يقرأ.

- بصراحه أنا إستشرت الدكتور ثاني و قال إني ممكن أبقى حامل و أولد عادى. من فضلك بطل خوف.

بدا الإنزعاج على وجهه.

- إحنا إتكلمنا في الموضوع ده قبل كده.

- أنا عارفة.

- أنا خايف عليكي.

- بس أنا عايزة أكون أم. ربنا يخليك أحمد بس أنا كمان بجد مش قادرة أكثر من كده.

- يبقى نساfer بره و ناخذ رأي الدكاترة و تولدي كمان بره.

- إنت قلت لي كده قبل كده و كل مرة تأجل.

- خلاص. و الله أوعدك المرة دي بجد. بس أخلص الأشغال اللي ورايا الشهرين اللي جاين و أرتب للسفر.

- بجد يا محب.

- و الله يا حبيبتى.

- ربنا يخليك ليا.

همست برقة.

- أنا هاروح أصلي . تحبى تعملي إيه النهاردة.

- كان نفسي أكلم ماما و داليا و جوزها و نتغذي كلنا مع بعض.

- أوي

رد بسرعة.

- بس من فضلك خليها على العشا. إحنا لازم نرتاح بعد حفلة إمبراح.

- حاضر. هكلمهم.

ردت صاغرة. فهي تعلم إنه لا جدال معه مادام قد قرر أن الراحة لازمة لها حتي و إن لم يقلها صراحة.

- إختاري المكان اللي إنتي عوزاه.

و حول مائدة العشاء تجمع الكل في أحد أرقى و أفخم المطاعم في فندق "الفور سيزونز". و لحسن الحظ حضرت أمها و أختها داليا و زوجها عاصم و أيضاً أخيها علي و ابن خالها عمر صديق علي الصدوق. و مر الوقت في سعادة و مرح و الجميع يتجادبون أطراف الحديث. و يستمتعون بالأصناف الشهية على انغام الموسيقى الهادئة.

- بصراحة الأكل فعلاً حلو.

علقت داليا.

- و الصحبه أحلي.

رد عمر.

- كان نفسي فعلاً أتجمع معاكم في قاعدة كده.

- نورتنا و الله.

قال محب.

- و الله أنا باستمتع فعلاً معاكم.

قال عمر مجاملاً.

- بس بصراحة حفلة إمبراح كانت رائعة.

بادر علي.

- الحمد لله.

اومات ياسمينا.

- الفضل كله لياسمينا. هي اللي رتبت كل حاجة و كانت منورة الحفلة.

إبتسم محب .

أطرقت ياسمينا في خجل و قد تقبلت المجاملة و محاولة نسب الفضل لها بروح جميلة.

- يا سلام يا ست ياسمينا.

ضحك علي.

- طب يا جماعة.

قاطعهم عمر بمرح و قد هب واقفاً.

- بس للأسف أنا مضطر أمشي علشان ألحق جزء من إجتماع الروتارى.

- ثاني.

قالت الأم.

- طبعا يا ماما.

رد علي.

- و الله يا جماعة. هو فعلاً شئ لطيف و أنا مستمتع به. علاقات و صداقات و حفلات و عمل تطوعي مفيد. مش عارف من غيره كنت هعمل إيه بعد الشغل.

- اه و الله.

أطرقت ياسمينا.

- ده أنا بأزهق خالص خصوصاً و أنا مش باشتغل.

- خلاص تعالي معانا. إدخلي النادي بتاعي أو أي نادي تاني. حتقضي وقت ممتع و تعملي حاجة مفيدة في نفس الوقت.

- بجد.

صاحت بعفوية.

- طبعا. يالا هرتب علشان تحضري إجتماع الإسبوع القادم. هتلاقي زميلات كانوا معاكي في المدرسة.

- على طول كده.

تساءل محب.

- حلاوتها في حموتها.

قال علي.

و في البيت فتح محب الموضوع بحرص.

- إنتي فعلاً ناوية تروحي الروتاري.

- نفسي.

قالت بإستعطاف.

- و إنتي هتقدري على كده.

- من فضلك. سييني أجرب مارتحتش مش هكمل.

- أنا و الله علشانك.

- هجرب بس.

ألحت هي.

- اوكي. بس واحدة واحدة.

- اتفقنا.

صاحت بفرحة و أمطرته بالقبلات.

ضحك محب سعيداً لسعادتها و ناما في رضا و سعادة تامة.

\*\*\*\*\*

و في سعادة جهزت ياسمينا للإجتماع الأول و ذهبت تحضره و هي متفائلة. و قد قررت أن يكون الإجتماع بداية جديدة لحياة إجتماعية طالما هفت نفسها إليها.

و لسعادتها وجدت هناك إثنين من زميلات الدراسة. "ميريت" زميلتها في الفصل. و هي حالياً مهندسة ديكور ناجحة و لم تتزوج بعد. و نرفين و هي مطلقة ثرية من زملاء المدرسة أيضاً، و إن كانت تكبرها بعامين. و تعرفت ياسمينا على باقي المجموعة نساء و رجال. فمنهم المتزوج و منهم المطلق و منهم الأعزب مثل عمر. اما السيدات فان معظمهن غيرمتزوجات فيما عدا ثلاثة فقط.

ولاحظت ياسمينا أن هناك جو من المرح و المزاح يسري بين أعضاء هذا النادي، بالطبع لم تلاحظ ما قد تموج به الأجواء من خلافات أو مشاحنات يخفيها هذا الجو الحميم. على أي حال فانها شعرت بالإرتياح و السعادة. و لأول مره منذ زمن تشعر أنها نشيطة و مقبلة على الحياة. إن أكثرما لاحظته و أسعدها هو جو الحرية الذي يتمتع به الجميع. فهناك اقتراحات للخروج و التنزه و أخري للحفلات و ثالثة للرحلات. و لا يبدو على أحد أي شعور بالقلق أو بالتقيد حتي أن ياسمينا حسدتهم على هذا الإنطلاق الذي تفتقده كثيراً.

و وجدت ياسمينا دنيا أخري ، لا تعرف عنها شئ، دنيا مليئة بالحركة و النشاط و البهجة و العلاقات، دنيا جديدة عليها. أقل ما يقال أنها ملأت أيامها بالأنشطة و الحيوية. شعرت أنها يمكن تكون مثل أي فتاة في سنهها، كثيرة الحركة و الكلام. و لم تبال ياسمينا بأي مشاكل أو خلافات اوعلاقات يشوبها الشد و الجذب. إن أجمل شئ بالنسبة لها هو أنها بدأت تحقق ذاتها، فقد اشتركت في تنظيم احدي المشروعات الخيرية، و هي قافلة طبية كبيرة مقرر أن تجوب قري و مدن الصعيد الشديدة الفقر. و إنخرطت ياسمينا فيه و ساعدها على ذلك إنشغال زوجها الشديد بمشاريع جديدة بدأها.

و قبل ميعاد القافلة بإسبوع واحد بدأت فعلاً تشعر بالتعب. لكنه تعب لذيذ جعلها تشعر بقيمتها و بأن لها دور فعال و هام، فبدونها ستضطرب كثير من الأمور، و رجعت ياسمينا متأخرة إلى منزلها، و هي معتمدة أن محب مشغول عنها.

- إتأخرتي كده ليه؟

سأل محب.

- تليفونك خارج الخدمة.

- فصل. أنا آسفه. أصل أنا من الصبح شغالة.

- واضح عليك الإجهاد.

عاتبها بلين.

- يعني.

- هو أنا علشان إنشغلت عنك إسبوعين تهملني في صحتك كده.

- ما فيش إهمال و لاجاجة. أنا كويسة.

- و الله أنا خايف عليكى بجد.

- ماتخافش.

- طب إحكي لي بالضبط عن المشروع. هتعملي إيه.

- بصراحة أنا دوري الحمد لله مهم جداً. و لازم أكون متواجدة لإن أنا من المنظمين و مسؤولة عن تنفيذ الجدول بدقة.

- يعني هتسافري الصعيد؟

تساءل محب.

- بعد إذنك.

- آه.

أطرق واجماً.

- و كل حاجة جاهزة.

- كله تمام. بس بنحاول نلاقي سبونسر أو متبرع جديد لأن عندنا نقص حوالي 10 آلاف جنيه. إن شاء الله هنحاول نجبهم قريب.

- طيب يا حبيبتى.

قال بحنان كمن يكلم طفلة صغيرة.

- ممكن بقى ترتاحي شوية. هقول لفاطيمة تجهز عشاء خفيف علشان ننام على طول.

- زي ما تحب.

همست ياسميناً و هي تستغرب عدم مجادلته لها.

و في اليوم التالي لزمت ياسميناً المنزل لترتاح و تسترد قوتها. و في نفس الوقت وجدت لها فرصة لتجاري محب فيما يريد كي يطمئن عليها و لا يعترض على السفر في آخر لحظة. على كل حال هي تعلم إنه يحبها و يخاف عليها و هذا هو ما يجعله يقلق عليها، و لأول مرة تشعر ياسميناً أن الراحة لها معنى. فهي راحة بعد تعب لذيذ و أيضاً استعداداً للرحلة الشاقة التي سوف تكلل هذا التعب، لذا امضت اليوم في الإسترخاء و قررت زيارة والدتها في اليوم التالي كي تراها قبل أن تبدأ نشاطها مرة أخرى. إنها لأول مرة تفهم شعور محب و هو راجع متعب من العمل . تشعر بلذة إستمتاعه بالراحة التي كانت شئ عادي بالنسبة لها. لذا بدأت تستعد لعودته من العمل لتستقبله و هي في أحسن صورها. و لم يشغل بالها سوي التفكير في الإجتماع القادم الذي أعلنت رئيسة النادي على الواتس أب إنه سيكون بعد يومين و أن هناك مفاجأة ساره.

جهزت ياسميناً مائدة العشاء و أشرفت عليها بنفسها لتوقد الشموع الخافتة و تشعل موسيقي هادئة كي تخلق جو من الرومانسية يعبر عن شعورها و إهتمامها بمحب الذي ضغط على نفسه و على قلقه الدائم عليها و تركها تسعد بما تفعل. و بالفعل امضيا امسية مبهجه و سعيدة.

\*\*\*\*\*

و في يوم الإجتماع وصلت ياسميننا في الميعاد و امضت الوقت مع زملائها و زميلاتنا في التسامر و في محاولات التكهن بالمفاجأة التي أعلنت عنها رئيسة النادي التي اعتذرت لهم بشدة عن تأخرها.

و بدأ الإجتماع و شكرت الرئيسة كل الأعضاء و أثنت على مجهوداتهم، و تمت النجاح للقافلة، و أعلنت عن موعدها النهائي و عن مسئوليات الجميع فرد فرد. و لما جاء دور ياسميننا أعلنت السیده بسعادة و إمتنان.

- لازم أخص بالشكر السیده ياسميننا المنجي على مجهودها الجبار رغم أن ده ممكن يسبب لها مشاكل صحية. هي بجد لم تبخل بأي شئ على الإطلاق و علشان كده أنا و الله من قلبي بأقبل اعتذارها عن السفر مع القافلة لأسباب صحية. و بأقولها أن ماكنش فيه داعي تشعر بأي إحراج و كفاية تبرعها بمبلغ 15 الف جنية مش بس 10 آلاف. حلت بهم المشكلة. و كفاية إنها ماكنتش عايضة تعلن إنها المتبرعة بجد

- مش عارفة أقولك إيه. Thank you very much

و صقفت الرئيسة و صفق الجميع. و تراحموا على ياسميننا يشكرونها و يهنئوها. و لم تدرك هي ما يحدث، و لم تفهم شيئاً، من الذي اعتذر؟ و من الذي تبرع؟ و ما كل هذا و لما يتكالب الجميع عليها و يلتفتون حولها؟ كانت الصدمة شديدة عليها عندما بدأت تعي ما يحدث، شعرت بقلبها يدق سريعاً و بالدنيا تدور من حولها و الضوضاء تحيط بها. ثم بدأ كل ذلك يخفت و كأن كل شئ يحدث في عالم آخر. و لم تشعر بشئ بعد ذلك.

أفاقت ياسميننا على هممه تملأ المكان حولها، و رويداً تحولت الهمهمة إلى أصوات عالية تنم عن قلق و إرتباك. فلم يستطع أحد إستيعاب ما حدث. فالكل قلق عليها و يريد المساعدة، و عندما إستعادت كامل و عيها بعد الصدمة التي تلقتها لم تجد في نفسها رغبه للكلام أو التوضيح. كان كل ما ترغب فيه هو أن يتركها الجميع وحدها و أن تعود إلى منزلها في هدوء و بدأت تسمع تعليقات مثل:

- فعلاً تعبانة.

- حرام المجهود ده كله.

- لازم تريح فعلاً.

- صحتها لا تحتتمل.

- أرجوكم. عايزة أروح البيت.

كان كل ما تمكنت ياسمينا من التفوه به. و فعلاً ساعدتها صديقاتها على إستدعاء السائق، و توجهت إلى منزلها في صمت و حزن شديدين.

لقد أدركت ما حدث. هي تعلم أن محب قد تدخل بطريقة أو بأخري و إنه وصل إلى رئيسة النادي و إنه تبرع بإسمها و اعتذر نيابة عنها تحت ستار أنها محرجة. و بقدر شعورها بالغضب كانت أيضاً تشعر بالإرتباك. هي تعلم جيداً أن ما فعله محب هو بدافع الحب و الخوف عليها. و قد كان تبرعه في منتهي الكرم و الذكاء أيضاً. لكنها لا تستطيع قبول ذلك. لقد بدأ شعورها بالإختناق يزيد. إنها لا تدري ماذا تفعل و ما هو التصرف الصحيح. لكن الشئ الوحيد المتأكدة منه هو أنها تشعر بالغضب من هذا التدخل السافر و التجاهل لرغبتها و كيانها حتي و إن كان هذا تحت بند الحب و الإهتمام. و لذا فإنها عندما وصلت إلى المنزل لم تجد في نفسها رغبة في أي شئ. لا تريد أن تأكل أو تتكلم أو تناقش أو حتي تفكر و الأهم أنها لا تريد أن تري محب في تلك اللحظة. و لذا قررت أن تأخذ حماماً ساخناً و تطفئ النور و تستلقي في السرير و تنام حتي الصباح بدون أي إزعاج.

و عندما إستيقظت أدركت أن محب كعادته كان من الحساسة إنه تركها تنام بدون أن يزعجها. بل إنه نام في الحجرة المجاورة حتي لا يسبب لها أي نوع من أنواع القلق. و زاد ذلك من شعورها بالإنزعاج و الإرتباك، فهي لا تدري ماذا يجب أن تفعل.

و كما توقعت إتصل محب ليطمئن عليها. و تحت إلحاح رنات الموبايل إضطرت أن ترد عليه لتخبره أنها متعبة و تريد أن ترتاح وحدها. و أمضت اليوم بالفعل في غرفتها، لم تغادرها، و لم ترغب في عمل أي شئ ، و لا حتي الرد على الأصدقاء الذين يريدون الإطمئنان عليها .

و لم يخيب محب ظنها ، فرجع من المكتب قبل مياعاده بحوالي ساعة. و طرق باب الغرفة برقة قبل أن يفتحها بلهفة يشوبها قلق.

- إزيك دلوقتي؟

- الحمد لله.

- مالك فيه إيه؟

تساءل محب.

و كأن السؤال فجر بركان الغضب الكامن بداخلها. فلم تشعر بنفسها إلا و هي تصيح بغضب.

- عمري ما شعرت بإهانته زي اللي شعرت بيها إمبراح.

- إهانته!!

رد بإستعجاب.

- طبعا إهانة.

صاحت.

- يعني إيه تعتذر بالنيابة عني. يعني تتصل برئيسة النادي و كأنك ولي أمري و كإني تلميذة في مدرسة. إزاي تعمل كده؟ مين عطالك الحق ده.

- حبي لك هو الدافع لكل ده. أنا خايف عليكي.

- خايف. خايف. أنا خلاص زهقت من النغمة دي. أنا مش قادرة أستحمل أكثر من كده.

نظر إليها غير مصدق.

- يعني إيه؟

- يعني كفاية كده. أنا مش طفلة و إذا كنت مريضة فأنا مسؤولة عن نفسي و إذا كنت مش قادر تستحمل بلاش.

- إزاي تقولي كده؟ هو ده الرد على حبي لك؟

- لا. بس كده فعلاً مش معقول.

لم يستطع محب الرد و بدا عليه الإرتباك و الندم. و تفرقت عيناه بالدموع.

- أنا آسف. غصب عني. أنا فعلاً تسرعت. بس كنت فاكِر إن التبرع هيكون مفاجأة لك و هيرفع عنك أي حرج. يظهر إني إتسرعت. أنا آسف.

شعرت ياسمينا بالإشفاق عليه. فهي تعلم حسن نيته فعلاً.

- طب أرجوك سييني لوحدي دلوقتي، بلاش نتكلم أكثر من كده أنا فعلاً تعبانة.

- حاضر. حاضر. بس أرجوك ما تزعليش.

قبل رأسها متلعثماً و خرج من الغرفة في إرتباك شديد.

في اليومين التاليين تحاشي كلاً منهما الآخر. لم يتكلما سوى في أضيق نطاق. تملك الإثنين شعور بالذنب، هو يشعر إنه يضيق عليها الخناق أزيد من اللازم، و هي تشعر أنها قست عليه حين لم تتحمل ضعفه تجاهها. لكنها في نفس الوقت لا تتمالك نفسها من الشعور بالضيق و الإختناق، و زاد هذا الشعور عندما بدأت تتابع أخبار القافلة الطبية من الفيس بوك و الواتس آب. كانت تشعر بالإحباط لأنها ليست جزءاً من هذه القافلة التي طالما تعبت في التجهيز لها و حلمت أن تكون جزء منها كي تشعر بكيانها و حريتها و بأن لها دور ذا قيمة. لكن حالتها المعنوية تحسنت قليلاً عندما انتهت القافلة و تلقت هي دعوة رسمية من رئيسة النادي لتحضر الإحتفال بنجاح القافلة.

و في الحفل شعرت ياسمينا بأهمية دورها مرة أخرى فقد كان الجميع يهنئونها على نجاح القافلة التي لم تكن لتنجح بدون مجهودها. و كان يجب أن تعترف أن تبرع محب كان له دور كبير في إبراز دورها. لكنها لم تعرف هل كان ذلك يسعدها أم العكس. و في نهاية الحفل أعلنت سكرتيرة النادي إنه تقرر تنظيم رحلة إستجمام لمدة 4 أيام في الإسكندرية في فندق هيلتون كينج رانش للإستمتاع بجو كينج مريوط ، بالطبيعة و الهدوء الذي يتميز بهما المكان كله، و تم فتح باب الحجز للرحلة، و لفت نظر ياسمينا أن جميع المشتركين في الرحلة هذه المرة من النساء، فالبرنامج يتضمن الإستمتاع بخدمات ال spa و هي تجميلية في المقام الأول ، فهناك من يردن الإستمتاع بالحمام المغربي، و هناك من يردن الإهتمام ببشرتهن، ثم أن هناك عرض أزياء مهم سوف تتكالب عليه نساء المجتمع. لفت نظرها أيضاً سرعة النساء في إتخاذ قرار الإشتراك في الرحلة دون تردد و دون الحاجة للرجوع لأحد. هن يسمتعن بقدر كافي من الحرية. و قررت ياسمينا أن تشاركهن نفس الشعور و سجلت اسمها كإحدى المشتركات في الرحلة.

و في المساء إنتظرت محب. و كانا قد رجعا لطبيعتهما. تناولوا العشاء سوياً و صعدا إلى حجرة نومهما معا و قررا مشاهدة إحدى الأفلام القديمة. و لاحظ محب عليها إرتباكاً لم يفهمه.

- مالك؟

- تساءل.

- أبداً. ما فيش.

- فيه حاجة تعباك.

- لا و الله.

- إبتسمت.

- طب حد زعلك.

- لأ خالص.

- أمال إيه؟ شكلك عاوزة تقولي حاجة؟

- بصراحة. أنا إشرتكت في رحلة 4 أيام إلى الإسكندرية مع النادي. كل الستات إشرتكوا فيها.

- طب و ما له.

- فاجئها الرد فلم تتمالك نفسها من الإعلان عن سعادتها.

- بجد!! يعني مش زعلان.

- قامت إليه كالفراشة تحتضنه و هي تشعر بالسعادة.

- أزعل ليه يا حبيبتى؟

- قال مداعباً برقة و قد سعد بسعادتها.

- أنا مش عايز غير إنك تكوني مبسوفة. بس أرجوك خلي بالك من نفسك قوي. علشان خاطري.

كان حقاً سعيداً لسعادتها و كان يشعر أيضاً أن في موقفه هذا إثبات إنه يحاول التغير. ثم هو بمثابة إعتذار عن حماقته في التصرف بما يخص القافلة.

و فعلاً جاء يوم الرحلة و ياسمينا في قمة السعادة. لم يعكر صفوها أي شئ. إستعدت و أعدت كل ما تريد. و لم يضايقها محب في شئ سوي في تعليقاته المعهودة.

- خلي بالك من نفسك.

- خدي الفيتامينات.

- ما فيش داعي لمجهود في السباحة.

- أنصحك بالإستلقاء و التدليك و الحمام المغربي و الجاكوزي.

- حذاري من الساونا.

و كانت كل تعليقاته بالنسبة لها عادية. تقبلتها بهدوء و رضا بل و أحياناً بروح الدعابة. كل ما في الأمر إنه أعادها عليها عدة مرات حيث أصر أن يوصلها للأتوبيس بنفسه. و في الطريق كان يكرر نصائحه. و ياسمينا لا تسمع فهي تتطلع إلى الرحلة القادمة و تحلم بها. و عندما وصلوا و قام بوضع حقائبها بنفسه لتكون في الأول ، التفتت إليه و هي تودعه ضاحكة و قالت

- إوعي تشيلي الشنط بنفسك إوعي تنزليها من ال "Bus"

و ما أن ركبت الأتوبيس و تحرك بهم حتي شعرت ياسمينا أنها كالفراشة تطير سعيدة ، تحلق في كل مكان. شعرت أنها خفيفة و سعيدة و أن فيها طاقة لم تكن هي نفسها تعلم بوجودها، طاقة على الحياة ، على الإنطلاق ، على الإستمتاع ،، إنها الحرية.

هي لا تريد أن يشاركها أحد أي شئ. هي تريد أن تفعل ما تريد وقتما تريد و في الفندق أخذت غرفة سنجل كيفما تريد. و ستعد برنامجها اليومي بنفسها فقط. سوف تنزل حمام السباحة و تستمتع بالجاكوزي و سوف تعمل حمام مغربي و تقشير لوجهها. و الأهم من ذلك الساونا.

و قبل أن تبدأ في تنفيذ برنامجها طلبت محب لتطمئنه عليها.

- أنا وصلت.

- حمد الله على السلامة. كله تمام.

- الحمد لله بس المشكلة إني نسيت ال Charger بتاعي.

- يعني إيه!!

- تساءل منزعجاً.

- هنعمل إيه؟

- ولا يهكم. أنا بس هقفل الموبايل لغاية بالليل و هحاول أدور على شاحن.

- يعني مش هنتكلم لغاية بالليل.

- عموماً كده كده هروح الجاكوزي و بعدين انام. يلا باي باي علشان ألحق الميعاد.

- باي باي.

أغلقت الخط و أغلقت الموبايل تماماً و كان أول شئ عملته هو الساونا. إستمتعت ياسميناً بكل شئ. لكن أكثر ما إستمتعت به هو الساونا. في الحقيقة هي لم تكن تريد أن تفوت أي فرصة لتجربة كل شئ و الإستمتاع به. كانت تنهل من كل شئ حولها. تستيقظ باكراً لتستمتع بالإفطار مع زميلاتها ثم تستمع إلى الموسيقى امام حمام السباحة. و لا تنسى الإستمتاع بمياة الحمام الدافئ. بعد ذلك تستلقي في الشمس و تنام قليلاً ، و في الظهر تأكل البيتزا و تشرب المياة الغازية بشراهه. و هي لا تنسى أن تأخذ نصيبها من الإستمتاع بالتدليك و الجاكوزي و الحمام المغربي المريح. و في المساء تستمتع هي و صديقاتها بحفلات رقص الزومبا و الموسيقى الصاخبة. كانت تشعر أنها في الجنة. و أجمل شئ هو أنها تفعل ما تريد وقتما تريد. و كل شئ جميل و ممتع و برئ في نفس الوقت .

و في الليلة الأخيرة كانت تشعر ببعض من الضيق لأن الرحلة اوشكت على الإنتهاء . على كل حال هي تنوي الإشتراك في الرحلات المماثلة فقد ذاقت حلاوتها، و هي تنوي إستعادة ذلك وقتما تتمكن.

كانت الليلة الأخيرة هي ميعاد حفل كاريوكي صاحب ينوي الجميع الإستمتاع به. وقفت ياسمينا امام المرأة تستعد للحفل في إهتمام. و رن التليفون الداخلي للغرفة ففهمت أن صديقتها هيام تستعجلها.

- آلو. أيوه.

- آلو.

جاءها صوت رجل واضح و صريح.

- مين.

- أنا محب يا ياسمينا. مش عارفة صوتي و لا إيه.

- يعني إيه؟ هو مش ده التليفون الداخلي.

تساءلت.

- أيوه أنا هنا.

- هنا فين.

- في الفندق. تحت في اللوي.

- .....

- أصل جالي إجتماع في الإسكندرية.

- .....

- أنا طالع. افتحيلي.

شعرت ياسمينا بالصدمة و ليس الإندهاش. ما هذا؟ ما الذي أتي به؟ ألن يكف عن مطاردتها؟ هل سيصر على حرمانها من أي مساحة من الخصوصية تريد الإستمتاع بها؟ اليس هناك نهاية لذلك؟ ألن يتغير ابدأً؟ بدأ الغضب يحل محل الصدمة و الإندهاش. جلست على الفراش و حاولت إستنشاق بعض الهواء لتهديء غضبها. و قررت

ألا تفعل أي شئ يحرمها من الإستمتاع بالحفل الذي كانت تستعد له. و لتؤجل أي شئ إلى الغد بعد السفر. فقد قررت وضع حد واضح لكل ما يزعجها.

عندما دق باب الغرفة . فتحتة مبتسمة ببرود و لم تسأل محب عن أي شئ. لكنه كان يشعر بالإرتباك فبدأ يبرر.

- كان عندي إجتماع الصباح في الإسكندرية فقلت أحضره و أبات معاكي و نساfer الصباح سوا.

- آه طبعاً.

قالت ببرود.

- أصل تليفونك مقفول معظم الوقت فلم أتمكن من الإتصال بك.

- أيوه أيوه.

ردت.

- على كل حال ممكن ترتاح و تغير هدومك و تستحم و لو عايز تحضر معايا الحفل تعالى.أنا مضطرة أروح علشان كلهم منتظرين.

بدا عليه الإستغراب لكن الشعور بالذنب جعله يطرق في وجوم.

- عايز أي حاجة قبل ما امشي.

سألت.

- لا متشكر. غالباً هأنتظرك هنا. أنا تعبان من السفر.

و عندما أغلقت ياسميننا باب الغرفة نست أو تناست كل همومها و توجهت إلى حيث تنتظرها صديقتها إلهام ليلحقن بالأخريات . و بدأ الحفل.

تحاشت ياسميننا أي كلام أو جدال في الصباح. و إستأذنت من زميلاتها أنها ستسافر مع زوجها بدلاً من الأتوبيس . و في الطريق إستسلمت للنوم على رتم السيارة و الطريق.

فتحت عيناها بعد الماستر ووجدت نفسها تقترب من القاهرة و قد حل عليها تعب الرحلة الذي منعها حتي من إظهار غضبها.

- أخيراً.

صاح محب.

- معلش اصلي تعبانه شوية.

- من المجهود.

علق محب.

- يعني. عموماً أنا فايقة دلوقت.

- يعني إنتي مش تعبانة.

تساءل بقلق واحد.

- و الله أنا كويسة جداً

ردت بحدة لم يعتادها.

- طيب أصل أنا عايز أقولك حاجة.

- اتفضل.

دعته بإقتضاب.

- أصل فيه حاجة صغيرة كده حصلت.

- فيه إيه؟

تساءلت بقلق.

- أصل. مامتك كانت تعبانة و اضطرينا نعمل لها عملية صغيرة.

- عملية إيه؟

- صاحت بخوف.
- هي ركبت دعامة.
- إيه؟؟ امتي حصل ده؟
- إمبراح.
- و ليه ماحدث قالي.
- ماكنش فيه وقت خالص. كانت فعلاً تعبانة.
- لم تدري ياسميننا ماذا تقول.
- عموماً هي دلوقت كويسة و هتخرج إن شاء الله النهاردة أو بكرة من الإنعاش.
- إنعاش!!
- رددت بخوف.
- إطمئني. إن شاء الله سليمة.
- علشان كدة إنت جيت.
- فضلت أكون معاك.
- يعني ماكنش عندك إجتماع.
- لأ.

وقع الرد عليها وقوع الصاعقة. شعرت بالظلم الشديد. و لكن في هذه المرة كانت هي الظالمة . إنها ظلمت محب ظلماً شديداً. لقد تكبد عناء السفر من القاهرة إلى الإسكندرية كي يقف إلى جانبها. كان يحاول الإطمئنان عليها و حمايتها. و تركها تستمتع بالحفل و بالفندق حتي آخر لحظه ثم أخبرها برفق شديد. و بدلاً من أن تشكره كانت تشعر بالغضب و الحنق و توي محاسبه حساباً شديداً . حمدت الله أنها لم تتكلم أو تنبس بينت شفه في الليلة السابقة. لن تسامح نفسها ابداً على موقفها هذا و ظلمها

للإنسان الذي يحبها حتي لو كان حبه خانقاً في بعض الأحيان. إنها تعلم أن صديقاتها يحسدها عليه. و هي تعلم الآن إنهن محقات. إنه كنز لا تستحقه.

و في المستشفى سيطر عليها و جوم شديد و كأنها في حلم أو كابوس مزعج. فهي ممزقة ما بين القلق على والدتها و ما بين شعورها بالذنب و الندم. و كان الجميع موجودين، أختها و أخاها و زوج أختها و خالتها و ابنها عمر. لكنها لم تكن تراهم. الجميع يهرون امامها كالأشباح، لا تراهم و لا تسمعهم. اما الأطباء و الممرضات و الزائرين فهي لا تراهم و لا تسمعهم و لا تفهم كلامهم. و الأيام تمر كالحلم المزعج الذي لا يريد أن ينتهي. و في اليوم السادس سمح الأطباء لأم ياسمينا بمغادرة المستشفى في اليوم التالي على أن تكون تحت رعاية مكثفة في المنزل. و كما هو متوقع أصر محب على أن يستضيف حماته في منزله حتي تشفي، و جاء لها بممرضة تقضي معها معظم اليوم، و تقوم على خدمتها حتي لا يشعر احد بالتعب و يكون الجميع مطمئنين.

كانت ياسمينا تتابع كل ذلك و هي لا تدري هل تشعر بالإمتنان أم بالسعادة و الرضا أم بالخجل من نفسها. فهي لا تستحق هذا الرجل الذي يأسرها بحبه و كرمه كما يأسرها في كل شئ.

و بعد مرور حوالي شهر عادت أمها إلى منزلها و بدأت ياسمينا تعود لحياتها اليومية العادية. و رويداً بدأت تعاود نشاطها الإجتماعي مرة أخرى. و لكنها شعرت و كأنها تريد فترة نقاهه تستعيد بها توازنها و تحدد مشاعرها و ما يجب عليها أن تفعله بالضبط. و لذا شعرت براحة بالغة عندما ابْلِغها محب.

- على فكرة أنا هأسافر الإسكندرية خمسة أيام.

- إشمعنى.

سألته.

- عندي معرض ثلاثة أيام في أرض المعارض. و يومين قبله للاعداد.

- يعني أنا مش هأروح معاك.

- لا. متهيأ لي مافيش داعي. تعب على الفاضي. مش هأعرف اشوفك.

- تمام. مافيش مشكلة.

في الواقع هو أصلاً حل للمشكلة. فسوف تمضي حوالي إسبوع وحدها بدون ازعاج أو اى ضغط.

- على فكرة، أنا مسافر بالقطر، العربية حتكون في الصيانة، لو حبيتي عم محمد يجيبك إسكندرية بها بعد ما يستلمها و نقضي يومين هناك و نرجع بها.

- طب و السفر إمتي؟

- كمان 3 أيام. يعني يوم الأربعاء. المعرض جمعة و سبت و حد. إن شاء الله أرجع الإثنين.

و في يوم الأربعاء إستيقظت ياسمينا مبكراً لتفطر مع محب و تسلم عليه. و كان اول ما فعلته بعد أن ركب السيارة إلى محطة القطار هو أنها أخذت حمام ساخن و قررت الذهاب لتناول الغذاء في النادي وحدها تماماً. فهي تحب الإستمتاع بجمال ملاعب الجولف الخضراء و هدوء المكان في النهار. و لم تأخذ معها سوي كتاب لا تطفئ الشمس لإحسان عبد القدوس.

إستمعت تماماً بالشمس و الهدوء و الخضرة و إستمتعت بالغذاء الخفيف و بزقزقة العصافير و بجمال الجو و عندما جاءت الساعة الخامسة إطمئنت على محب و أخبرته أن الموبايل سيفصل ثم أغلقتة و توجهت لحضور إجتماع النادي.

و هناك اشتركت ياسمينا في جميع المناقشات و القرارات. و اشتركت في تنظيم رحلة يوم واحد، بعد يومين إلى قاهرة المعز. في النهار يستمتعون جميعاً بشارع المعز، و في المساء يجتمعون في قهوة نجيب محفوظ و يتناولون العشاء على أنغام الموسيقى.

و بعد أن وافق معظم أعضاء النادي على الإشتراك في الرحلة بدأت ياسمينا في الترتيب لها. و في اليوم التالي قامت بالإتصال بشركة سياحة مختصة و حجزت الأتوبيس و المرشد السياحي. ثم قررت تناول الغذاء هي و صديقتها نادين التي تنظم الرحلة معها في مول سيتي ستارز. و بعد الغذاء تجولتا في المول و اشترت ياسمينا ملابس جديدة تنفع في رحلة شارع المعز.

- إيه رأيك؟

سألت صديقتها نادين.

- تيجي نروح سينما من الساعة 7.

- آه. ليه لأ. أنا ماعنديش حاجة النهاردة.

و بعد السينما ذهبت ياسميننا إلى المنزل و هي في غاية التعب و السعادة. و في اليوم التالي إستيقظت متأخرة و قررت الإتجاه إلى الشيخ زايد لتمضي اليوم هناك حيث علمت أن مجموعة كبيرة من أصدقاءها الروتاريين سيمضون اليوم في أركان و في مول العرب ليرحبوا بضيوف من إحدى نوادي الإسكندرية. و مر اليوم سريعاً و مرحباً و مبهجاً و متعباً.

و في يوم الرحلة كانت ياسميننا اول من وصل مبكراً حتي لقد جاءت قبل صديقتها نادين. و تولت زمام الأمور بنفسها. فهي تراجع أسماء المشتركين و تتصل بالمتأخرين و تحاول جاهدة بدأ الرحلة في موعدها. و بالفعل لم يكن هناك تأخير سوي ربع ساعة.

و في شارع المعز إستمتع الجميع بجمال القاهرة الفاطمية بالمباني العريقة و بعبق التاريخ الذي يملأ المكان. و إستمعت ياسميننا إلى شرح المرشد بإهتمام شديد. و دخل الجميع بيت السحيمي و شاهدوا الحجرات القديمة و الحوائط العالية و الأسرة العالية و النقوش الإسلامية الجميلة.

و من اجمل ما رأوا كان جامع الحاكم بأمر الله، حيث المنابر الأثرية الجميلة. و الأربع مباخر الشاهقة التي كانت تبخر القاهرة القديمة كلها يومي الإثنين و الخميس من كل إسبوع. و في نهاية الوقت توجه الجميع إلى الحسين و إلى قهوة نجيب محفوظ حيث إستمتع الجميع بالموسيقى الشرقيه على أنغام القانون. و ساد جو من المرح و الإنسجام على نغمات الأغاني القديمة.

و في صباح اليوم التالي إستيقظت ياسميننا متعبة و لكن سعيدة، و كان يسيطر عليهاشعور بالمتعة غير عادي، فالحرية كنز كبير لا يشعر به سوي من لا يمتلكه. و في حوالي الساعة الثالثة رن جرس الموبايل و جاءها صوت محب.

- حبيبي وحشتيني جداً. مش عارف أكلمك. موبايلك مقفول على طول.

- اهلاً يا حبيبي. ده الإرسال وحش.

- عموماً. حبيت أقولك إني هأركب القطر الساعة 9 بالليل النهاردة و عم محمد هيسثناني على المحطة. أنا رأيي تنامي لإني هأتأخر طبعاً. و لما آجي هأصحبك لو حبيبي.

- إن شاء الله تيجي بالسلامة.

قالت و هي تعلم جيداً إنه لن يوقظها إلا في الصباح كي لا يزعجها.

و لكنها تشعر بإزعاج شديد، فقد انتهت الأجازة و انتهت فترة الحرية، و للمرة المائة تشعر ياسمينا بالذنب و بأنها قاسية القلب. على كل حال سوف تتجاهل كل ذلك و تذهب لمقابلة إلهام صديقتها حيث قررتا الغذاء في مطعم لبناني شهير. و في نهاية اليوم ذهبت إلى منزلها متعبة و أرسلت رسالة لمحِب لتخبره أنها ستغلق الموبايل و تنام حتي الصباح و إنه يمكن له أن يوقظها حين يجي ، و كانت واثقة تماماً إنه لن يزعجها و لكنها فعلاً بحاجة إلى النوم و إلى عدم الإزعاج.

و راحت ياسمينا في نوم عميق و كأنها لا تريد أن تستيقظ. لم تستيقظ طول الليل و لا تتذكر أنها كانت تحلم. و لكنها بدأت تشعر بإزعاج غريب و بحركة غير عادية أجبرتها على الإستيقاظ. نظرت إلى الساعة المعلقة على الحائط فوجدتها الساعة السادسة صباحاً. و إستغربت من صوت حركة محب و صوت خطواته و هو يتحرك في الدور الأول. لما كل هذه الحركة و كل هذا الإزعاج؟ هل هي طريقة جديدة كي يوقظها هذه المرة ليراها دون أن يشعر بالذنب.

قامت متثاقلة و فتحت باب حجرتها و هي تشعر بالإستغراب و عدم الإرتياح فالحركة يبدو أنها لأكثر من شخص. قررت النزول بنفسها لتري ما يفعله. و كم كانت دهشتها عندما لم تري محب و لكن وجدت أختها داليا و زوجها و اخوها على و معهم أحمد أخو محب. و زاد من دهشتها وجود عم محمد السائق. و بدا الوجود على الجميع و ظهر عليهم الإضطراب الشديد عندما رأوها.

- فيه إيه؟

صاحت بقلق شديد.

- انتم بتعملوا إيه هنا.

- .....

- حصل حاجة.

صرخت بفزع.

- ماما مالها و فين محب؟  
لكن احداً لم يرد و زاد الصمت من خوفها.  
- إتكلّموا.  
صرخت بإنفعال.  
- حصل إيه؟  
- ماما كويسة.  
همست داليا.  
- أمال إيه. فين محب طيب.  
- .....  
- حد يرد على.  
- القطر عمل حادثة.  
رد أحمد بإنفعال.  
- محب فين ؟  
- .....  
- ردوا على.  
- بس إنتي إهدي.  
قالت داليا و هي تتجه إليها لتأخذها في حضنها و تربت عليها.  
- يعني إيه؟  
- عربيات الدرجة الأولى إتدمرت تماماً ما فيش فيها احياء.  
قال على بحزن شديد.

و انفجر عم محمد باكياً.

- كنت مستنيه بس ماوصلش.

- قصدكم إيه؟

تساءلت ياسمينا بعدم ادراك لقصدهم.

- شدي حيلك.

همس اخوها.

لم تفهم ياسمينا ما يدور حولها و لم تعي أي شئ. تملكها وجوم شديد و صمت رهيب.

لم تحملها ساقاها، فجلست متزنحة على اول كرسي، و كان الكرسي المفضل لمحِب، نظرت إلى الكرسي باستغراب، تحسسته، و كأنها تسأله أن يكلمها و يشرح لها، ثم نظرت إلى جميع الوجوه المتطلعة إليها و لم تنبس ببنت شفه.

امتدت إليها يد أختها مرتعشة لتعطيها قرص من الدواء المهدئ الخاص بها .

- حبيبتي خدي ده. إنت صحتك لا تحتمل أي صدمات.

- مش عايزة.

- لازم تأخديه.

صاح على.

- مش هأخذ حاجة.

- إسمعي الكلام لو سمحتي.

- رد أحمد.

- مش هأسمع كلام حد.

صاحت ياسمينا.

- ابعدوا عني. سيبوني في حالي.

- اهدي يا حبيبتي.

قالت داليا.

- قلت لكم سيبوني في حالي. أنا مش عايزة حد و مش عايزة حاجة.

صاحت و هي تندفع نحو السلم لتصعد إلى حجرتها.

- من فضلك يا ياسمينا.

رجتها أختها.

- ما تصعبيش الأمور.

- لو حد جه ورايا مش حيحصل كويس. أنا عايزة أكون لوحدي.

و صعدت إلى حجرتها و أغلقت الباب بالمفتاح و لم تلتفت لأحد. و لم تعر محاولتهم أي إهتمام حتي يأس الجميع و قرروا تركها لوحدها و النزول لمناقشة ما يجب عمله.

و في حجرتها انفجرت ياسمينا باكياً، هي مازالت لا تصدق، و لا تتخيل ما حدث، هل حقاً مات محب؟ هل لن تراه بعد الآن؟ ألن يلاحقها بإهتمامه الذي طالما اختنقت منه؟ ألن تسمع صوته الحنون و تشعر بيده الحانية و بدفء مشاعره مره أخرى؟ أعيها البكاء حتي غفلت عينيها و لم تشعر بما حولها.

إستمترت على هذه الحالة من الذهول حتي أفاقته مره أخرى على صوت دق على الباب و صوت أختها الملهوف يناديها.

- أنا كويسة.

ردت بإقتضاب

- إفتحي.

- كفاية خنقة. قلت سيبوني

سمعت صوت أقدام أختها تنزل السلم. فرفعت رأسها لتنظر حولها إلى حجرتها و حجرة محب. ثم بدأت تشعر بالخوف الشديد. و لهول صدمتها هي نفسها لم يكن الخوف بسبب ما حدث. لكنه خوف بسبب المشاعر التي بدأت تشعر بها تتحرك في صدرها.

وجدت نفسها تتجه نحو النافذة و تفتحها على مصراعيها. نظرت إلى الطبيعة في الخارج و كأنها تري الحديقة لأول مره. إنها حديقة جميلة، و الجو رائع ، و الشمس مشرقة، و رائحة الياسمين الذكية تملأ انفها. إنها تشعر بالإنعاش الشديد، بل الأسوأ من ذلك إنها تشعر بأنها مثل العصفور الذي لمحته في الأفق. هي تريد أن ترفرف جناحيها و تطير في الأفق مثله. إنها تشعر أنها حره بجد.

و كانت كل هذه المشاعر بالنسبة لها مفاجئه و مزعجة. ما معنى هذا؟ هل هي جاحدة إلى هذا الحد؟ هل قلبها بهذه القسوة؟ هل هذا هو ما يستحق محب؟ إنها حزينه عليه ، و حزينه بشدة، و ستفتقده وتدعو له و تذكره دائماً بالخير، هذا النبع من الحنان المتفجر، لكنها تشعر في نفس الوقت بالإرتياح، و كأن حمل كبير كان يجثم على صدرها قد أزاحه أحد.

-أنا حرة.

صرخت في شرفتها.

لكنها سيطرت على نفسها و على مشاعرها فلا يجب أن يشعر أحد بما تحسه أو تفكر فيه. إن محب لا يستاهل ذلك. ثم إن احداً لن يفهمها و يجب عليها أن تمثل دورها حتي آخر لحظة.

فتحت الدولاب و امتدت يدها إلى ثوب أسود اللون، ارتدته في هدوء، و قررت النزول إلى هؤلاء الذين ينتظروها، فتحت باب حجرتها بهدؤ، توجهت إلى السلم ببطء، و هالها منظر الجميع و هم يتطلعون إليها و هي على السلم، في نظراتهم مزيج من الشفقة و الخوف و التعاطف، و لا احد ينطق.

ارادت أن تصرخ، أن تقول لهم لا تفرضوا شئ على. لن اسمح لأحد بالوصاية على بعد الآن. إتركوني أعبّر عن مشاعري الحقيقية، لا تلقنوني ما افعل، لكنها تدرك أنها لن تستطيع أن تقول أي شئ.

سكتت و سكت الجميع و إستمروا يتطلعون إليها و هي تنزل السلم ببطء. و فجأه كسر الصمت صوت مفاتيح و باب المنزل و هو يفتح ببطء. التفت الجميع نحو الصوت و إذا بهم يرون محب و هو يفتح الباب في هدوء ثم نظر إليها في إستغراب.

- فيه إيه؟

- إنت كويس؟

صاح اخوه.

- مش فاهم.

- القطر عمل حادثة.

وضح أحمد.

- قطر إيه!!

تساءل بإستغراب ثم ضحك قائلاً

- أنا اصلي ما ركبتش فيه، أنا جيت مع واحد صاحبي بعربيته الخاصه. كان قايم في الفجر بعد ما خلص مشوار كان عنده، و مارضتش ازعج ياسميننا.

- لأ، لأ، مش معقول.

صرخت ياسميننا.

- مش معقول. حرام عليكم.

و لم يتحرك احد فقد عقدت لسانهم الدهشة و هم يرونها تتهاوي مغشياً عليها و تسقط من على درجات السلم و تتوقف عند اقدامهم و هي جثة هامدة.

و في العزاء حزن الجميع على هذه الزوجة الوفية التي لم يتحمل قلبها المريض فرحة عودة زوجها سالمًا. و شعروا بتأنيب الضمير و لم ينسوا كلماتها " حرام عليكم" التي تذكرهم بتسرعهم في نقل الخبر إليها. و لم يدرك احد إنها إنما قصدت حرام تعطوني الأمل ثم تأخذوه مني في نفس اللحظة. لن أمكن من الحياة بعد ما ذقت طعم حريتي.

بتلوموني ليه

**وقفت** فاطمة ذات السادسة والعشرين ربيعاً في قفص الاتهام في قاعة المحكمة ، كانت لا تصدق ما يحدث حولها ، المكان مليء بالضوضاء والهرج والمرج ، والناس تتحرك أمامها كالأشباح ، هي لا تراهم ولا تفهم ما يقولون ، بل هي أصلاً لا تعي ما يحدث حولها ولا تستوعب ما يدور في القاعة ، هي تدرك أنّ هناك قضية ومحامياً وادعاءً وقاضياً ، لكنها لا تفهم منهم شيئاً ، إنّها تشعر أنّها في كابوسٍ مخيفٍ ، في حلمٍ طويلٍ وكثيبٍ لا يريدُ أن ينتهي ، كلّما حاولتُ أن تستيقظَ مِنْ هَذَا الحُلْمِ تجدُ من يشدّها إليه مرةً أخرى وكأنّ هناك ما يدفعاها أن تسقطَ في هذه الهوة العميقة التي لا ترى فيها أي بصيص من النور ، الظلام يُحيط بها فهي لا ترى شيئاً والأصواتُ تأتيها من بعيد ، فتفقد معناها ولا تنطق بأيّ حرفٍ مفهومٍ .

فاطمة فتاة صعيدية بسيطة ، جمالها الصعيدي جمالٌ هادئٌ ، سمرة بشرتها تذكر بسمرة الأرض التي تنتمي إليها ، وهدوؤها الواضح يعكس سَكينة النيلِ الساحرِ الذي تربّت على ضفتيه ، كل شيء فيها يفوح منه عبق الصعيد ، ورائحة الأرض ، وعبير النيل ، وأصالة الجنوب ، لكن شيءٌ ما يعكر صفو كلّ ذلك ، شيءٌ ما يشوب هذا الهدوء ويعكر صفو السكينة ويُطفئُ السّحرَ ، فمن الواضح أنّ كلّ ذلك يخفي تحته بحرًا هائجًا وليس نيلًا هادئًا . فالدوامات يوج بها قاع البحر ، والزلازل تهز هذا الكيان الهادئ . فقد لا تبدو واضحة للعيان ، ولكنها كامنّة في القاع ، لا تهدأ ولا تتوقف ، والفتاة تقف في مواجهة الجميع في قفص الاتهام ، تخفي ما يدور بداخلها لكنها لا تستطيع تجاهله ، تخفي مشاعرها ، لكنها تحس بها وتعتصرها من الداخل ، فلمَ كلّ هذا ؟ ولمَ هي هنا؟ وما الذي يحدث؟ وهل بالفعل كل هؤلاء الناس في القاعة من أجل محاكمتها؟ وهل هي حقاً تستحق ذلك؟ ولم تفق فاطمة من غيبوبتها ولم تتواصل مع الواقع إلا عندما سأل الدفاع سؤالاً واضحاً طالما خطر ببالها وطالما رددته لنفسها .

- هل فاطمة هي حقاً الجاني؟ أم هي الضّحية؟

هنا فقط استيقظت فاطمة من الكابوس ، هنا فقط بدأت تعي ما يحدث وكأنها كانت في انتظار أن يسألها أحد هذا السؤال لتبدأ في تذكُّر ما حدث وفي النظر إليه وكأنها تشاهد شريط سينمائي يمر أمامها لتستعيد كل الأحداث .

\*\*\*\*\*

تذكّرت فاطمة صوتَ القطارِ الذي ملأَ أذناها، وضجيجَ عجلاته الذي هزَّ كيائها كما هزَّ وجدانها ، خبرُ وفاة والدها الذي وصلها قبل أن تستقل القطار بعدة ساعات ، كانت في طريقها من أسيوط حيث تقيم عند خالتها إلى قريتها الصعيدية النائبة لحضور عزاء أبيها.

كانت صدمة وفاة أبيها المفاجئة شديدة الوقع على فاطمة ، لم تكن هناك أيّ مقدماتٍ، كانت الوفاة مفاجئة، وسريعة، وهادئة، كعادته لم يسبب أبوها أيّ إزعاج لمن حوله، وافته المنية في فراشه وهو نائم، لم يزعج أحداً، لم يطلب أيّ شيء من أحد، بل لم يشعر به أحدٌ ، حتى وفاته كانت سهلة وسريعة ، ككل شيء في حياته، لكن رغم الهدوء الظاهري ، إلا أنّ الوفاة هزّت وجدان فاطمة وزلزلت كيائها ، شعرت في لحظة أن ظهرها قد انكسر، فهتمت معنى فقدان السندي والظهر والوتد الذي تستند عليه. كانت تحب أباه وتجلّه وتهابه في نفس الوقت، كان بالنسبة لها الحنان والحب والقوة والجبروت، والسند في نفس الوقت ، لقد كان أحناً من أمها عليها وأشد قسوةً من الغريب.

يحنو عليها دائماً ، لكنه يقسو عليها عند اللزوم، تهابه وتخافه وتحتمي به وتشعر بقوة أحضانه الدافئة حين يضمُّها ، كان يدللها ويفضلها أحياناً على أخيها الوحيد لشعوره بضعفها كفتاة رقيقة في هذا الزمن القاسي ، لكنه كان يعاملها بشدته المعهودة كلما دُعي الأمر، لا تعلم فاطمة ماذا يخبئ لها الزمن بعد وفاة والدها ، فرغم حباها لأبها إلا أنّها تعلم أنّ أحداً لن يملئ مكان والدها الحاج شديد كبير آل وهدان وشيخهم ، إنّه حقاً رجل قلماً يوجد به الزمان، فهو إلى جانب قوة شخصيته وحنانه اللذان يكونان مزيجاً عجبياً فهو يتميز أيضاً بفطرة متطورة وشخصية مرنة.

ولذا شجّع ابنته على إتمام دراستها وعلى الالتحاق بالجامعة في أسيوط ، وسمح لها بالإقامة عند خالتها في مدينة أسيوط حتى تنهيَ دراستها ، وهو يشجعها الآن على المضي في دراستها العليا والتحضير لدراسة الماجستير ، وهو شيء غير معتاد في قريتهم النائبة ، لكنّها ابنة الحاج شديد وليست ابنة أي شخصٍ عادٍ ، ربّما أيضاً كان والدها يريد أن تحقق ما لم يحققه أخوها عبد القوي الذي لم يحصل على شهادة جامعية ، واكتفى بقسطٍ محدود من التعليم ، وبدأ يدير الأرض والأملك مع والده بمهارة ، لكن تلك المهارة لم تجعل والده ينسى أبداً حلمه في أن يكون أولادهم من حاملي الشهادات الجامعية.

كان كلُّ ذلك يدورُ في ذهنِ فاطمة وهي في القطار في طريقها إلى قريتها النائية ، كانت دموعها تنساب على خديها كحبّاتِ اللؤلؤء، فرغم رقتها وهدونها الواضحين فقد كان كيانها كله يهتزُّ من الداخل ، هي لم تعهد التعبير عن مشاعرها ولا الإفصاح عمّا بداخلها ، ولا تحب أن يرى أحد حزنها ، لكنها لم تستطع أن تحبس دموعها ، وازداد وجدانها تزلزلًا عندما وصلت إلى بيت العائلة. كانت مظاهر الجِدَادِ واضحة منذُ أن فتح لها الغفير بوابة الحديقة الأمامية للدار الكبيرة ذات الطابقين ، وما إن نزلت من السيارة أمام باب المنزل حتى رأتِ النساء المتشحات بالسواد يملأن الواجهة الأمامية والسلام ، وصعدت درجات السلم بسرعة محاولة ألا تلتفت إلى كل الأيدي التي امتدت تربت على كتفيها والشفاة التي تحاول مواساتها بكلمات معتادة لا تشفي ولا تبرّد ناراَ، كانت تريد شيئًا واحدًا ، وهو أن ترى أمها وتطمئنُ عليها وترمي بين أحضانها.

وفي الداخل وجدت أمها جالسة وسط نساء العائلة ، وما أن وقع نظرها عليها حتى شعرت باطمئنان غريب، فها هي أمها قوية و متماسكة كعادتها، ورغم الحزن البادي عليها إلا أنّها شامخة وثابتة كما هو متوقَّع ، عند ذلك انهارت فاطمة لأول مرة وارتمت في أحضان أمها واجهشت بالبكاء ، ولم تشعر بنفسها إلا عندما شعرت بيدٍ قوية تجذبها من حضن أمها ، وعندما التفتت وجدت أخاها عبد القوي واقفًا أمامها بمنتهى الثبات ، وحين ارتمت في أحضانه هو الآخر ازداد شعورها بالأمان ، فرغم أنّها كانت كثيرًا ما تختلف مع أخيها إلا أنّها شعرت أنّه سندها وأنّه يذكرها بوالدها في قوته ، فهدأت نفسها قليلًا وبدأت تتماسك وترجع إلى طبيعتها وتسيطر على مشاعرها وتقوم بواجبها المطلوب في العزاء.

واستمر العزاء ثلاثة أيام كاملة ، لكنه لم ينتهِ ، فقد فوجئت فاطمة أنّ المنزل مليءٌ بالمعزين ، وأنهم لم يقطعوا عن الدار ، في الواقع ؛ فإن عائلتهم كبيرة وعددها كبير، فهناك آل وهدان أهل والدها وهناك عائلة أمها السلامية ، وبالإضافة إلى ذلك هناك نسايب أخيها عبد القوي وهو متزوج اثنتين ، وكلتيهما من أكبر عائلات النجع.

وهكذا مرّت الأيام بطيئة وكثيية حتى جاءت ذكرى الأربعين ، ومرّ ذلك اليوم أيضًا بكل ترتيباته وتفصيله الرتيبة الكثيية، ووجدت فاطمة أنّها لم تتمكن من الانفراد بأمرها أو بأخيها، بل كانت وحيدة وليس هناك في صحبتها سوى الخادمة القديمة "أم بدوي" التي ربّتها منذ الصغر والتي كانت فاطمة تحبها وتأنس لها.

- أنا تعبت يا أم بدوي.
- مالك يا بنتي .
- مش عارفة ، بس أنا مش قادرة أشوف أمي أو أخويا ومش عارفة هعمل إيه؟
- في إيه؟
- سألت أم بدوي بتوجس.
- والله ما أنا عارفة ، المشكلة إني لازم أسافر أسيوط علشان الدراسة هتبدأ ومش قادرة أسيب أمي لوحدها.
- ما تخافيش عليها ، المهم إنتي.
- إزاي يعني؟
- تساءلت باستغراب
- يعني شو في مصلحتك.
- طب وأمي.
- أمك جامدة ، الدور والباقي عليكي إنتي.
- أنا؟!
- أيوه إنتي.
- تنهدت بأسى.
- أنا مش عارفة أنا عايزة إيه.
- مش مهم تعرفي.
- همست أم بدوي بأسى.

- إزاي يعني؟
- المهم تعرفي هما ناويين على إيه؟!
- مش فاهمة.
- مش مهم, بكرة تفهمي.
- إيه يا أم بدوي قلقتيني ، قصدك إيه؟
- ولا حاجة ،المهم تعرفي كل حاجة ومتعمديش على حد.
- وهو إنتي هتفضلي كده على طول؟ بقولك إيه ، أنا مش ناقصة.
- طيب خلاص هسكت.
- ولم تعر فاطمة كلام أم بدوي أي اهتمام ، فقد اعتادت على تعليقاتها الكئيبة وتشاؤمها منذ الصغر.
- وفي المساء انفردت فاطمة بأمرها لأول مرة منذ فترة ، فقد خلا البيت أخيراً من المعزين ، وجلستِ الأم وحدها تحتسي الشاي
- كنت عايزه أقولك حاجة.
- بادرت فاطمة
- خير يا بنتي؟!
- أصل أنا لازم أرجع أسويط.
- ليه؟؟
- تساءلت الأم باستغراب حقيقي!!
- عشان الدراسة هتبدأ ، أنا يادوب كنت مقدمة الأوراق قبل الوفاة.

- آه قصدك الشهادة اللي إنتي عايضة تعملها؟
- اسمها "ماجستير".
- قالت فاطمة موضحة.
- يا بنتي سيبك من الكلام ده وخليكي معانا.
- معلش ، انتي عارفة إنَّ الحاج كان بيشجعني وكان نفسه أكمل دراستي.
- والله ما أنا عارفة ، خلاص اللي تشوفيه، مادام مصلحة، ولو إن البنت مصيرها للجواز.
- بس أخلص الدراسة الأول يا حاجة.
- طيب يا بنتي ، وناوية إمتي؟
- يوم الجمعة إن شاء الله.
- على بركة الله بس قولي لأخوي.
- طبعًا ، بس أنا محتاجة فلوس.
- برضوا قولي لأخوي.
- حاضر.

وبالفعل بحثت فاطمة عن أخيها عبد القوي الذي لا تجده بسهولة رغم أنَّهما في نفس المنزل ، فهو إِمًا عند زوجته الأولى التي تقيم معهم ، أو عند زوجته الثانية التي بنى لها شقة صغيرة في الدور الثالث، لكنَّها وجدته وحدَه في غرفة المكتب الخاصة بوالدها. وعندما دقَّت على الباب مستأذنة ، سمح لها بالدخول ، لكنَّها أبدًا لم تكن مستعدة لرؤيته وهو جالس مكان والدها وعلى نفس الأريكة وكأنه يعلن لنفسه قبل الآخرين أنَّه أصبح سيدَ الدارِ والمالك الأُوحد لكلِّ شيء ، وهالها المشهد ، وارتعدت فرائصها وشعرت بأنها تفوقعت بداخل نفسها ، فهي لم تتقبل أن يحل أحد مكان والدها حتى لو كان

أخاها وابنه ، وزاد من شعورها بالضييق أنَّها مطالبة أن تستأذن منه وتطلب منه النقود كما كانت تفعل مع والدها ، ولكن هل تستطيع أن تتدلل عليه كما كانت تفعل مع والدها الحاج شديد؟

- سلام عليكم.

بادرت.

- وعليكم السلام ، تعالي يا فاطمة ، شكلك عايزة حاجة.

- في الحقيقة آه.

قالت بصعوبة واضحة.

- أنا كنت عايزة فلوس علشان لازم أرجع أسيوط يوم الجمعة.

- أسيوط!!

ردَّ باندهاش.

- آه ، علشان الدراسة هتبدأ.

- هو إنتي مش هتسيبك من الكلام ده.

- دي كانت أمنية الحاج ، وأنا لازم احققها له.

- على كل حال ده مش وقته.

- يعني إيه؟

- ولا حاجه سافري ، ولما ترجعي نبقي نتكلم تاني.

- طب والفلوس!؟

سألت متضررة.

- آه طبعًا ، عايزة كام يعني؟
- أنا هقعد على الأقل إسبوعين.
- لا إسبوع كفاية.
- أشار بحزم.
- لازم ترجعي كل إسبوع تشوفي أمك لغاية ما نقرر هنعمل إيه بالضبط.
- أمرك.
- أطرقت بإذعان.
- طيب خدي دول دلوقتي.
- وفتح عبد القوي محفظته وأخرج النقود وعدّها ببطيّ ، ثم مد يده إليها بدون اهتمام.
- بس الحاج كان بيعت حاجات لبيت خالتي علشان أنا بقعد عندها.
- نبقي نشوف الإسبوع الجاي.
- طب ممكن تزود المبلغ شوية علشان يكفي؟
- خدي دول كمان.
- قال بتضرر واضح.
- مدت فاطمة يدها وهي تشعر بغصة في حلقها ، هي لا تعلم سبب هذا الشعور بالضبط ولكن الضيق يسيطر عليها ، وبعد أن أخذت النقود شكرته ، وذهبت إلى حجرتها لتنفرد بنفسها. لكنها فوجئت بأم بدوي في الحجرة ترتبها.
- خلاص؟؟
- سألت أم بدوي.

- بتسألني على إيه؟
- قولتي لهم؟
- آه ، قصدك على السفر؟
- أيوة.
- أومأت المرأة.
- قلت لهم.
- وأخوي إداكي كام؟
- إستغربت فاطمة للسؤال الغير متوقع وردت مسرعة.
- مبلغ كويس.
- حقيقي؟!
- رددت أم بدوي غير مصدقة.
- بصراحة لأ ، هو إداكي فلوس بالعافية.
- آه.
- أصل ما كانش معاه فلوس.
- أيوة.
- تنهدت أم بدوي.
- فيه إيه؟
- صاحت فاطمة غاضبة.
- ولا حاجة ، بس المرة الجاية تاخدي كل اللي انتي عايزاه.

وسرعان ما جاءت المرة القادمة فقد رجعت فاطمة في الإِسبوع التالي لتزور أمها كما اتفقت مع أخيها ، وفي رحلة القطار المعتادة كانت فاطمة تشعر بانقباضٍ شديد ، فلأول مرة لا تشعرُ بالرغبة في العودة إلى البيت ، هي لم تعد تشعر أنه بيتها وملأها ، لم تعد تشعر بالدفء المعتاد ولا بالأمان ، هي لا تعلم بالتحديد ما الذي يقلقها ولكن شيءٌ ما تغير منذ لقائها الأخير مع عبد القوي ، وقد زاد من شعورها بالقلق إحساسها أنَّ وجودها عند خالتها لم يعد مريحًا ، فخالتها أرملة رقيقة الحال ، مسؤولة عن أربع أبناء ما زالوا صغارًا ، ولذا كان الحاج شديد يهتم بها ويكاد يتكفل بها وبأولادها ، أمَّا الآن ففاطمة تشعر بأنَّ وجودها أصبح عبئًا على خالتها ، ولذا قررت أن تساهم في مصاريف البيت بشهرية معقولة تساعدوا وتجعلها تعيش هناك معززة مكرمة كما كانت.

وبعد الغداء ، جلست فاطمة مع والدتها وأخيها في المندرة يتجادبون أطراف الحديث ، وجلست معهم "صابحة" زوجة أخيها الأولى ، وكان الجميع في حالة ترحيب بوجود فاطمة ، كما أنَّ وجود "صابحة" كان يزيد من راحة الجميع ، وكانت فاطمة سعيدة بوجودها ، فهي تحبها وتحب طيبة قلبها الواضحة ، ويكفي تسامحها مع زوجها عبد القوي بعد أن تزوج من أخرى بدون أي مبرر ، فلازالت "صابحة" تحبه وتتفانى في خدمته وإسعاده.

ورغم كل ذلك فإنَّ فاطمة لم تكن تشعر بالراحة ، فإن شيءٌ ما يقلقها ، وبالإضافة إلى ذلك فقد كان قلقها يزيد لأنها تريد أن تحين الفرصة لتطلب من أخيها ما تريد.

وحانت الفرصة عندما نادى "علي" ابن أخيها على أمه صابحة.

- أنا عندي طلب

قالت فاطمة باقتضاب.

- خير؟

سألتهأ أمها باهتمام.

- والله أصل الحاج الله يرحمه كان مهتم ببيت خالتي وأنا شايفة إننا لازم نعمل زيه؟

- يعني إيه؟

سأل عبد القوي.

- يعني لازم يكون فيه شهرية تساعد خالتي طول ما أنا هناك.
- وإنتي ناوية تفضلي هناك قد إيه؟
- ما إنتي عارفة أنا لسة قدامي سنتين ثلاثة لغاية ما أخلص الماحيستير.
- بس أنا مش موافق أصلاً إنك تقعدي معاها.
- يعني إيه؟
- يعني ابن خالتك دلوقتي شاب ، أنا شوفته في العزا ، كبر ومايجوزش تقعدي معاها في بيت واحد، أنا ما أقبلش بكده.
- خلاص أنا ممكن آخذ أم بدوي ونأجر أو نشترى شقة صغيرة ، حتى يبقي لنا كلنا مكان في أسيوط ، بكرة الولاد كمان يروحوا الجامعة ومهم يكون لنا شقة.
- بس أنا مش عامل حسايي ومفيش عندي فلوس.
- خلاص هاخذ من فلوسي أنا.
- فلوس إيه؟
- سألت الأم يهدوء.
- أقصد يعني ... يعني فلوسي.
- هو إنتي معاكي فلوس؟
- سألتها ثانية.
- يعني من نصيبي في الفلوس اللي سابها الحاج ، أنا مش محتاجة حاجة ثانية دلوقتي.
- آه

زمجر عبد القوي

- هو ده اللي إنتي تقصديه ، لازم تعرفي إن الحاج شديد مسابش فلوس.
- يعني إيه؟
- يعني الفلوس اللي موجودة يادوب على القد.
- مش فاهمة.
- أفهمك ، أبوكي ساب لك مبلغ معايا ووصاني إنَّه لجهازك غير كده ملكيش حاجة.
- يعني لو أنا احتجت حاجة ، أعمل إيه؟
- سألت بانزعاج وخوف.
- أخوكي موجود.
- رددت الأم بحسم:
- يعني إيه!؟
- يعني لو عايزة حاجة هو مسؤول عنك.
- طبعاً
- رد عبد القوي
- بس أنا ما أقدرش أشتري شقة. إلا لو بعت الأرض وأنا مش ممكن أعمل كده.
- أرض إيه اللي تبعها ، وفين باقي الفلوس؟
- قولت لك مفيش فلوس، خزنة الحاج كانت فاضية ، أصله كان بيصرف كتير.
- خلاص يبقى أنا أبيع حته من نصيبي أنا.

- نصيبك في إيه؟  
سألها.
  - في الأرض.
  - إنتي ملكيش نصيب في الأرض.  
قال بحسم.
  - إزاي؟؟  
صاحت فاطمة باندھاش.
  - الحاج كتب الأرض كلها لأخوي  
قالت الأم بحزم واضح
  - إحنا ما عندناش بنات تورث أرض.
  - مش ممكن. أبويا لا يمكن يعمل كده.
  - يعني إحنا بنكذب  
صاح عبد القوي
  - عيب اتحشمي في كلامك.
  - إنتي عايزه الأرض تروح لراجل غريب ولا إيه  
قالت أم عبد القوي
  - أرض ولاد وهدان لا يمكن تطلع بره.
- كانت الصدمة شديدة الوقع على فاطمة؛ فطالما خطر ببالها أن شيئاً مثل ذلك قد يحدث ، لكنها كانت دائماً ما تطرد هذه الهواجس وتحاول ألا تفكر فيها. ربّما كانت تخاف

مواجهتها ، وربما كانت شديدة الثقة أن والدها لن يخذلها. ولكنها ها هي مضطرة إلى مواجهة الحقيقة.

- يعني أنا أعمل إيه؟

سألت في حيرة.

- ولا حاجة ، ماتخافيش

ردت أمها

- أخوكي موجود والحاج وصاه عليك وهو مسؤول عنك ، ووعده أنه هيخلي باله منك.

لم ترد فاطمة، بل لم تجد الكلمات التي تعبر بها عما يجول في خاطرها، فها هي تكتشف فجأة أنها ليس لها سند وأنها يجب أن تعتمد على أخيها وأنه المتحكم الوحيد في كل شيء ، شعرت بالدماء تغلي في عروقها. لكنها لم تدر ماذا تفعل، يجب أن تسيطر على نفسها تماماً، يجب أن تفكر وتتدبر الأمر جيداً. لا بد أن هناك حلاً.

وفي غرفتها جلست فاطمة تفكر، ما هذا الذي حدث؟ وكيف يفعل أبوها ذلك؟ هل هذا هو نفس الأب الحنون؟ نفس الأب الذي طالما شملها بعطفه وحنانه وحمائته؟ نفس الأب المنفتح الذي سمح لها أن تقوم بعمل رسالة الماجستير؟ الأب الذي كانت صديقاتها تحسدنها عليه؟ أليس هو من كان دائم القول إن "البنات زي الولد"؟ وإنها ستحقق أمله الذي لم يحققه أخوها؟.

تذكرته وهو يحنو عليها في صغرها، ويأخذها في أحضانه، ويجلسها على ركبتيه، تذكرته وهو يعنف أباها عندما حاول أن يضربها وهما يعد صغار، سمعت صوته يعنف أمها وهي تتدخل بينهما عندما شبَّ عودهما. كانت أمها تنصُّ أباها لأنه الرجل. لكن أبوها كان واضحاً وصارماً، كان يحافظ على ابنته وعلى كرامتها وعلى مشاعرهما، لم يسمح لأحد أبداً أن يؤذيها أو يهينها أو يتحكم فيها، فكيف يفعل ذلك؟ كيف يضعها تحت رحمة الجميع؟ كيف يتركها في مهب الرياح. كيف...؟ وكيف...؟ وكيف...؟

- ما تظلميش أبوكي.

جاءها صوت أم بدوي وكأنها تقرأ أفكارها.

- أم بدوي!!
- أيوه يا بنتي. إدعي لأبوكي وأوعي تظلميه.
- بس هو ظلمني.
- ردت ببأسَّ شديدٍ.
- لأ يا بنتي ، الدنيا والناس هي اللي ظلمته وظلمتك معاه.
- إزاي! إزاي! هو اللي عمل كده. كان يقدر يحميني.
- لأ يا بنتي لأ والله ما كان يقدر.
- الحاج شديد بحاله ما كانش يقدر، إزاي؟ فهميني.
- ياما حاولت أفهمك.
- يعني إنتي كنتي عارفة؟
- أيوة كنت عارفة من زمان.
- أكدت أم بدوي بحزن.
- إزاي؟.
- يا بنتي ده سلو بلدنا. وده عُرُفنا ومحدث يقدر يغيره أو يهرب من المكتوب.
- يعني إيه؟
- يعني أنا قدامك أهو مثل على كده.
- إزاي؟ مش فاهمة.

- يا بنتي ياما حكيت لك إن أبويا كان عنده بيت وأرض. صحيح صغيرة بس كانت تغنيني. لكن أخويا خد كل حاجه وآدي النتيجة لما جوزي مات اتحاجت أنا وبدوي.

- صحيح إنتي حكيتيلي وأنا صغيرة.

- كان نفسي تفهمي.

قالت بحسرة.

- .....

- خلاص أنا مش مهم دلوقت

تنهدت أم بدوي

- المهم إنتي يا بنتي.

- أعمل إيه ؟ أعمل إيه؟

- الأول لازم تعرفي إن أبوكي حاول يحميكي بس الريح كان عالي.

- يعني إيه؟ وبعدين إنتي ازاي عرفتي؟؟.

- مش مهم إزاي ، بس أنا عارفة إنَّه حاول، ولغاية آخر نَفَس كان بيوصي أخوكي عليكي ، وكان واثق فيه ، وأمك الحاجَّة كانت عارفة وقالت له ما تخافش على ابني ، إبنِي يعرف الأصول.

- بس هي عارفة أَنَّه ظالم ، وهيظلمني زي ما ظلم مراته صابحة.

- مافيش أم بتشوف ابنها ظالم.

- يعني هي كانت موافقة إنَّه يكتب له الأرض.

- سلونا يا بنتي ، وابنها مش أقل من أي حد.

- طب والنقدية.
- أخوكي كان معاه مفتاح الخزنة.
- قصدك إيه؟
- قصدي زي ما يكون، أهو ده الي حصل ، المهم الي جاي.
- اتكلمي على طول يا أم بدوي ، أنا مش ناقصة.
- لازم تفكري كويس ، وتعرفي هتعملي إيه بالضبط ، ولازم تفهمي إن شهادتك أهم حاجة ، من غيرها اديكي شايقة أنا بقيت فين.
- انتي بقيتي أمي يا أم بدوي. ودي أحسن حاجة في الدنيا.
- كتر خيرك يا بنتي ، ما هو علشان أنا أمك لازم تسمعي الكلام.
- مش عارفه أعمل إيه؟.
- تستحملي شوية وتفضلي عند خالتك ، وتطالبني بحقك، تاخدي مصاريفك من أخوكي من غير خناق ، لغاية ما ربنا يفرجها.
- يعني أشحت حقي؟
- ماחדش بيشحت حقه ، بس لازم شوية عقل.
- زعلانة من أبويا.
- ما تزعليش منه ، هو عمل الي عليه وأكثر ، وأخوكي وعده ، بس كل واحد وأصله.
- ربنا يستر ، هو عمومًا اداني فلوس تكفي الإِسبوع ده.
- سافري ربنا يحلها الإِسبوع الجاي.

وبالفعل سافرت فاطمة ، لكن سفرها هذه المرة كان مختلفاً؛ فهي تشعر أنّها محملة بأعباء ثقيلة جدّاً ، وفي حلقها غصة لا تستطيع تجاهلها ، وفي قلبها حزن وانكسار شديداً ، وفي رأسها قلق وتوجس من المستقبل ، والحيرة تملكها.

وفي أسيوط بدأت لأول مرة تعرف معنى الاقتصاد والتفكير قبل أن تقرر عمل أو شراء أي شيء ، وقررت أن تركز في مذكرتها وأخبرت خالتها أنّها ستتناول وجباتها في الجامعة لضيق الوقت، ورحبت خالتها بذلك ، فكانت فاطمة تتناول إفطارها عند "عم عزيز" فؤاش القسم في الكلية ، ثم تشتري ساندوتشات الفول والطعمية في نهاية اليوم ، وفي المنزل كانت لا تعاد حجرتها وتحاول استذكار دورسها بتركيز ، وفي نهاية الإِسبوع لم تجد في نفسها رغبة في الرجوع إلى بيت العائلة رغم ما تعلم أنّها ستجده هناك من راحة ، بل ورفاهية، وخدم، وموائد عمرانة ، فأخبرت أمّها أنّها يجب أن تحضر بعض المحاضرات في الأجازة الإِسبوعية ووافقت الأم على مضي لكنها شددت على وجوب عودتها في الإِسبوع التالي.

وسرعان ما جاءت الأجازة التالية وقد كانت أجازة طويلة ، فقد كانت يوم الأحد أجازة رأس السنة الهجرية ، وعندما جلست فاطمة إلي المائدة مع باقي العائلة وجدت نفسها لأول مرة تنظر إلي الأصناف المتنوعة بنظرة مختلفة ، هالها هذا التنوع الرهيب من البط والأرنب والمحاشي والرقاق وغيره احتفالاً بالموسم. لأول مرة تتذكر أنّ هناك من لا يجدون كل ذلك. ورغم حرمانها من كل هذه الأصناف في الفترة الماضية إلا أنّها لم تجد في نفسها رغبة للأكل.

- مالك يا بنتي مش بتاكلي ليه؟

- سألت أمها.

- أبداً.

- أبداً إيه؟ ده إنتي خسييتي واتعدمتي ، هي خالتك بطلت تطبخ ولا إيه؟

- أبداً بس أنا مش فاضية.

- خدي دوقي البط ده ، أم بدوي عملتهولك مخصوص.

قالت أمها وهي تضع البط في طبقها بحنان واضح ، لكن فاطمة لا تشعر بالرغبة في الأكل ، فامتدت يدها إلى البط ببطء كي تحاول ألا تُشعرَ أحدًا بما يجول بخاطرها.

- أنا عايزك في موضوع مهم بعد الأكل.

أعلن عبد القوي.

- حاضر!!

وبعد الأكل أصدر عبد القوي أوامره للجميع بالانسحاب ، فهو يريد أمه وأخته فقط في المنذرة ليتحدث معهم وهم يحتسون الشاي

- خير ؟

سألت فاطمة بقلق واضح.

- إن شاء الله خير طبعًا.

رددت أمها.

- عندي ليكي عريس.

أعلن عبد القوي.

- عريس!!

صاحت فاطمة باستغراب.

- عريس لُقطة.

قالت الأم.

- بس أنا مش عايزه أتجوز دلوقتي.

- يعني إيه؟

سأل عبد القوي بضيق واضح.

- يعني عايزة أخلص دراستي الأول.
- دراستك خلصت خلاص.
- أعلن بحسم.
- لأ لسة.
- مافيش لسة.
- نصحت أمها.
- بس أنا عايزة أخلص شهادتي.
- مافيش شهادة ، أنا أديت كلمة للحاج علوان.
- الحاج علوان مين؟
- سألت فاطمة باستغراب.
- الحاج علوان جارنا.
- بس ده ولاده صغيرين.
- هو اللي عايزك.
- قال عبد القوي.
- عايزني إزاي يعني ؟
- عايز يتجوزك.
- قالت الأم بفخر.
- بس ده متجوز وعنده ولاد.
- وإيه يعني؟

صاح عبد القوي.

- يعني يتجوزني على مراته.

- شرع الله

صاح بغضب

- ولا هنجرمه.

- وبعدين ده رجل غني ومقتدر.

- بس ده أكبر مني.

- ما يعيبش الراجل غير جيبه.

قالت أم عبد القوي.

- وأنا خلاص اديته كلمة.

- ومين سمح لك تديله كلمة ، هو أنتم عايزين تخلصوا مني وخلاص؟

- اكنمي خالص.

صاح عبد القوي غاضبًا وتوجه إليها مهددًا ، لكن أمه اعترضته وصاحت في أخته.

- اطلعي فوق دلوقتي ، امشي من هنا.

ولم تجد فاطمة حلًا سوى أن تصعد إلى غرفتها صاغرة ، وفي الغرفة وجدت أم بدوي في انتظارها كالمعتاد.

- كنتي عارفة؟

- أيوة.

- وليه ما قولتليش.

- أنا ما أقدرش أنقل كلام ، أنا بس ممكن أنصحك.
- أعمل إيه؟
- روعي للحاج همام.
- همام مين؟
- سألت باستغراب.
- ابن عم أمك وكبير الدهاشنة.
- أروح له ليه؟
- كان صاحب أبوكي ، وكان طول عمره رجل صالح ويعرف ربنا وهو الوحيد اللي ممكن يآثر على أخوكي.
- ما عنديش ثقته في حد خالص ، كلهم ظلمة.
- الحاج همام عارف كلام الله كويس.
- كلنا عارفينه كويس بس محدش بيطبقه.
- بس هو بيطبقه.
- إزاي يعني؟
- الحاج همام هو الوحيد اللي رفض ينفذ وصية أبوه بعد وفاته ، أبوه كان حارم أخواته البنات من الميراث ، لكن هو وزَّع الأرض عليهم بحق الله علشان ربنا يرحم أبوه وينام مرتاح في تربته.
- فعلاً! هو فيه حد كده؟
- أيوه فيه ، روحيله يمكن يقدر يساعدك.

- أروح له امتي؟
- خليكي في أوضتك لغاية الصبح ، بلاش تتكلمي مع حد منهم ، وبعد صلاة الفجر تكوني عنده ، أخوكي بيصحى على الظهر ، وأمك بتكون لسة في أوضتها.
- حاضر.

ردت فاطمة وهي ترى بصيصًا من الأمل يلوح في الأفق المظلم.

وفي الثامنة صباحًا كانت فاطمة تطرق باب دار الحاج همام. عندما أخطرت الخادمة من هي ، ذهبت المرأة مسرعة تنادي الحاج وكأنها تستشف شيئًا خطيرًا ، ولمّا دخل الحاج همام استبشرت فاطمة ، فهي لم تكن قد رآته منذ عدة سنوات ، كان الرجل ذا وجه منير، هادئ، تبدو عليه السماحة ، وقد تهللت أساريره عندما رأى فاطمة.

- مرحب، مرحب ، بنت العزيز الغالي ، أهلاً بيكي يا بنتي.

- أهلاً يا حاج.

- قوليلي عمي ، بلاش حاج دي.

- إزيك يا عمي.

قالت فاطمة وهي تنثني لتقبل يده.

- فكرتيني بأبوكي يا بنتي.

قال الرجل بحنية وهو يربت على ظهرها.

ولم تتمالك فاطمة نفسها فانهمرت الدموع من عينيها فقد ذكرتها لمسة يده بحنان أبيها.

- مالك يا بنتي؟ مالك؟ خير؟

وبدون أي مقدمات وجدت فاطمة نفسها ترمي في أحضان الشيخ وتقص عليه ما حدث بدون رتوش ، حكّت له كل شيء، آمالها وطموحاتها ومجهوداتها ، حكّت له عن فقدانها لوالدها ولحنانه وحنينته ، حكّت له كيف شعرت بأن ظهرها انكسر ، كيف حاول أن يحل

أخوها محل والدها، كيف صُدِمت في الجميع، وعلى رأسهم الأب القوي الحنون الذي خذلها وتركها لقمة صائغة في يد الجميع. حكت وحكت ولم تسكت إلا حين أفرغت كل ما في داخلها.

- اهدي يا بنتي! اهدي.

قال الرجل بحنية الأب.

- أنا مش لاقية حد يساعدني.

- ربنا موجود.

- أعمل إيه؟ قولي؟

- العمل عمل ربنا.

- .....

- ارجعي بيتك يا بنتي وخليكي هناك ، أنا هكون عندكم بعد صلاة الظهر إن شاء الله. وفي تمام الواحدة كان الغفير يخبر عبد القوي أنَّ الحاج همام في انتظاره في غرفة المسافرين.

- أهلاً أهلاً بالحاج - ردَّد عبد القوي- مرحباً.

- أهلاً بك يا ولدي.

- لك وحشه يا حاج.

- وأنتم كمان يا بني ، أبوك كان سيد الرجال.

- الله يخليك ، كان لازم أنا آجي لحد عندك في الدار بنفسي.

- واحد يا ولدي واحد ، أنا ليا عندك طلب.

- تأمرني يا حاج. خير؟.

- أختك فاطمة
- (لم يزد الحاج همام على ذلك ونظر إلي عيني عبد القوي وهو يعلم أنه فهم ما يريد قوله).
- مالها فاطمة يا حاج؟
- سأل باستغراب
- أنتَ عارف مالها يا ولدي.
- هي اشتكت لك؟
- مش مهم مين اشتكالي، المهم يا بني شرع الله لازم يتطبق ،اوعى تتخطى حدود الله يا بني اوعى.
- قال الرجل محذراً برفق.
- أنا لا يمكن أتخطى حدود ربنا ، أبويا هو اللي....
- مش عايز أعرف
- قاطعته الحاج همام مشيراً بيده
- أنت ابن الحاج ومحدش هيخاف عليه زيك.
- أنت عاوزني أعمل زيك ، عاوزني أعصي أبويا وأكسر كلامه.
- تعصي أبوك أحسن ما تعصي ربنا ، أبوك بين ايدين ربنا وإذا كان غِلَط لازم أنت تصلح الغلط ده وتدعيه بالرحمة.
- وإزاي يا حاج تقول أنَّ الحاج شديد غلط؟ هو ده العشم برضك.
- كلنا بشر يا بني، البشر خطأون ، وإذا مات ابن آدم انقطعت كل صلة له بالدنيا إلا من وليد صالح يدعوله، وأنا عارف أنك صالح إن شاء الله

- خاطرك كبير يا حاج ومجيتك عزيزة ، إيه المطلوب بالظبط؟
- ترجع حق أختك وترجع عن الجوازة اللي في دماغك دي. الشرع لا يُجيز الزواج بدون موافقتها.
- ربنا يسهل يا حاج ، بس أنا أديت كلمة.
- ربنا أهم يا بني.
- طيب أنا موافق ، بلاها الجوازة دي ، بس أنا مش هقدر أعمل حاجة في موضوع الأرض.
- فگَرَّ يابني وربنا ينور بصيرتك ولا تكن من الذين ضل سعيهم في الحياة الدنيا وهم يحسبون أنهم يحسنون صنعًا.
- ربنا يسهل يا حاج.
- بالإذن بقي يا بني؛ أنا مش متعود أخرج كثير دلوقتي. كبرت خلاص.
- مع السلامة يا حاج نورتنا.
- وصله عبد القوي حتى باب الدار ، ورجع إلى حجرة المكتب وجلس فيها وحيداً وبعد حوالي ساعتين ،استدعي أخته فاطمة.
- اقعدى.
- اشار لها بيده إلى الكرسي الموجود أمام مكتبه وهو متضجع على كرسي المكتب الوثير.
- انتي روحتي للحاج همام.
- .....
- عموماً أنا مش عايز رد ، الحاج محبته كبيرة قوي ، وعلشان خاطره أنا مش هتمم الجوازة ، لكن أكثر من كده مش هأقدر ، واعرفي إنَّ أول عريس هيجي هتكوني من نصيبه.

- وبالنسبة للدراسة؟

- مافيش دراسة ، هي كلمة واحدة ، وعشان الحاج أنا هانسي كل حاجه وأزود شهريتك ، وأوعي تطمعي في أكثر من كده.

قال بحسم تام.

- كتر خيرك يا أخويا.

كان كل ما استطاعت التفوه به.

- تسمحلي أروح أحيب حاجتي من عند خالتي واسحب أوراقى من الكلية.

- طيب تروحي بكرة في الفجر وتكوني هنا قبل الليل. وممكن أبعت محمود معاك.

- عيب أروح هناك ومعايا غفير ، هو أنت مش واثق فيا؟

- معاكي حق ، بس أوعي يقولك عقلك تروحي تاني للحاج همام ولا غيره.

- حاضر يا أخويا.

أنهت فاطمة المقابلة وصعدت إلي غرفتها وقد عرفت جيداً ما الذي يجب أن تفعله واتخذت قرارها ، وفي غرفتها لم تجد أم بدوي في انتظارها كالمعتاد ، وكانت قد لمحت خيال امرأة يتحرك مسرعاً عندما فتحت باب غرفة مكتب أخيها ، فأدركت أنها غالباً أم بدوي ، وما هي إلا دقائق ووجدتها تطرق باب الغرفة وتدخل. وعلى عكس المتوقع لم تتكلم أم بدوي ولم تسألها عمّا حدث ، وإمّا نظرت إليها بتحدٍ وكأنها تريد أن تسألها هل مازلت قوية؟ هل تدركين ما يجب أن تفعلينه؟

- أجهز لك الشنطة؟

سألت وكأنه أمر أكثر منه سؤال.

- أيوة لو سمحت.

- هتقعدي قد إيه المرة دي؟

- مش عارفة.
- ربنا هيقويكي.
- تمت أم بدوي وراحت تجهز الحقيبة.

\*\*\*\*\*

وفي اليوم الثاني ، كان أول ما فعلته فاطمة بعد أن وصلت هو الذهاب إلى الكلية والبدأ في سحب أوراقها من جامعة أسيوط ، وفي آخر اليوم أرسلت رسالة إلي أخيها تخبره أنها مضطرة إلي البقاء حتى آخر الإسبوع وتتمكن من إستلام أوراقها ولمأشائها من عند خالتها.

وجاءها رد عبد القوي برسالة مقتضبة.

- ابعث لك محمود؟

- شكراً ، لو احتاجته هقولك.

وكانت هذه هي آخر محاولة للاتصال بينها وبين أخيها ،؟ فقد استلمت أوراقها في اليوم التالي ، وأخذت حقيبتها وركبت القطار في طريقها إلى القاهرة ، وكان أول ما فعلته في القطار هو تغيير شريحة الموبايل ووضع الخط الجديد الذي اشتريته لنفسها بدلاً من القديم كي لا يتمكن أحد من الوصول إليها في مدينة الزحام.

وعندما وصلت إلى القاهرة ونزلت من القطار في محطة رمسيس شعرت أنها فعلاً في العاصمة ،فالقاهرة مدينة الزحام، والضوضاء واللاهث، هي فعلاً مدينة بلا قلب ، فمنذ وطأت أقدامها رصيف المحطة وجدت نفسها تجري وتلهث مع القطيع. فالجميع يتزاحمون ويجرون ويلهثون ، ولا أحد يدري من مع من وإلى أي جهة تحديداً يتجه المتدافعون ، وعندما تمكنتأخيراً من ركوب سيارة تاكسي ، كان أول ما فعلته هو أن أعطت السائق العنوان الذي أعطته لها أم بدوي. كانت أم بدوي قد دست في يدها ورقة صغيرة في آخر لحظة قائلة.

- ده عنوان سعدية بنت خالتي ، يمكن تحتاجيه.

وبالفعل كان هذا العنوان يمثل لفاطمة طوق النجاة ، فهي لا تعرف أحدًا في القاهرة الكبيرة، ولم يكن لها وجهة محددة ، فقررت الذهاب إلى العنوان الوحيد الذي تعرفه.

وهناك وجدت نفسها في حارة صغيرة في السيدة زينب ، وبدأت في السؤال عن بيت الحاجّة سعدية إلى أن وجدته أخيرًا ، ولكنها لم تشعر بالارتياح وهي تصعد السلم الضيق في المنزل الصغير القديم ، فهي لا تعرف الحاجّة سعدية ولا تدري ما الذي يجب أن تتوقعه منها ، وما إن رفعت يدها لتطرق الباب حتي أنزلتها ثانية وجلست القرفصاء على السلم تلتقط أنفاسها وتفكر فيما يجب عمله.

لكنها فوجئت بالباب يُفتح وبسيده في مثل عمر أم بدوي تفتح الباب ويدها كيس قمامة تود أن تضعه بجانب الباب ، وما إن رأتها هذه السيده حتي ابتسمت بأسّ.

- انتي لازم فاطمة ، قاعده كده ليه يا بنتي؟

عقدت المفاجأة لسان فاطمة فلم ترد.

- تعالي يا بنتي ، ادخلي ، أنا كنت عارفة إنك جايه.

ولم تصدق فاطمة ولم تشعر بنفسها وهي تقوم من مكانها وتدخل إلى الشقة المتواضعة ، وهي تستمع إلى كلمات الحفاوة والترحاب من هذه المرأة التي لا تعرفها.

- إنتي عرفتي مينين؟

كان أول ما تمكنت من قوله.

- أم بدوي كلمتني وقالتلي على كل حاجة ، وأنا الي قولت لها تديكي عنواني يمكن تحتاحيه.

- كتر خيرك.

- ما يبجي من بعد خيرك يا غالية يا بنت الغالي. أبوي الحاج شديد خيره عليا، وجميله طوق في رقبتي مهما عملت، مش ممكن أردهوله.

- أبويا أنا ...؟

- أيوه أبوكي.
- تعرفيه منين؟
- دي حكاية طويلة قوي مش وقتها ، أبوكي الحاج كان رجل طيب.
- أمال ليه سابني؟
- أوعي تظلميه يا بنتي أوعي تظلميه ، ما يقدر على القدرة إلا ربنا ، المهم دلوقتي تعرفي إنك في بيتك ومطرحك وتفكري على مهلك إنتي عايزه إيه وعايزه عملي إيه بالضبط ؟
- أنا عايزة أنا.
- كان كل ما تمكنت فاطمة من قوله.
- تعالي يا ضايا ، تعالي يا بنتي. اطمني أنا لوحدي هنا. بنتي زهرة الحمد الله اتجوزت وراحت بيتها ، هو هنا في آخر الشارع ، ودي نعمة من ربنا ، ادخلي نامي في أوضتها ، وإن شاء الله لما تصحي يحلها حلال ، تبات نار تصبح رماد ، اطمني.
- وبالفعل شعرت فاطمة بالاطمئنان الذي كان قد فارقتها لمدة. وشعرت بروح والدها ترفرف حولها وبيده تربت على كتفها وتشجعها.
- واستمرت فاطمة على نفس الحال لمدة يومين كاملين ، فهي لا تفعل أي شيء سوى النوم، وكأنه هروب، وتناول القليل من الطعام ممّا تعده لها الحاجّة سعدية وتحاول أن تقدمه لها ، وفي اليوم الثالث أخبرتها الحاجة أن ابنتها زهرة سوف تأتي لتناول الغداء معهما والتعرف عليها وبدأت الحاجّة في تجهيز الغداء مبكرًا.
- أصل زهرة بتروح الشغل الساعة 6.
- أساعدك في إيه؟
- سألت فاطمة.
- والله أبدًا ، ده أنا أخدمك بعنيا ، اقعدني استريحي.

وعندما وصلت زهرة وجدتها فاطمة عروسة في بداية العشرينات، قد تصغرها بقليل ، وهي فتاة مرحة ولطيفة يبدو عليها الطيبة والذكاء في آن واحد ، ولم تقل زهرة عن أمها ترحيباً بفاطمة ومحاولةً التخفيف عنها ، وبعد الغداء أعلنت بوضوح...

- بصي بقي أنا بأشتغل في كافتيريا في فندق 5 نجوم ولازم أكون هناك الساعة 6 ، وجوزي كمان بيشتغل هناك وورديته من الساعة 8 ، بكرة أجازة هاكون عندك الساعة 6 بدل الوردية علشان نتكلم ونفكر سوا هتعلمي إيه بالضبط.

وقد كان، وتواجدت زهرة في تمام السادسة في اليوم الثاني. كانت مرحة كما هي ولكنها بدأت تتحدث بجديّة وحسمٍ.

- بكرة إن شاء الله تقدمي أوراقك في جامعة القاهرة، لسة في وقت الحمد لله ، وتبدأي تحضري على طول.

- إن شاء الله.

أجابت فاطمة وهي معجبة بهذا الحماس والحسم.

- أنا سألت وعرفت إن باب التقديم لسه مفتوح.

- الحمد لله ، بس أنا عايزة أدور على شغل وعلى سكن.

أعلنت فاطمة وقد هالها صعوبة ما تقوله.

- سكن

صاحت الحاجة سعدية باستنكار!! وهي تخبط على صدرها

- يا عيب الشوم ، إنتي بتشتميني يا بنتي.

- العفو يا حاجة ، ليه بتقولي كده؟

- إحنا نعرف الأصول يا بنتي. إنتي هتقعدي معايا ولا علشان بتنا مش قد الملقام؟!

- ما تقوليش كده يا حاجة ، بس كمان مش معقول أقعد معاكي وأنا مش عارفة الموضوع هيطول قد إيه؟
- ومش معقول ليه؟
- ردت زهرة
- على الأقل تونسيها وأكون مطمئنة عليها بدل القلق اللي أنا فيه على طول.
- يا بنتي ده أنا مهما عملت مش ممكن أرد جزء من جميل الحاج شديد.
- كتر خيرك يا حاجة.
- قالت فاطمة بارتياح.
- خلاص اتفقنا.
- ردت زهرة.
- طب والشغل؟
- يعني لازم؟
- سألت الحاجة.
- أنا معاها في ده يا أمي ، لازم تعتمد على نفسها.
- وأنا روحت فين؟
- معلش يا حاجة ، أنا كده هكون مرتاحة.
- سببها يا أمي ، لازم تكون على راحتها.
- اللي تشوفوه.
- طيب ، أنا هسألك عندنا في الفندق ، بس بعد ما تتأكدني إن محاضراتك بعد الظهر.

- أكيد بتكون بعد الظهر ومش بتكون كل يوم.
- طب الحمد لله ، ربنا سواها من عنده ، أنا عايزاكي تطمني يا بنتي ، ده بيتك ومطرحك.
- وعندما ذهبت زهرة التفتت فاطمة إلي الحاجة سعدية وسألتها.
- إنتي تعرفي أبويا منين؟ أنا عايزه أعرف.
- دي حكاية طويلة وقديمة.
- عايزه أعرفها!!
- حاضر يا بنتي ، جوزي عبد السلام كان أصلاً بيشتغل عند الحاج في الأرض وكان من رجالته، والحاج كان بيعتمد عليه في حاجات كثير ، بس ربنا افتكره بدري ، وزهرة كان كل عمرها أربع سنين.
- تنهدت الحاجة سعدية وسكتت قليلاً وهي تتذكر ما حدث وكأنها تعيشه ثانية.
- الصدمة كانت كبيرة عليا ، وماكنتش عارفة أعمل إيه ، لكن الحاج وقف جنبني وساعدني ، المصيبة بقي كانت بعد الأربعين ، أهل جوزي يعني أمه وأخواته كانوا أخذوا كل حاجة ، هو ما كانش عنده غير كام فدان، والبيت اللي كنا فيه ، أخذوهم وقالوا إنَّ هو ما عندهوش ولد ، وكانوا عايزين كمان ياخدوا زهرة.
- ياخذوها ليه؟؟
- علشان تتربي في عيلة أبوها ، وطبعاً عشان يضمنوا إن أنا مش هاطلب منهم حاجة ولا أطلب بحقها ، رحتم لأبوكي ، ووقف معايا وساعدني كثير ، بس هم ركبوا دماغهم وقالوا إن هي دي الأصول.
- وأبويا معرفش يعمل حاجة؟ الحاج شديد كبير البلد، ما عرفش يعمل حاجة؟
- سلو بلدنا ، مكانش يقدر يوقف في وش الريح.

- بس ده ظلم ، سلو بلدنا ظالم ، ظلمني وظلمك وظلم أم بدوي وظلم ناس كتير.
- وظلم حريم كثير أوي يا بنتي ، بس هو ده اللي بيحصل.
- تنهدت الحاجة سعيدة بحزن شديد.
- وبعدين؟
- وبعدين ما كانش في قدامي غير مصر أم الدنيا، جيت وأخذت بنتي معايا.
- يعني هربتني إنتي كمان؟!
- أيوه هربت ، كنت عايزاني أعمل إيه؟ والحاج شديد وصلي عن طريق أم بدوي وفضل يساعدي وما احتاجتش حتى إني أشتغل غير لما زهرة راحت المدرسة. اشتري لي ماكينة خياطة واشتغلت عليها ، وفضل يساعدي برضوا ، وهو اللي جهز زهرة وكان بيتابعني وأنا بتنقل من مكان لمكان علشان كنت خايفة يلاقوني.
- أبويا عمل كده؟!
- سألت فاطمة باستغراب ممزوج بفخر.
- أبوك كان رجل طيب قوي.
- أمال ليه ظلمني؟ ليه؟ إزاي يقف جنب الكل ويسيب بنته؟
- أوعي تظلميه. أم بدوي قالتلي على كل حاجة، هو ماكنش يقدر يعمل غير كده ، ما قلت لك سلو بلدنا.
- ربنا يرحمه، بس كان ممكن يعمل حسابي.
- هو برده كان طمعان إن ابنه ينفذ وصيته ، أبوكي مات وهو خايف عليك يا بنتي.
- ربنا يرحمه.

- انسي يا بنتي ، انسي اللي فاتو فكري في اللي جاي وتأكدي إن أبوكي عمله الطيب هيقف لك.

وعندما دخلت فاطمة حجرتها لتنام لم يجد النوم إليها طريقًا كانت رأسها مليئة بالأفكار المضطربة والهواجس ، لم تستطع أن تتصالح مع نفسها بسهولة ، لم تستطع أن تجد بداخلها سماحة كافية تمكنها من تقبّل ما تقبلته هذه السيدة وغيرها بسهولة ، بل الأسوأ من ذلك أنها لم تتمكن من الصفح عن والدها بسهولة؛ ربّما كان العيب منها، ربّما هي ضعيفة أو قليلة الإيمان، ربّما هي ظالمة أو جاحدة، ربّما لا تستطيع تقبل القدر، لكنها تشعر بالظلم.

وعندما طلع النهار، استيقظت فاطمة وقد قررت أن تتبع نصيحة الحاجة سعدية ، تلك المرأة البسيطة الجميلة والقوية في آن واحد ، فهل تكون هذه السيدة أكثر قوة منها؟ يجب أن تتعلم فاطمة منها ، يجب أن تكون قوية وتحقق هدفها وتثبت للجميع أنّها يمكنها التغلب على الظلم، يمكنها أن تحقق ذاتها. ولذا فسوف تسمع كلام الحاجة سعدية ، سوف تنظم وقتها بين العمل في الفندق وبين الجامعة ، وبعد أن تحصل على الماجستير ستقدم على الدكتوراة ولن تعود إلي قريتها إلا وهي الدكتورة فاطمة ، وسوف تثبت للجميع أنّها أقوى وأحسن من عبد القوي الذي أكل ميراثها ، وستحاول التصالح مع نفسها ، وقد تسامح والدها ، لكنها أبدًا لن تسامح أخاها.

وهكذا بدأت عجلة الحياة تدور بروتينها الجديد ، فانشغلت فاطمة بالعمل في كافيتريا الفندق في الصباح ، وبحضور محاضرات الجامعة بدءًا من الرابعة مساءً ، وبعد ذلك لم يكن يشغلها سوى مذاكرتها استعدادًا للامتحان ، واستمر الروتين اليومي ، وسعدت فاطمة بوجودها مع الحاجة سعدية وبصداقة زهرة ، ولم يكن يكدر صفوها شيء إلا بعض المضايقات القليلة من رواد الكافيتريا ، وفيما عدا ذلك فالحياة تسير ، حتسًا أنّها بدأت تنسى أخاها وأمها وقريتها، ولم تحاول الاتصال بأم بدوي أبدًا وإمّا كانت تتواصل معها عن طريق الحاجة سعدية.

ولكن تأتي الرياح بما لا تشتهي السفن؛ فقد بدأت فاطمة تشعر بالانزعاج من مضايقات الزبائن وخصوصًا الشباب منهم. وبالأخص السائحون العرب الذين كانوا لا يدارون إعجابهم بجمالها ، فكان ذلك هو الشيء الوحيد الذي يشعرها بالإهانة ، فكيف تتعرض

بنت الحاج شديد لمثل هذه المضايقات؟ فقبل ذلك لم يكن أحد يجروء على النظر إليها.  
أما الآن ..... .

وبدأت تلاحظ أن أحد الزبائن يأتي يومياً إلى الكافتيريا ، وتبدو عليه علامات الثراء العربي الواضح ، مع الوقت لاحظت أنه يصر على أن يطلب منها بالذات ما يريد ويحاول التحدث إليها. وكالمعتاد لم يزده جفاؤها إلا إصراراً وعناداً ، وازدادت فاطمة ضيقاً وانزعاجاً.

- وأخرتها إليه؟

باغتتها زميلتها مريم بالسؤال.

- مش فاهمة!؟

- والله باين عليك مش فاهمة بجد.

- قصدك إليه؟

- قصدي الرجل اللي بيجي كل يوم علشانك ، يعني مش واخده بالك؟.

- لأ.

أعلنت فاطمة.

- والله إنتي أصلك عبيطة.

- والنبى يا مريم أنا جاية هنا علشان أشتغل وبس ، سبيني في حالي.

- ما هو ده الشغل على أصوله.

ضحكت مريم.

- أنا مليش في الكلام ده.

- يا بنتي ما تبقيش صعيدية بجد ، الرجل معجب بيكي ومستعد لكل طلباتك.

- إنتي فاهمة غلط ، أنا قلت لك إن أنا مليش في الكلام ده. أنا بنت الحاج شديد إنتي فاهمه!!
- شيلاه يا حاج
- صاحت مريم.
- عيب كده.
- عيب. ومأ إنتي بنت ناس قوي كده إيه اللي رماكي علينا؟.
- خليكي في حالك.
- صاحت فاطمة بحده.
- وفي نفس اللحظة سمعت فاطمة صوت رجالي يهمس بحزم.
- كفايه كده ، الكلام ده ماينفعش.
- وأدركت أنه صوت مدير الكافتيريا وقد جاء مؤنبًا بشدة.
- ده مش مكان خناق ، إحنا هنا علشان الشغل.
- أنا آسفة.
- اعتذرت فاطمة.
- حاضر يا مستر.
- رددت مريم.
- أنا عايزك بعد الشيفت
- أوماً الرجل لفاطمة.
- حاضر.

وبعد انتهاء الوردية ذهبت فاطمة إلي مديرها وهي في شدة الانزعاج.

- كده ما ينفعش.

بدأ الرجل.

- بس أنا ما عملتش حاجه غير الشغل.

- أنا عارف.

نظرت إليه باندهاش.

- طب أمال إيه المشكلة.

- بصي ، أنا رجل قديم وعندي خبرة ، إنتي ما تنفعيش هنا وأنا مضطر أنقلك.

- بس أنا ما عملتش حاجة.

- عارف, بس يمكن تكووني محترمة زياده عن اللزوم, الشغل هنا هيجيب لك ولنا مشاكل.

- يعني إيه؟

- يعني هاقول إنك انتي طلبتي نقلك من هنا وخلص.

- طب أروح فين؟

سألت منزعة.

- مش عارف هاشوف فين مكان فاضي ، وإنشاء الله أقولك ، اسمعي الكلام إنتي مش هتعمري هنا.

وفي خلال 48 ساعة وجدت فاطمة نفسها وقد تم نقلها إلي قسم الـ "House Keeping" ، ووجدت نفسها مسؤولة عن أعمال تنظيف ما كانت لتقبل القيام بها ، ولكن ميعاد الامتحان اقترب وليس هناك أي وقت للبحث عن أي عمل آخر ، ونصحتها زهرة بأن تقبل لحين البحث عن عمل آخر.

ومع الوقت اعتادت فاطمة تلك الأعمال ، فبالرغم من عدم تقبلها لمثل هذا النوع من العمل إلا أنها وجدت فيه راحة، حيث أنها تعمل مع زميل لها مسؤول معها عن الدور وتحرص ألا تتعامل مع أي نزيل وألا تدخل أي غرفة إلا بعد التأكد من أنها خالية تمامًا ، وكانت دائماً ما تؤكد لنفسها أن هذه ليست النهاية ، فهي ترفض أن تتقبل هذا الواقع ، ترفض أن تتقبل أنأبنة الحاج شديد قد انتهى بها المطاف إلى مثل هذه الأعمال الدنيا ، لكنها أيضاً تعلم أن الحاج سوف يكون فخوراً بها لأنها صعيدية وقوية مثله ، بل أقوى منه لأنها تتحدي الظروف كلها، وسوف تتغلب عليها ولن تستسلم لها مثل والدها رحمه الله.

ومرت الأيام وانتظمت الحياة وكانت كل الأيام تسير على نفس الوتيرة ، فيمر كل يوم ما بين الشغل والمذاكرة والتسامر مع الحَاجَّة سعديّة التي كشفت لفاطمة الكثير عن الوجه الطيب الخيّر للحاج شديد كبير العائلة ، ووجدت فاطمة في الحاجة سعديّة نعم الأم ، فقد غمرتها بحنان لم تعهده في أمها نفسها، ولمست فيها طيبة وتفهم لم تجدهما في الحاجة أم عبد القوي ، فهي سيدة رقيقة المشاعر، تفيض بالأحاسيس الجياشة ، تضفي بهجة ودفءٍ على من حولها ، كانت فاطمة تنظر إليها باندهاش وإعجاب في نفس الوقت ، فتستغرب كيف أمكن لمثل هذه السيدة أن ترتقي فوق كل ما مرت به من ظروف سيئة؟ كيف يمكنها أن تتخطى الشعور بالظلم وتتعامل معه كأنه لم يكن؟ كيف يمكن لإنسان عانى وذاق مرارة الظلم والوحدة أن يكون بمثل هذه القدرة على العطاء؟

كانت فاطمة تنظر إليها وهي تتسائل ، هل يمكن أن تصبح مثلها يوماً ما؟ هل يمكن أن ترتقي بمشاعرها مثل هذه السيدة؟ هل يمكنها أن تنسى الظلم والقهر الذي تعرضت لهما؟ إنَّ أخشى ما تخشاه هو أنَّها لن تستطيع التغلب على ذلك ، إنَّ شعورها بالمرارة يزداد في كل مرة تدخل إلي إحدى غرف الفندق لتنظفها. ويتفاقم هذا الشعور كلّما تذكرت أحاسنها ، فهو السبب فيما هي فيه، وليس هناك أي مبرر لديه سوى أنَّه هو الرجل أو "الذكر" ، وكل تصرفاته لا تمت إلى الرجولة بشيء، كل ماهانك أنَّه ولد ذكر فدلته أمه وفضّلته عليها وساندته في كل شيء ، فتعظمت عنده الذات، وتضخم شعوره بذكورته وليس برجولته، فكان ما كان، فقد سمح لنفسه أن يكون الأول والمفضل في كل شيء، فتزوج مبكراً وأنجب ، ثم تمللم ورغب في التغيير فتزوج بأخرى ولم يراعي شعور زوجته الطيبة، فهو حقه وشرع الله كما عرفه ، وها هو الآن يجور على أخته ويأكل حقها ويحرمها من ميراث أبيها.

أباها هذا الرجل الطيب ، هذا الرجل القوي الضعيف ، العادل الظالم ، الحنون القاسي ، هذا المزيج الغريب المتفرد ، هذا الرجل الذي يحن على الغرباء ويقف إلى جانبهم ويساندتهم ويعطف عليهم ، وفي نفس الوقت كان أضعف من أن يساند ابنته ويحميها ، لم يستطع أن يقف في وجه المجتمع الظالم والتقاليد البالية. بل لم يستطع حتى أن يقف في وجه زوجته. بل ربما كان هو نفسه بداخله يشعر بنفس الميول الذكورية ، برغم حبه لابنته، ربّما كان في داخله يفتخر أنّه أبو عبد القوي وليس أبا فاطمة، إنها حقاً لا تستطيع أن تفهم كل ذلك، لكن الأسوء وما يخيفها فعلاً هو عدم قدرتها على التسامح مع كل ذلك.

كانت هذه الأفكار كثيراً ما تراود فاطمة ولا تستطيع التخلص منها بسهولة ، لكنها كانت تحاول أن تتناساها ، لا سيما وهي تذاكر، فقد اقترب موعد الامتحان ويجب عليها أن تركز فيه حتى تحقق هدفها وحلم عمرها الذي سيمكنها أن ترجع إلي بلدتها قوية منتصرة ومرفوعة الرأس.

وكانت الأيام تجري بسرعة ، وحنان موعد الامتحان وفاطمة تحاول بكل جهدها أن تكون في أتم استعداد ، وما بين أعباء العمل والمواصلات والمذاكرة ، بدأت تشعر بالإجهاد وبالضغط النفسي وبدأت أعصابها تهتز، فهي لأول مرة تخشي الامتحان، وكأنه مسألة حياة أو موت بالنسبة لها ، ولذا قررت أن تطلب أجازة عدة أيام من العمل فلم يتبق سوى أيام قليلة على الإمتحان.

ولحسن الحظ وجدت فاطمة تفهماً من مديرها حيث منحها أربعة أيام أجازة قبل الامتحان الأول ، فتنفست الصعداء وهي تصعد إلى الدور المسؤولة عنه وحدها حيث كان زميلها متعباً قليلاً ، وكانت في الواقع تستمتع بالوحدة حيث أنها لا تستطيع التركيز ولا تقدر على سماع ثرثرته المستمرة ، فهي لا تفكر سوى في الدراسة وفي كيف سترتب وقتها في الأيام القليلة المتبقية ، هل ستستطيع أن تتغلب على شعورها بالإجهاد؟ فهي تشعر برغبة شديدة في الارتياح ، وكلما دخلت إلى غرفة لتنظفها كلما راودها شعور غريب بالرغبة في الاستلقاء على السرير والغوص في نوم عميق حتي تتمكن من الاستمرار ومن بذل المجهود المطلوب منها.

ولأول مرة تقرر فاطمة أن تنتهي عملها في ترتيب الغرف بأسرع وقت وأقل مجهود ، فهي لا تستطيع أن تولي كل تفاصيل العناية المطلوبة منها ، ولذا امتدت يدها إلي آخر

غرفة في الدور لتفتح الباب وهي تكاد تكون مغمضة العين ، لكنها تمنني نفسها بأنها آخر غرفة ، وأنها في طريقها إلى الراحة.

ولفت نظرها عندما دخلت الغرفة وجود مسدس صغير مُلقً على إحدى الكراسي ، فقد ذكَّرها هذا المسدس مرة أخرى بأخيها وبالقرية وبأهل الصعيد ، فازداد شعورها بالضيق والضغط النفسي فهي في غنى عن ذلك الآن ، وقد أدهشها قليلاً جراءة صاحب المسدس الذي تركه في الغرفة الخالية بمثل هذا الإهمال.

لكن دهشتها سرعان ما زالت عندما سمعت باب الحمام يُفتح وشعرت أن هناك شخصاً ما في الغرفة ، لابد وأنه نسي أن يضع علامة عدم الإزعاج على الباب وترك علامة النظافة مكانها. شعرت بارتباك شديد وقررت أن تخرج قبل أن يشعر بها النزير. فاستدارت لتخرج مسرعة وهي لا تدري إن كان الخطأ منها من فرط الإرهاق أم من النزير!

- رايحه فين؟ خليكي عندك.

فاجأها صوت رجالي أجش شعرت أنها تعرفه.

- آسفة جداً.

وفوجئت بالرد في صورة يد قوية تمسك بكتفها لتوقفها ، فاستدارت منزعجة لتجد نفسها وجهاً لوجه مع أخيها عبد القوي.

وقبل أن تصرخ كان عبد القوي قد وضع يده على فمها ليسكتها.

- امسكي نفسك.

أمرها صائحاً.

- إنت إيه اللي جابك هنا؟

- جيت أشوفك.

- وعرفت مكاني إزاي؟

سألته بارتباك.

- مش ده المهم ، أهو عرفت وخلص ، هو إنتي فاكرة إنك تقدري تهربي؟
- وعايز إيه دلوقتي؟
- صاحت بغضب شديد.
- عايزك ترجعي معايا من سكات.
- أرجع فين؟
- ترجعي بلدك ودارك.
- ليه؟ عندك عريس تاني؟
- سألته بتحدِّ.
- ابن عمك أولي بيكي.
- إبن عمي مين ؟
- عوض!!
- عوض متجوز وعنده عيال. ولا عاوز تبيعني له علشان يديك فدان مهر.
- لا عاوزه يستر الفضيحة اللي عملتها ، هو الوحيد الي ممكن يتجوزك علشان اسم العيلة.
- اسم العيلة زي ما هو ، وأنا ما عملتش حاجة غلط.
- بصي يا بنت أبويا
- قال بحزم
- إحنا لغاية دلوقتي الناس فاهمة إنك عند خالتك ، أنا وعوض بس اللي عارفين الحقيقة ، وتعبنا لغاية ما لقيناكي ولازم ترجعي معايا.

- أنا مش هارجع يا عبد القوي.
- ردت بغضب.
- كفاياكي بقي فضايح.
- هي فين الفضايح؟
- إنتي مش شايفه نفسك ، بقي بنت الحاج شديد وأخت الحاج عبد القوي تدخل أوض كل من هب ودب وتنظفها.
- أنتَ اللي رمتني على المر يا عبد القوي.
- أنا؟!!!
- أيوه أنتَ ، أنتَ السبب في كل حاجة أنا فيها.
- طب يالا معايا. يالا بلاش كلام كثير.
- اسمع يا عبد القوي ، أنا فاضل يومين على الامتحان وما عنديش أي استعداد أضيع مجهود الشهور اللي فاتت.
- بلا امتحان بلا كلام فارغ ، تعالي معايا بالذوق ، يالا.
- مش هاجي ، ابعده عني وسيبني في حالي ، وكفاية اللي عملته لحد كده.
- عملت إيه؟
- سألها باستغراب حقيقي.
- مش عارف عملت إيه ، بهدلتنني وسرقتني وكسرت كلام أبوك.
- أنا سرقتك؟
- تسائل بأعلى صوته وقد تملكه الغضب.

- أيوه سرقنتي ، سرت ميراثي وعايز تبيعني لأي حد ، هي دي الرجولة؟  
ردت عليه بغضب مماثل.
- اخربي.
- صاح وقد انهال على وجهها بصفعة قوية.
- ابعدي عني ، ابعدي عني.
- صرخت فاطمة بخوف وغضب.
- مش هاسيبك يا فاطمة. كفاية فضايح.
- ابعدي عني.
- صرخت فاطمة بأعلى صوتها ، واستدارت لتخرج مسرعة من الحجرة ، لكن عبد القوي أمسك بها وبادرها بصفعة أخرى ، فلم تستطع أن تفلت منه.
- حرام عليك
- صرخت باكية وهي تشعر بإهانة شديدة
- كفاية كده ، كفاية سييني في حالي سييني أصلح اللي أقدر عليه ، أنا بكرهك بكرهك ، أنت جاي تعمل راجل عليا؟
- قلت لك إخرسي.
- ورفع عبد القوي يده ليناولها صفعة أخرى ، لكن فاطمة كانت أسرع منه فهربت من أمام كفه وتفادت الصفعة ، وازداد شعورها بالإهانة والقهر ، وتملكها غضب جامح لا تستطيع السيطرة عليه. فلم تشعر بنفسها إلا وقد امتدت يدها إلى المسدس ، وأطلقت منه رصاصة استقرت في صدر عبد القوي
- ولم تصدق نفسها وهي تسمع أنينه وتراه يتهاوى أمامها.

ولم تصدق أكثر شعورها الداخلي بالارتياح ، فقد اقتصت لنفسها وتغلبت على الشعور  
بالقهر وليحدث ما يحدث فلا يهم شيء بعد ذلك.  
ويظل دويّ الرصاص في أذنيها...



حقوق الطبع و النشر محفوظة

